



ԳՐԱԿԱՆ, ԲԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵԻՅԻՆԳԵՐՈՐԴ ՏԱՐԻ

1910

№ 7—8

ՕԳՈՍՏ.—ՍԵՊՏ.

Թ Ի Յ Լ Ի Ս

ԷԼԷՔՏՐՈՆԱԳՐ ՏՊԱՐԱՆ ՕՐ. Ն. ԱՐԱՆԵԱՆԻ ՊՈԼԻԹ. 7
1910

ԲՈՎԱՆԴԱՆՈՒԹԻՒՆ

Կեանքի փոթորկից. բանաստ. Յար. Պետրոսեան	3
Մի օր. վէպ. վերջ. Արսէն	4
Տ. Դրեգոր Թ. Մուսարէկեան. Մաղափա արեպա. Օր- մանեան	14
Աքսորականները. Ս. Բօճճօր	21
Պատմա. Թիւն Սասանեանց. պրօֆ. Կրիմսկու. Մ. Շովրեան	28
Նորադոյն պատմագիտութիւն, Կարլ Լամպոեխսի. գերմ. քարգմ. Pessimist	36
Խրիմեան Հայրիկի նամակներ	54
Աղբրի մօտ. Վ. Գ.	63
Շիրվանդադէ. կենսագրական ակնարկ. Հայ	64
Երկու սարսափների պատասխան. Գիւտ Աղանեանց ա. ք.	78
ՄԱՏԵՆԱԽՕՍԱԿԱՆ	90
Ա. Շահնազարեան Խաւար աշխարհում. Յ. Մ. — Ստաց- ւած գրքեր:	
ԱՄՍՈՒԱՅ ՏԵՍՈՒԹԻՒՆ	93
Լուրեր:	
ԽԱՌՆ ԼՈՒՐԵՐ	95
Թոքախտի նոր դեղ: Ամերիկական մի նոր գիւտ:	
ՅԱՅՏԱՐԱՐՈՒԹԻՒՆՆԵՐ	


ՏՊԻՈՒՄ Է ԵՒ ՇՈՒՏՈՎ ԼՈՅՍ ԿՏԵՍՆԻ

Գ Ի Ի Ա Ն

ՀԱՅՈՑ ՊԱՏՄՈՒԹԵԱՆ

Գ Ի Ր Ք Թ.

Յովսէփ Արղուրեան



ԳՐԱԿԱՆ, ՔԱՂԱՔԱԿԱՆ, ՊԱՏՄԱԿԱՆ ԵՒ ՀԱՆՐԱՅԻՆ

ԱՄՍԱԳԻՐ

ՏԱՍՆԵՒՅԻՆ ԳԵՐՈՐԴ ՏԱՐԻ

1910

№ 7—8

ՕԳՈՍՏ.—ՍԵՊՏ.

Թ Ի Ֆ Լ Ի Ս

ԷԼԵՔՏՐԱՆՈՐԺ ՏՊԱՐԱՆ ՕՐ. Ն. ԱՂԱՆԵԱՆԻ, ՊՕԼԻՑ. 7.

1910

* * *

Կեանքի փոթորկից հալածուած, մենակ
Թռչում եմ հեռուն կայծակ թեւերով,
Չափում սար ու ձոր, երկինք կապուսակ.
Ես չեմ ընկնուի շալակած բեռով:

Կը թռչեմ հեռո՞ւն, կը թռչեմ հեռուն,
Դէպի նոր աշխարհ, նորանոր ափեր,
Անվախ է հոգիս, արիւնս եռուն,
Եւ սրկութեան խզումն եմ կապեր:

Յար. Պետրոսեան

ՄԻ ՕՐ

(Վ Ե Ր Չ)

XIII

Աղջկայ դուրս գնալուց յետոյ, նստեցի գրասեղանիս մօտ, գրիչը ձեռքս առալ և աշխատեցի կեանքի շէմքին ունեցած տպաւորութիւններս արձանագրել բանաստեղծական տողերով: Բայց նախ քան այդ՝ հայեացքս դարձրի սենեակիս պատից կախած նշանաւոր հասարակական գործիչների պատկերների վրայ և բացականչեցի տխրութեամբ. «Ա՛խ, նախանձում եմ ձեզ, կամքի ոյժի տէր, կորովի բնաւորութեամբ օժտուած մարդիկ, դժբաղդ, որ ամեն մի վրտանգի առաջ վհատել, վաստակաբեկուել և խուսափել չ'կարողացաք ձեր կեանքի պատմութեամբ, ձեր գործերի հմայքներով ինձ կրթել, ճանապարհի բերել և կամք ստեղծել, բնաւորութիւն կազմակերպել իմ մէջ: Նախանձում եմ ձեզ, իդէալի համար մարտնչող, յաղթանակի յոյզով վառուած, ասպարէզ նետուող, քաջամարտիկ հերոսներ: Նախանձում եմ ձեզ, մաքրասիրտ մարդիկ, որ մինչև վերջը մնացիք անհաղորդակից կեանքի ապականող ցեխին և եղաք հոգով մաքուր: Նախանձում եմ ձեզ, ներքուստ այրում, տոջորում և ապիկարութեանս գիտակցութեամբ աւաղում»:

Մի քանի րոպէից յետոյ ուշքս ժողովելով և հայեացքս գրեթէ ուժով անջատելով գործիչների նկարներից սթափուեցի:

Ես գրական տաղանգի տէր էի համարում ինձ մինչև այս վերջին օրը: Ուսանողական տարիներում գիտութեան մէջ եռանդագին պարապելով մոռացել էի գրականական գրիչս, որ գործ էի անում դպրոցական վերջին տարիներում: Հայրենի քաղաքումս ես հռչակուել էի իբրև տաղանդաւոր և ապագայ ունեցող բանաստեղծ: Ուսանաւորներս ձեռքից ձեռք էին անցնում, սիրահար օրիորդներն ու տղաները բերան էին սերտում, եղանակ էին յօրինում և երգում: Իմ վարք ու բարքս շատերին էր առիթ տուել ինձանում մի մեծ բանաստեղծական ձիրք տեսնելու: Կան մարդիկ, որոնք այն կարծիքի են, որ բարոյական, բառի բուն նշանակութեամբ մաքուր և անարատ մարդիկ չեն կարող բանաստեղծ լինել, գեղա-

ղուեստական ասպարիզում յաջողութիւն գտնել: Այդպիսիների աչքում՝ ես մի խոշոր տաղանդ էի կամ պէտք է լինէի:

Եւ ահա այդ ժխտող տաղանդը՝ կեանքի շէմքին, ուսանողական ջրջանի աւարտին, վերջին միակ օրը փորձել տանել էր ուղում, թէ ինչ է ինքը իբրեւ գրագէտ, — տաղանդ ունի, թէ՞ զուրկ է նրանից: Կասկած չունէի բանաստեղծ լինելուս մասին:

Մի թերթ թուղթ քաշեցի առաջս և սկսեցի մտածել գրելու նիւթի մասին: Ինձ համար պարզուեց ոտանաւորի սիւժէն: Պիտի ներկայացնէի մէկին, որ կանգնած է կեանքի շէմքին տխուր մը՝ տախտակութիւնների մէջ և համակուած մոայլ տրամադրութեամբ: Նա գիտէ իւր թուլութիւնը և համոզուած է, որ կեանքը իրան պիտի ջախջախէ իւր անողոք օրէնքներով, ճգմելով ամբողջ էութիւնը կենսական սեղմիչ մեքենաների, անագորոյն պայմանների մէջ:

Մի ամբողջ ժամ գլուխս դրած գրասեղանին, մտտերս խրած մագերիս մէջ, մտածում էի: Դարձուածքներ ու բառեր մէկ մէկու ետեկից անցնում էին իմ թոյլ յիշողութեան միջով: Սկսեցի գրել: Դրում էի, քիչ յետոյ ջնջում, գրում էի, գրածս սրբագրում և ապա կրկին ջնջոտում չ'հաւանելով գրածիս: Եւ այսպէս շարունակ մի քանի ժամ: Մի ներքին դող սոսկ համակել էր իմ մարմինը: Ձերքերս դողում էին: Դրիչը մի քանի անգամ ձեռքիցս ընկաւ, պատճառելով ինձ անհուն զայրոյթ: Ի՞նչ եղանակով էի գրում: Դրիչս ձեռիս ելնում էի, սենեակիս մէջ արագ մի քանի անգամ անցուղարձ էի անում, իսկոյն նոր գիւտ արած մարդու պէս վազելով գալիս էի գրասեղանի առաջ դրած աթոռի վրայ նստում և սկըսում մի քանի տող գրել: Քիչ յետոյ վեր էի կենում վերստին առաջուայ գործողութիւնը սկսում, կրկին նստում և առաջուայ տողերը ոչնչացնելով նորերն էի գրում: Եւ այսպէս շարունակելով բաղմամբիւ սպիտակ թերթեր սևացրի ու ոչնչացրի: Բանաստեղծօրէն չ'կարողացայ ոչինչ արտադրել, լոկ մտքեր, դատողութիւններ էի արտայայտում, բայց նրանց մէջ ստեղծած բան չէի գտնում: Սաստիկ դժգոհ էի: Հոգիս տակնուվրայ՝ ամբողջ ամբիւնով սարսռում էի, ասես թէ մի զարհուրելի յանցանք էի գործել: Վերջապէս այս անելանելի դրութեան վերջ տալու համար մի նոր թերթ առաջս քաշեցի, մտադրուեցի ինչ էլ որ լինի չ'փոխել այդ թերթը և գրածս չ'ջնջել — թող ինչ կուզէ դուրս գալ գրչիս տակից: Ինչ որ իմացած — չիմացած բան ունէի այդ խեղճ թերթի վրայ կուտակեցի: Վերջացնելուց յետոյ մի կծու, դառնալիք քրքիչ գուրս թաւ կոկորդիցս, գրիչս փշրեցի և հեկեկալով երեսնիվայր ամբողջ ամբիւնովս փռուեցի մերկ յատակին:

Ես մինչև այդ օրը փայփայում էի մի միտք. եթե գործի մարդ էլ չլինէի, գրագէտ կարող էի լինել, գրչի մարդ անպատճառ կը լինեմ և այդպիսով կարող կը լինեմ օգտակար լինել հասարակութեան: Եւ այս վերջին մի օրում ոսկի յոյսս չքացաւ՝ իմ սրտում բարձրացնելով վշտի, տանջանքի և ոչնչութեան խորտակիչ գիտակցութեան փոթորիկը:

Ես զգայուն հոգի ունէի. ամեն մի ջնջին դէպք, ամեն մի քիչ թէ շատ աչքի ընկնող երևոյթ իմ մէջ յոյզեր էր ծնեցնում: Երաժշտութիւնն ինձ գերազանցօրէն ազդում էր: Ես շատ անգամ արտասուում էի մի գեղեցիկ երգ լսելիս կամ մի յուզիչ թատրոնական տեսարան դիտելիս: Բնութիւնը անչափ գրաւում էր ինձ. սքանչանում էի նրա զմայլեցուցիչ երևոյթներով, սիրում էի մեծանակութեան մէջ բնութեան հմայքները վայելել: Այս բոլորն իմ գիտակցութեան մէջ հաստատել էին գրագէտ-բանաստեղծ լինելու յոյսը: Իսկ այսօր համոզւում էի, որ զգացուելը, շատ զգացումներ և մտքեր ունենալը, գեղեցիկ սիւժէներ յօրինելը դեռ բաւական չէ, պէտք է իմանալ արտայայտել, պէտք է բնութիւնից օժտուած լինել տաղանդով, աստուածային կայծ ունենալ հոգու մէջ, մի խօսքով—ծնուել:

Յատակից բարձրանալով՝ այդ երեկոյի բոլոր խոհերիս և մտորումներիս էութիւնը ձևակերպեցի այս խօսքերով. միտքը բռնաբարելով բան չի դուրս գալ: Ես տաղանդից զուրկ եմ և իբրեւ գրագէտ—ոչինչ:

XIV

Ուսանողների մի ստուար խումբ դեռ նոր դուրս եկան իմ, նորաւարտիս՝ սենեակից, թողնելով ուսանողական կացարանս անկարգ վիճակի մէջ. այս ու այն կողմ թափթփւած աթոռներ, բազկաթոռներ, լուսամուտների առաջ դրուած գրասեղանիս վրայ բազմաթիւ խառնիխուռն գրքեր, օրաթերթերի համարներ, այլ և այլ հանդէսներ:

Մնացի մենակ: Գրասեղանիս մի անկիւնում ընկած էր մի քառածալ հաստ թուղթ: Դա իմ այդ օր ստացած աւարտմանս վկայագիրն էր, որի համար էլ եկել էին ընկերներս և շնորհաւորել՝ իմ «կեանքի մարդ» դառնալու: Տխուր էի: Թէև ընկերներս հարկադրել էին ուրախ լինելու, բայց սրտանց թախծոտ էի, մոայլ ու անմխիթար: Մի գօրեղ վիշտ ճնշել էր հոգիս: Վաղը պէտք է ճանապարհ ընկնէի հայրենիք: Այդ մասին նախապէս հեռագրել էի հօրս: Յապաղել չէի կարող: Ես գոհ չէի, որ հետզհետէ մօտենում

է հայրենիք ճանապարհուելու ժամը: Հազիւ մէկ օր էր մնում: Անվերջ կերպով սիրտս կրծում էր մի ծանր հարց: Խնչ եմ տանում հայրենիք: Եւ պարզ կարողանում էի տալ այս հարցի պատասխանը, սկսելով իմ ուսանողական վերջին երկայնաձիգ խորհրդածութիւններս, թէն այդ խոստովանութիւնը լցնում էր հոգիս դառնութեան լեղիով:

Ի՞նչ եմ տանում հայրենիք,—հարցնում էի կրկին,—արդեօք մեծ գիտութիւն, ուսում, գործելու անսպառ եռմնդ: Ո՛չ: Ես դատարկ եկել եմ և դատարկ էլ գնում եմ: Թող այս խօսքերն այրեն իմ հոգին. բայց սրանց մէջ ճշմարտութիւնն է խօսում: Անժամանակ հոգիս փչացնելով, յիշողութիւնս էլ մի զօրեղ հարուած ստացաւ, որից յետոյ ինձ համար դժբախտութեան նոր դուռ բացուեց: Տարեկան անթիւ գրքեր և յօդուածներ եմ կարդում, բայց նրանցից յիշողութեանս մէջ գրեթէ ոչինչ չի մնում: Այսօր կարդացածս վաղը մոռանում եմ: Սիգիֆէան աշխատանք: Ինձ տանջում եմ որևէ բան յիշողութեանս մէջ պահելու համար: Ես ոչինչ չ'գիտեմ: Ամփոփ գիտութիւն չեմ կարողացել ստանալ, այլ միայն հատուկտոր տեղեկութիւններ, վայրի վերոյ ծանօթութիւններ, այն էլ մի քանի ժամանակից յետոյ մոռանալու համար: Այս բոլորից յետոյ՝ ի՞նչ եմ տանում հայրենիք: Թերևս գործելու ընդունակութիւն, տոկոսնութիւն, ոգի: Ո՛չ և ո՛չ: Իմ եռուն ցանկութիւնս—մշակել կամքի ոյժ—զո՛ւր անցաւ: Չի կարելի տգեղին գեղեցկացնել, սատանային հրեշտակ շինել, ոչնչից բան ստեղծել: Ես ժառանգել էի կամազուրկութիւն: Եւ մինչև այսօր այդ զարհուրելի աւանդը պահում եմ, տանջուելով այն գիտակցութեան մէջ, որ ես կեանքում չեմ կարող ինքնուրոյն լինել, գործել, իդէալներ պաշտպանել, որևէ սկզբունքի հովանաւորութեան դրօշակ առնել ձևոքս: Ահա անցան իմ ուսանողական տարիներս, արդեօք կարող եմ իմ այսպիսի հարցի պատասխան տալ՝ ի՞նչ գոյնի է իմ կաշին: Գեանքն իմ առաջ կանգնած այժմ այս հարցն է ինձ ուղղում: Ի՞նչ եմ կարող պատասխանել նրան: Գրեթէ ոչինչ կամ մի անորոշ պատասխան, ինչպէս որ անորոշ է իմ հոգին իւր հակասական վիճակներով: Ես չունիմ ո՛չ մի պաշտամունք: Իդէալի, համոզմունքի պաշտարով: Ես չունիմ ո՛չ մի անգոյն մի էակ եմ, աշնանային մունքը պակասում է իմ մէջ: Ես անգոյն մի էակ եմ, աշնանային մի տերև, որ ենթարկուած պիտի մնայ հողմի քմահաճոյքներին: Ես զուրկ եմ բնաւորութիւնից. մինչև այժմ չեմ մշակել ինձ համար որոշ ուղղութիւն, որոշ դաւանանք: Ես ոչինչ եմ իբրև գործի մարդ: Ինձ պակասում են գործունէութեան շարժիչ ոյժեր: Ես նման եմ այն նաւաստիին, որ ծով է դուրս գալիս անթիակ նաւակով: Ընկերութեան, հասարակութեան մէջ՝ ի՞նչ դեր կարող եմ

կատարել, հասարակական ինչ բեռ կարող եմ իմ թոյլ ուսերին կրել: Յիշում եմ, երբեմն ինձ ընդգրկում էր փառքի եռուն տենչը. նրան բաւականութիւն, յագեցում տալու համար միջոցներ էի առնում: Այդպիսի բոպէներին համոզուեցի, որ ես կուտուրական կռուի համար անպատրաստ մէկն եմ: Թերևս ես կարողանամ կռուել ուրիշ մարտնչողների շարքերում, որով իմ անհատական ապիկարութիւնս աննկատելի կ'մնայ, բայց ես մենակ, իմ սեփական ոյժերով մաքառելու համար, կեանքին ընթացք տալու և շրջաններ ու մարդկանց համակրանքներ զրաւելու համար անգոր եմ: Ես տկար և ապիկար: Ես թշուառ մէկն եմ: Կարօտ եմ առաջնորդուելու, հովանաւորուելու: Ես պէտք է առաջնորդեմ և հովանաւորեմ մարդկանց, որքան էլ նրանք տգէտ, խեղճ ու արգահատելի լինեն: Գործելու համար պէտք է ունենալ եռանդ, ոգևորութիւն, սէր և հաւատ ղէպի յաջողութիւնը,—սրանք իմ մէջ մարել են այն օրից, երբ ես գիտակցել սկսեցի իմ ոչնչութիւնը: Իմ մէջ բացաւ կայում է որոշ հաստատուն և ձևաւորուած աշխարհայեացքի, սկզբունքների գոյութիւնը: Իսկ այսպիսի մի անսխալանձելի վիճակը պէտք է առաջնորդի ինձ ղէպի գործի և խօսքի հակասութիւն, ղէպի անհասկանալի մի դրութիւն: Իմ խիստ փոփոխական բնաւորութեամբ պէտք է յարմարուիմ պայմաններին, հանգամանքներին և պէտք է ճամբայ բռնեմ այն հոսանքով, որտեղից հողմն է փչում, իսկ սկզբունքներս, ուղղութիւնս զգեստի նման պիտի փոխեմ: Ինձ թւում էր, թէ գրականութեան մէջ իմ կարծեցեալ քանքարի շնորհիւ տեղ կ'բռնեմ, կը կարողանամ շահաւէտ լինել ընդհանրութեան. բայց դառն փորձը այդ յոյսն ևս ջուրը նետեց:

Այսպէս խորհրդածելով շրջում էի սեննակում: Երբեմն ապէս կանգ առնելով շփում էի ճակատս, յետ մղելով նրա վրայ թափուած երկայնաձիգ մազերը: Վարեան մտել էր սեննակս և հաւաքում էր իրեղէններս ճամպրուկի մէջ: Նրան այս կամ այն պատուէրը տալուց յետոյ՝ թաղւում էի խորհրդածութիւններէս մէջ, համակուելով վշտի ճնշիչ ծանրութեամբ:

Գնում եմ հայրենիք,—տխուր շեշտով ասում էի մտովի,—վճռուած բան է: Հայրենիք: Ինչ կայ այնտեղ: Ամենից առաջ իմ դիմաց կանգնած է մի ընտանիք, որին անկեալ դրութիւնից հանելը սրբազան պարտքս էի համարում: Նրա ղէմ կուելու համար ես փախայ և եկայ այստեղ: Նոր-նոր ղէնքերով և հղօրութեան գիտակցութեամբ օժտուելու էի ձգտում հայրական տան ղէմ մղած կռուի մէջ յաղթանակը տանելու համար: Ես մտադրուել էի այդ տունը հանել կրքոտ բռնակալի իշխանութեան տակից, խեղճ մօրս փրկել նրա ճիրաններից, թողնելով ազատ շնչել, քոյրերիս ազա-

տել նրա ծանր լծից, որի պատճառով միայն նրանք այն սրիկայ ուսուցչից խաբուեցան և իրանց կուսական անմեղութիւնը զոհ բերին: Եւ միթէ քոյրերս էին մեղաւոր: Ո՛չ, հաղար անգամ ոչ: Նրանց փակիլ են տանը: Ծնշում են: Թոյլ չեն տալիս դրսի աշխարհի հետ շփուել, մաքեր փոխանակել, բան հասկանալ, զարգանալ: Աղջիկ է, ուրեմն իրաւունք չունի տղաների պէս ազատ լինելու: Եւ ահա գալիս է մի գեղեցիկ օր, աշխարհից անտեղեակ այդ խեղճ գառնուկները զոհ են բերում իրանց ամենաթանկագին բանը աշխարհում—պատիւը: Այն ինչ այդպէս չեն վարում կրտսեր եղբորս հետ: Նա ազատ է, ինքնագլուխ: Կարող է անել՝ ինչուզում է, ինչ թելադրում է երիտասարդական քմահաճոյքը: Եւ այդ բոլորն անհիղով՝ նա անհամեմատ լաւ վիճակ ունի այդ բռնութեան մէջ: Իրաւունք ունի, որովհետեւ տղամարդ է: «Տղամարդ»: Այս միակ բառը մի ամբողջ հսկայական իմաստ ունի իւր մէջ: Նա մենաշնորհ է տալիս այդ անունը կրող անհատին: Նրա առաջ բաց է անում ազատութեան և անկախութեան լայն դռները: «Կի՛ն, Այդ բառը հոմանիշ է ստրկութեան, անասնական վիճակի և հպատակութեան: Ես պիտի կռուեմ հայրենիքում, հայրական յարկիս տակ տիրող այս անճոռնութիւնների դէմ: Ես պէտք է գործ ունենամ մի բռնակալի հետ, որ ունի կամքի զօրեղ ոյժ և արիութիւն: Նա հէնց առաջին ճակատում ինձ փշուր-փշուր կանէ: Ինձ նման մի ոչնչութիւն ի՞նչպէս կարող է նրա պէս մի հսկայի դէմ դուրս գալ իբրեւ մաքառող և թոյլերի իրաւունքներ պաշտպանող: Կարիւրի է միթէ պարսատիկով զինուած պայքար մտնել հրացանաւորի հետ: Կեանքի ասպարէզ պէտք է իջնեն նրանք, որոնք զինուած են և պատրաստ, առողջ են և հաստատակամ, հակառակ դէպքում կեանքի հասարակական և հոգեկան բարեշրջման ժամանակ ընդոր ստրկամիտ, թոյլ և հոգեպէս անկարողները նոյնքան անխուսափելի կերպով կ'ընկնեն, որքան անխուսափելի կերպով թափում են ծառից բոլորովին դեղնած և թառամած տերեւները: Ես չեմ կարող դուրս գալ կեանքի մեծ կռուի դաշտը, ճակատամարտի բեմը: Երբէք չեմ սիրել խոր ձորերը, միթիւն անգունդները, սոսկալի բարձունքները, ահեղագոչ փոթորիկները և որոտնդոստ քամու սարսափելի պալարումները, այլ առաւելապէս համակուել եմ բնութեան մեղմ, քնքոյշ, հանդարտ ու շոյիչ տեսարաններով: Եւ այժմ կարօտ է սիրտս արդարութեան և յաղթանակի, բայց ափսոս, որ պակասում են նրանում ոյժի, կամքի և անսայթաք հետեղականութեան գործօնները: Միտքս, գիտակցութիւնս ասում է, որ անպայման կ'ոչնչանամ այդ յամառ կռուի մէջ, կը պարտուեմ: Ուրեմն էլ ինչու գնամ, գնամ ջարդուելու, խայտառակուելու, խաղք ու

խայտառակ, նշաւակութեան առարկայ լինելու: Ո՛չ: Այդքան զօրութիւն չունիմ: Ես մեծ մարդ կը լինէի, եթէ թոյլ ոյժերովս կարողանայի կոռել և զէնքը ձեռքիս, առանց անձատուր լինելու մեռնել: Բոլոր մեծ մարդիկ մեծ ոյժեր չեն ունեցել: Մեծ զօրութիւն ունենալը դեռ մեծութեան նշան չէ: Ունե՞ս պատրաստակամութիւն, պատրաստ. ես փառքի փոխարէն մահուան դիմաւորելու: Այն ժամանակ, ի հարկէ, մեծ մարդ ես: Ես փոքր մարդ եմ, մի տափակութիւն: Եւ ոյժ չունեմ զոհուելու այն նպատակի համար, որ սկզբից և եթ ճանաչել եմ իբրև իմ ամենազխաւոր իդէալական խնդիրը և երբէք չ'կարողացայ այդ իդէալի պէտքական գործիքը դառնալ: Ես այն օրը մեռայ, երբ հաւատս դէպի իմ ոյժերը կորաւ. զգացի, որ ոտքերիս տակ գտնուած կոռւանը տատանուեց և շուրջս տեսայ լոկ անկեանք ու անհրապոյր անպատ: Անյայտացաւ ամեն ինչ ինձ համար եւ իղձ, եւ իդէալ: Մընաց միայն մի հրէշաւոր բան—ապիկարութիւնս, որ ցցուելով իմ կեանքի սպանդանոցի դիմաց աղաղակում է. «դու ինձ սպանեցիր, հայրական տուն»:

Ես շատ ուրախ կ'լինէի, եթէ հայրենիքում դիմացս կանգնած լինէր միայն օգնութիւն աղերսող իմ հայրական տունը. բայց ես ուրիշ արգելքներ, տարօրինակ խոչնդոտներ եմ յարուցել ճանքիս վրայ, իմ անխոհեմութեան և անհեռատեսութեան պատճառով: Պարտականութեան և սիրոյ կապերով շղթայել եմ ինձ երկու անձերի հետ—գիւղատնտեսի և դայեակի, Արմայիսի և Լուսիկի հետ: Դրանցից առաջինը մեծ սպասելիքներ ունի ինձանից: Նամակներիս մէջ գեղեցիկ ծրագիրներ էի տալիս, գործունէութեան հեռապատկերներ քնդգծում. Ռուբէնեանը շատ ուրախ էր, որ մեր ուսանողութեան մէջ տեսնում է ինձ նման բարձր գաղափարներով ոգևորուած, գործունէութեան և յառաջադիմութեան նախանձախնդիր մէկը, որ խոստանում էր իւր ամբողջ ոյժերը նուիրել ժողովրդի, հասարակութեան շահերին և նրա լուսաւորութեան վսեմ, պայծառ գործին: Իսկ այժմ, ես, նամակների հերոսս, կեանքի մէջ իմ ընկերոջ առաջ մի չնչին գաճաճ պիտի ներկայանամ: Տէր Աստուած, ի՞նչպէս չէի ամաչում նամակներիս մէջ այնպիսի խոստումներ անելուց, Վաղը ի՞նչ երեսով պիտի կանգնեմ նրա առաջ: Կեանք եմ դուրս գալիս յուսահատուած, հաւատս կորցրած դէպի ոյժերս, կասկածաւոր դէպի նպատակներս: Ի՞նչ կարելի է սպասել այսպիսի մի անհատից, որ միայն վարժ է խօսելու և ճամարտակելու մէջ, իսկ գործունէութեան, կեանքի և աշխարհի առաջ անպէտք ու խնամար: Գործ,—բնաւ և երբէք:

Իսկ ի՞նչպէս պիտի վարուեմ այն խեղճ աղջկայ հետ, որին

նոյնպէս անպատկառօրէն խաբել եմ սիրոյ, հաւատարմութեան և անձնուրացութեան երդումներով: Ի՞նչ պիտի ասեմ նրան: Արդեօք պիտի շարունակեմ կեղծել, թէ ինչպէս: Նա ինձանից իրաւունք ունի պահանջել թարմութիւն, երիտասարդական աշխոյժ, գործելու եռանդ, սիրող սիրտ: Իսկ ես ի՞նչ պիտի տամ նրան, եթէ մինչև անգամ կարողանամ սիրել, — վաղաժամ ծերացած հոգի, թուլութիւն, սիրոյ համար փակ մի սիրտ: Վերջը: Վերջն այն կը լինի, որ կ'սկսուի մի կատակերգութիւն, որի մէջ ստիպուած պիտի լինեմ գլխաւոր և պատասխանատու դերը խաղալ: Գոնէ այն միջավայրը, ուր քարշ պիտի տամ իմ աւելորդ գոյութիւնը, լինէր աւելի մաքուր, բարձր և վսեմ սցնող, գոնէ թոյլ անպատրաստ և կեղտոտ բնաւորութիւնները իւր բովի մէջ դարձնէր ուժեղ ու մաքուր: Ես այնտեղ աւելի կը սուղուեմ ճահճի մէջ մինչև կոկորդիսայն, ես հաւատացած եմ, չէ՞ որ իմ բնաւորութեան վատ սաղմերը ստացել եմ հէնց այդ նոյն միջավայրից: Եթէ մեր հասարակութեան կեանքը լինէր մի այնպիսի գտիչ, մաքրող քուրա, որ կաղմակերպէր իւր մէջ պակասաւոր անհատներին: Է՛հ, մտածել անգամ չարժէ:

Գնում եմ հայրենիք: Ինչո՞ւ: Գուցէ հայրենիք եմ գնում Լուսիկի հետ ամուսնանալու և զաւակներ առաջ քերելու համար: Ծիծաղելի է, ծիծաղելի: Ես պարզ գիտեմ, որ ինձանից անսպասելի է այդպիսի մի բան: Սերժենդ թողնել: Լաւ դիցուք թէ թողեցի: Ի՞նչ կ'լինի վիճակը: Առճղջ: Բնաւ և երբէք: Առողջ ծառը միայն կարող է տալ առողջ պտուղներ: Փչացած, վատ ու անպէտք ծառը չի կարելի պատուաստելով լաւացնել: Արի ու գնա հայրենիք: Թէկուզ հէնց դիպումը գրպանումդ: Ինչացո՞ւ ես: Ի՞նչ նշաւակելի վիճակ, ի՞նչ ողորմելի դրութիւն: Եթէ ատամս ցաւէր, ես առանց այլևայլութեան, առանց երկար ու բարակ մտածելու կ'հանէի և դէն կ'ձգէի: Այո, համոզուած եմ, որ այդպէս կ'վարուեմ, որովհետեւ դա ինքնին մի դժուարին գործ չէ: Բայց ի՞նչպէս անեմ, երբ ամբողջ հոգիս է փչացած, երբ ոտքից — գլուխ կեղտի, ապականութեան և զարշուժեան մէջ եմ թաղուած: Մի հեշտ ու կտրուկ պատասխան կարելի է տալ — պէտք է մեռնել: Մեռնե՛լ: Այո, շատ ցանկալի միջոց, մի միջոց, որ հնարաւորութիւն կ'տայ ազատուելու անթիւ վշտերից, սրտամաշ մտքերից: Բայց... Հեշտ չէ: Դրա համար ոյժ, խիզախութիւն է հարկաւոր: Ես զուրկ եմ դրանցից: Հոգեկան զօրութիւն, վճռականութիւն չունիմ, պատրաստ չեմ այդպիսի մի քաջ քայլ անելու: Կամազուրկ եմ, թուլամորթ: Ուրեմն ի՞նչ ճանապարհ գտնեմ: Եւ միթէ կարող եմ ճանապարհ գտնել: Ես, որ մի ամենաչնչին գործ անգամ կատարելու համար արհեստականօրէն

լարում, գրգռում հմ ջղերս, կարո՞ղ եմ այսպիսի մի կտրուկ քայլ անել զէպի վճռականը, հանգստացնելով ինձ ընդմիշտ: Փանք այն միջավայրին և ընտանիքին, որ ինձպէս հերոսներ ծնել գիտէ:

Վերջին խօսքերը կծու և հեզնախառն եղանակով արտասանելուց յետոյ երեսն ի վայր ընկայ անկողնից թափուր մահճակալիս վրայ: Սկսեցի հեղձամղձուկ ձայնով հեկեկալ: Մաղերս պոկում և փռում էի յատակին: Վարեան ներս մտնելով և այս ողորմելի տեսարանին ականատես լինելով՝ առժամապէս յանկարծակիի եկածի պէս մնաց ապշած: Ապա մօտ եկաւ. բռնեց ձեռքիցս և խանգարեց իմ կանացիական գործը—մազերիս փետումը: Դիպլումաւորս ուշքի եկայ, վեր թռայ և նստեցի:

«Վարեան,—կարո՞ղ ես ինձ սպանել: Ա՛յ, ատրճանակս գորոցի մէջ է, կամ գուցէ վերցրել և դրել ես ճամպրուկիս մէջ, շուտ բեր և սպանիր ինձ: Ես այլևս զուր եմ ապրում: Կենսասիրութիւնը, որ բաւական զօրեղ էր իմ մէջ և չէր ենթարկում իմ խոհականութեան, ես ուզում եմ այժմ բռնի կերպով խեղդել: Կեանքն այլևս չեմ սիրում, ատում եմ նրան: Աւելորդ է իմ կեանքն աշխարհում: Ես զուր եմ ուրիշների շնչելի օդն ապականում: Բեր և սպանիր, սպասում եմ:

Երիտասարդ աղախինս զգալով թէ բանը ինչու՞մն է, նստեց ինձ մօտ, սկսեց շփել ճակատս, ապա ջուր տուեց խմելու: Մխիթարիչ խօսքեր էր ասում:

—Այս երկրորդ անգամն է ձեզանից ինքնասպանութեան մասին խօսք եմ լսում: Մի՞թէ այդ միտքը դեռ ձեր գլխից չէք հանել: Ասացէք, խնդրեմ, կեանքի շէմքին կարելի՞ է այդպիսի բանի մասին մտածել: Այն ինչ այս վերջին մի օրը դուք գրեթէ ամբողջովին կերպարանափոխուել էք Ֆիզիքապէս և հոգեպէս. ձեր դէմքը մեղմաւորիկ է, միշտ յուզուած էք: Արիացէք, հայրենիքը ձեզ կը փրկի: Գուցէ այստեղի օդը ձեզ վրայ վատ է ազդել: Հայրենիքում կը կազդուրուէք: Հայրենի օդը միշտ առողջարար է իւր զաւակներին համար: Հայրենիքիդ կլիման, նրա բնակիչները, նոր կեանքի հայրենաշունչ պայմանները ձեզ նոր ոգի կը տան: Կը տեսնէք, որ ձեր ոյժերը վերագաճնում են, դուք զուարթանում էք: Եւ, վերջապէս, ի՞նչ յուսահատուելու բան կայ: Ասում էք, քիչ ոյժ եր ունէք: Շատ լաւ, ընդունենք, որ այդպէս է, բայց դուք մի՞թէ հայրենիքում մենակ պիտի լինիք: Մի՞թէ դուք չունիք սըրտակից բարեկամներ: Մի՞թէ ձեզ համար այնտեղ չեն բարախում սիրող սրտեր: Ասացէք, մի՞թէ դուրկ էք այս բոլորից: Կեանքի շէմքին ինչո՞ւ այդպէս ողբերգական վիճակ էք ստեղծել ձեզ համար:

«Վարեան, ես անչափ ուրախ կը լինէի, եթէ մինչև այժմ ապ-

րած կեանքս մի երազ լինէր: Ես կարթնանայի և նոր կեանքով կապրէի: Չէ որ արթնանալով՝ երազում մեր զգացածը, մտածածը և գործածը ժխտում ենք իբրև մեզ չը պատկանող. կարծես այդ բոլորը զգացողը կամ գործողը մենք չենք եղել, այլ մի ուրիշը՝ կամ աւելի լաւ է ասել՝ այդ բոլորը մենք ստիպուած ենք եղել զգալ, մտածել և գործել. մենք կարողութիւն չենք ունեցել խուսափել մեր սեփական հոգու այդ գործողութիւններէ: Սակայն ես քիչ առաջ ասածնիւրդ մոռացայ. ի՞նչ էր ասում, հա, յիշեցի՝ ո՛չ, ո՛չ Վարեան, դու երբէք չես կարողացել ինձ հասկանալ, լիովին ըմբռնել:

— Այդտեղ ես ո՛չ մի տարօրինակութիւն չեմ տեսնում: Ի հարկէ, ես, օտարուհիս, ձեզ դժուարութեամբ կը հասկանամ. գնացէ՛ք հայրենիք և ձեզ հասկացող աղջիկներ շատ կը գտնուին: Նրանց հետ ձեռք ձեռքի տուած, միմեանց հասկանալով դուք կարող էք օգուտ բերել ձեր ժողովրդին, որի ցաւերի մասին ինձ հետ դուք շատ անգամ առիթ էք ունեցել խօսելու:

«Վարեան, ուրեմն գնամ հայրենիք և վիճակս ու բախտս յանձնեմ ճակատագրին, իմ թոյլ ոյժերով ասպարէզ ելնեմ, սկսեմ գործել,— ասացի խղճալի ձայնով և գրեթէ լալկան եղանակով, ինքս էլ ամաչելով իմ տուած հարցերից:

— Այո, գնա, — շեշտեց Վարեան դրականօրէն, — և երջանկութեանդ բանալին դիր ճակատագրի ձեռքին. նա մարդկանց չափ անգութ չի լինիր: Միթէ չը գիտէք, որ դաշտերը միադոյն և միատեսակ ծաղիկներով չեն պծնում, զարդարում. միթէ չը գիտէք, որ աշխարհում միայն բուռն ու օրոտացող ձայնը չի հնչում, կայ նաև ճնճողիկի մեղմ, քնքոյշ և փոքրիկ ծըլւիլոց... Չարժէ յուսահատուել, ամենքին տեղ կայ կեանքում:

«Լինում են բոպէսներ, մանաւանդ այս վերջին օրուայ ընթացքում, ես հեռու եմ վանում յուսահատութիւնը և աշխատում եմ կեանքին պայծառ և անպղտոր հայեացքով նայել: Ես աշխատում եմ ինձ ոգի ներշնչել, ոգևորել: Եւ յանկարծ վայրկեանապէս իմ մէջ բորբոքում է ինչ որ մեծ ու անսահման հզօրութեան մի երջանիկ գիտակցութիւն: Բայց միայն մի բոպէ, այնուհետև վրաս մի այնպիսի սառնութիւն է գալիս, մի այնպիսի սոսկալի սառնութիւն, սկսում եմ ատել թէ իմ կեղծ ոգևորութիւնը, թէ դիւրազգայնութիւնս և թէ ամբողջ էութիւնս:

* *

Միւս օրը կանուխ առաւօտեան ճանապարհուեցի հայրենիք...

Տ. ԳՐԻԳՈՐ Թ. ՄՈՒՍԱԲԵԳԵԱՆ ¹

227. Մուսաբեգեան Գրիգորը կաթողիկոսներու շարքին մէջ կը դնեմք վստահօրէն, թէպէտ կան որ անոր անունը զանց կ'ընեն (Ջամբու 17), և մեզի համամիտ կը գտնուի ժամանակակից Մեծոփեցին (Կոստ. 63), իսկ ընտրութեան թուական պէտք է ընդունել նոյն իսկ Կոստանդին Վահկացիի մահուան տարին (1439): Իւր անցեալը մեզ անծանօթ է, միայն սովորական դարձած մականունը գուշակել կուտայ թէ ազգեցիկ և ազնուական տունէ էր, հաւանաբար Մովսէս Իշխանի մը զաւակ, որ օտար բառով Մուսա Բէգ կամ Մուսա Պէյ կոչուած կ'երևի: Կանոնական պայմանները զանց եղած կ'երևին իւր ընտրութեան մասին, զի նոյն իսկ ծիսական օրէնքով պահանջուած եպիսկոպոսներու թիւը չէր գտնուէր, և ինքն անմիջապէս ընտրութեան ատեն եօթը նոր եպիսկոպոսներ կը ձեռնադրէ (Կոստ. 63) իրեն ոյժ ճարելու համար: Որչափ որ յիշատակներ կան մեզի հասած, ամենն ալ Գրիգորը կաթողիկոսութեան անարժան կը նկատեն, և բազմադիմի մեղադրանքներու ներքեւ ինկած ըլլալը կը հաւաստեն. զայս Մեծոփեցին ընդհանուր կերպով կը յիշէ. թէ Բաղայս անուղղայս եղեալ ունէր ի վերայ ինքեան (Կոստ. 63): Ուստի աներկբայապէս կրնանք հետևեցնել թէ երբ Կոստանդին վախճանեցաւ կամ սպանուեցաւ, և աթոռը անկարգութեան մատնուեցաւ, և ամէն մէկը սկսաւ անոր հետամուտ

¹ Անցեալ 1903 տարւոյ Մուրճ ամսաթերթի յուլիսի և օգոստոսի պրակներուն մէջ Պատմաւէր ստորագրութեամբ հրատարակած եմք Ամենայն Հայոց կաթողիկոսական աթոռոյն էջմիածին վերադառնալը, էջմիածնի հազար վեց հարիւր ամեակի առթիւ, քաղելով մեր սոյն այս աշխատութենէն: Լումայի ընթերցողները պատմութեան ամբողջութենէն չզրկելու համար, հարկ կը սեպենք այստեղ ալ նոյն նիւթը տալ, և շարունակել մեր պատմական յօդուածներուն ընթացքը, պահանջուած բարեփոխութիւններով և յաւելուածներով:

ըլլալ, և Յովսէփ երէցն ալ յայտնապէս թեկնածութեան սկսաւ, Գրիգոր եպիսկոպոս իւր տոհմին ու միջոցներուն ազդեցութեամբ զօրացաւ, և քաղաքական օտարազգի իշխանութեան օգնութեամբ յաջողեցաւ աթոռին տիրանալ:

228. Գրիգորի կաթողիկոսական գործունէութենէն բնաւ յիշատակութիւն չունենք մեր գիրքերուն մէջ, որոնց մէջ և ոչ իսկ անուղղակի աւանարկ մը կայ Փլորենտիոյ ժողովին հետեւութեանցը վրայ: Կաթաղիկոսականութեան ներքին կարգերուն երթալը ու դառնալը, և Եւգենիոս Դ պապին հրահանգը անձանօթ են ազգային յիշատակներուն մէջ: Լատիններ միայն կը յիշեն, թէ Փլորենտիոյ հրահանգին յաջորդ տարին (1440), Եղբայր Ալբերտոս անուն լատին կրօնաւորի մը ձեռքով և Գրիգոր կաթողիկոսի անունով թուղթ մը եկած է Եւգենիոսի: Այս գիրին մէջ Գրիգոր կը յայտնէ թէ իրեն հասած է Եւգենիոսի արեղակնափայլ եւ երկնահանգէտ կոնդակը, որ է բարեկարգիչ կաթողիկոսաց ըստ ծիսի նախնի հարց (Ազարեան 104): Այդ միակ յիշատակն է զոր օտարներ յառաջ կը բերեն, բայց քանի որ մերայինք բոլորովին կ'անգիտանան Եւգենիոսի հրահանգն ալ և Գրիգորի պատասխանն ալ, իրաւունք կ'ունենանք ըսելու, թէ այդ պատասխանն ալ միեւնոյն կաթողիկոսներու գործն է, որոնք իրենց Դիակոնացի տէրերուն ազդեցութեան ներքեւ պատգամաւորութիւնն ալ կազմեցին և միութեան ճիգեր թափեցին: Նկատողութեան արժանի է, որ ժամանակին Գրիգորի անձը ամէն տեսակ քննադատութեանց ենթարկուեցաւ Արևելեայններու կողմէն, և իւր ամէն գործերը իբր ամբաստանութիւն յիշուեցան, և հարկաւ լատինաց հետ կնքած միաբանութեան գիրն ալ յիշուած կ'ըլլար Մեծօփեցիէն, եթէ իրօք Սիսէն գիր մը գացած ըլլար Հռոմի պապին:

229. Նշանաւորագոյն պարագայ պէտք է յառաջ բերենք Լուսաւորչի Աջին կորսուելը, զոր կը յիշեն ժամանակակից յիշատակարաններ թէ Յայսմ ամի (պղ—1441) դարձեալ յայլ իմն պատահումն հանդիպեցաւ Հայոց ազգիս, քանզի Աջ սուրբ Լուսաւորչին մերոյ որ կայր հիմի քանի ժամանակ, անյայտ եղաւ, ոչ գիտեմք թէ զողացան, եւ ոչ գիտեմք թէ ինքն զինքն ծածկեց, եւ ի մեծ նեղութիւն կան եւ ի տրտմութիւն Հայոց ազգս, վասն այս պատճառի. եւ զկաթողիկոսն Գրիգոր բազում չարչարեցին, եւ այլ եպիսկոպոսք ընդ նմա վասն Աջին Լուսաւորչին, եւ ոչ զտին զնա (Փիրղալէմեան 125): Այս յիշատակարանը նոյն տարւոյ առաջին ամիսներուն գրուած լինելով (1441 մարտ 15), Աջին անյայտ լիւնելն ալ նոյն տարւոյ սկզբները կամ նախորդ տարւոյ վերջերը պէտք է գնել: Ազգին մէջ այն հաստատուն համոզումը գոյացած է, թէ Աջին անյայտանալը Արևելեայ վարդապետներուն մէկ հընարքն եղած է, որոնք երբ բանակցութիւններէ և խորհրդակ-

ցութիւններէ ետքը աթոռը Սիսէ Էջմիածին փոխադրելու որոշումը տուին, նախևառաջ Աջը Սիսէ հանեցին իրենց համամիտ և բարեկամ Սսեցի եպիսկոպոսներու օգնութեամբ, գիտնալով թէ ազգն անխախտ հաւատք մը ունէր, թէ հայրապետական աթոռին վաւերականութեան զօրութիւնը Լուսաւորչի Աջէն է, և թէ անդ է ճշմարիտ աթոռը, ուր է Լուսաւորչի Աջը: Թէպէտ և տարբեր պատմութիւններ կան Աջին վրայ, և այսօր ալ Կիլիկիոյ աթոռը ճշմարիտ Աջը ունենալ կը կարծէ, սակայն ընդհանուր ազգին համոզումը խախտուած չէ Էջմիածին գանուող Աջին վրայ:

230. Կաթողիկոսական աթոռին փոխադրութեան առաջին գաղափարը, կը հասնի մինչև Գրիգոր Տաթեւացիի ժամանակը, և ասոր մէկ նշանն էր, Աղթամարի վիճակին գործերուն մէջ կատարուած մասնակցութիւնը. ենոյն կաթողիկոսութեան իրաւասութենէն մաս մը Կիլիկիոյ աթոռին ենթարկելը: Կիլիկիոյ աթոռին գործերը ձեռունին անցնելու միտքը յայտնուեցաւ Արեւելեայց կողմէն, երբ Պօղոս Գառնեցի իբրև քննիչ Սիս զրկեցին և անոր կաթողիկոսութիւնը յաջողցուցին, և ընդհանրապէս Սսոյ աթոռը բարեկարգելու և նոր ձևի մը թափելու ջանքերը շարունակեցին: Եթէ աթոռը իւր նախնական կեդրոնէն հեռացած էր քաղաքական պարագաներու հետեանքով, հեռացումը պէտք էր դադրէր պարագաներուն դադրելովը: Ընդհանրապէս, եթէ մեծ փոփոխութիւններ յանկարծական որոշմամբ մը կը գործադրուին, սակայն միտքեր կանուխէն պատրաստուած կ'ըլլան: Կաթողիկոսական աթոռին փոխադրութիւնն ալ այդ տեսակ գործերէն էր և այդ կերպով նախապատրաստուեցաւ: Մուսարէզեանի պաշտօնավարութիւնը իւր նախորդներէն ալ վատթարագոյն եղած պիտի ըլլար, որ կանուխէն մտաբերուած խորհուրդ մը այլևս յապաղել անհնար նկատուեցաւ, և ընդհանուր հաւանութեամբ յանկարծօրէն կրցաւ իրականանալ: Մեծփեցին Սիսի աթոռին տեղափոխութիւնը 147 տարի կը դնէ, որ Մուսարէզեանի թուականէն (1441) դէպ ետև հաշուուելով կը հասնի ճշտիւ Անաւարդեցիին թուականին (1293): Սսոյ աթոռին, և գլխաւորապէս անոր վերջին շրջանին դէմ յարուցուած մեղադրանքները, հետեան կերպով կը թուէ Մեծփեցին: 1. Քաղկեդոնականութեան հետեւելը: 2. Վեց կաթողիկոսներու հետզհետէ դիպակուր սպանուելը: 3. Կաթողիկոսներու բռնութեանց երեսէն շատերուն ուրացութեան դիմելը, ուր յանուանէ կը յիշէ Յակոբ Նիկիտացի մը Գոստանդինի ժամանակ: 4. Կաթողիկոսներուն պիղծ կեանք անցնելը: 5. Լոկ ձէթով մեռոն պատրաստելին: 6. Սիմոնականութեամբ ձեռնադրութիւններ ընելին: 7. Նոյն վիճակի վրայ միաժամանակ երեք և չորս եպիսկոպոսներ ձեռնադրելին:

8. Անարժանները պաշտօնի կոչելնին: 9. Բանադրանքներով և նը-
զովքներով զեղծանելնին: Ասոնք թուելէն ետքը, Մեծօփեցին կը
յարէ Իսրայէլի օրինակը, Ներսէս Մեծի գուշակութիւնը և Սահակ
Պարթևի տեսիլքը:

231. Դժուարին է ճշտել թէ ով եղաւ այսպիսի նշանաւոր
եղելութեան մը գլխաւոր գործիչը: Ժամանակը չներկայիւր մեզի
այնպիսի մի բարձր անձնաւորութիւն, որ իւր անունով դար մը
կը կազմէ: Սակայն այսպիսի անձնաւորութեան մը պակասը, կը
յայտնէ թէ ազգային ընդհանուր և համամիտ և անհակառակ զգա-
ցումն էր, որ այդ փոխադրութիւնը իրագործեց: Գաղափարը ա-
մէն միտքերու մէջ սկսած էր աճել, երբ չորս Կիլիկեցի եպիսկո-
պոսներ, որոնց անունները դժբախտաբար մեզի չեն հասած, մե-
ղադրանքի գիրեր սկսան հասցնել Արևելեայ վարդապետներուն,
թէ մինչև ե՞րբ անհող պիտի մնան, և կաթողիկոսական աթոռը
անոք անօգնական կործանման պիտի հասցնեն: Թովմաս վարդա-
պետ Մեծօփեցի, խնդիրը լրջօրէն ձեռք առնողներէն մէկը եղաւ,
և ընդհանուր ժողով մը գումարելու և գործը կարգադրելու առա-
ջարկը մէջ տեղ դրաւ (Կոստանեան 64): Այդ եղաւնոյն իսկ Մու-
սաբէգեանի ընտրութեան յաջորդ տարին (1440), և անմիջապէս
ձեռք առնուեցան գործնական խորհրդակցութիւններ, և Արևե-
լեայց իրենց մէջ, և Կիլիկեցւոց հետ բանակցութիւններ: Նոյն իսկ
Մուսաբէգեանի ալ կը հաղորդուեցաւ փոխադրութեան առաջարկը,
և գործը ղեւարացնելու և դժուարութիւններ արգելելու համար, հրա-
ւիրուեցաւ էջմիածին փոխադրուել. և Արևելեայց գործակցու-
թեամբ հայրապետական աթոռը զօրացնել, քանի որ Կիլիկիոյ մէջ
որեւէ յոյս կամ ոյժ չէր մնացած (Չամչեան Գ. 486): Տարի մը անցաւ
նախապատրաստական գործողութիւններով (Կոստանեան 65), մին-
չև որ Յովհաննէս վարդապետ Կոլոտիկ, առաջնորդ Հերմոնի վա-
նուց, որ ժամանակին վարդապետներուն գլխաւորն էր, հրաւիրա-
գիրբը ցրուեց ընդհանուր ժողով մը գումարելու Վաղարշապատ
քաղաքը, առաջուրէն ապահովելով Երեւանի պարսիկ կուսակալ
Նաղուբ բէգի հաւանութիւնը:

232. Ժողովական եկեղեցականներուն թիւը, աւելի քան զերեք
հարիւր անձինս կը դնէ Մեծօփեցին, իսկ աշխարհականներուն թիւը
անթիւ եւ անհամար բազմութիւն կը նշանակէ (Կոստանեան 53), իսկ
ուրիշ յիշատակարան մը եօթն հարիւր կը դնէ գումարեալ եկեղե-
ցականներուն թիւը (Չամչեան. Գ. 487. Փիրզալէմեան 133): Յա-
կանէ յանուանէ յիշատակուած են 18 մեծ վարդապետներ և 12
եպիսկոպոսներ, և դարձեալ 20 ևս նշանաւոր վարդապետներ և ե-
պիսկոպոսներ, որոնք զբաւոր հաւանութիւն զրկած են: Յիշուածնե-

րուն մէջն են, Արտազու եպիսկոպոս Գրիգոր, Տաթևու եպիսկոպոս Շմաւոն, Հաղբատու եպիսկոպոս Գրիգոր, և Բջնոյ եպիսկոպոս Յովհաննէս, որոց հաւանութիւնը իբր անհրաժեշտ կանոնադրուած էր, ամէն կաթողիկոսական ընտրութեանց համար: Յովհաննէս Հերմոնեցին ժողովին զլուխը կը նկատուէր, Թովմաս Մեծոփեցին զլխաւոր գործիչն էր, և Ջաքարիա Հաւուցթառեցին եպիսկոպոսներուն երիցագոյնն էր: Ուրիշ անուններն ալ ծանօթ անձնաւորութիւններ էին: Ժողովականներ նախապէս Երևանի մէջ հաւաքուեցան, Եղուր բէգէ պատուասիրուեցան և քաջալերուեցան, և զինուորներու պաշտպանութեամբ փողերով և թմբուկներով Վաղարշապատ եկան (Կոստանեան 68): Թէպէտև շատ որոշակի գորուած չէ, բայց զիւրաւ հնար է ճշտել, թէ ժողովը հրաւիրուած էր, զատիկէ անմիջապէս ետքը հաւաքուելու: Մեծպահոց մէջ (1441 մարտ 15) տակաւին Մուսաբէգեան կաթողիկոս ճանչցուած է, իսկ հոգեգալուստի օրը (1441 յունիս 4) ամէն բան արդէն վերջացած է, և նորընտիր կաթողիկոսը մեռնի օրհնութիւն կը կատարէ (Կոստանեան 74):

233. Եթէ Մեծոփեցին հաւանիմբ, Վաղարշապատի ժողովականները այնպիսի առաքինական հոգւով և խոնարհութեամբ զգածուած էին, որ բազումք ի յեղբարցն յառաջ կոչեցան վալ ի յառաջնորդութիւն Թորգոմեան վրոհիս, եւ ոչ կամեցան բառնալ զծանրութիւն դանութեան բարձրագոյն աստիճանին (Կոստանեան 63). հետեապէս հարկ եղաւ աղօթքի դիմել և ս. Մեսրոպի գերեզմանին ուխտի երթալ Օշական, և ասոր անոր, մինչև իսկ այլազգի կնկան մը տեսած երազներուն իմաստը զննել, և ի վերջոյ արկանել վրձակ ի սուրբ աւետարանն (Կոստանեան 72), և այնպէս որոշել կաթողիկոսութեան ընտրելին: Սակայն եթէ միտ դնենք ժողովականաց զլխաւորներուն, և ի մասնաւորի Գրիգոր Արտազեցիի և Ջաքարիա Հաւուցթառեցիի և Աղթամարի Ջաքարիա կաթողիկոսին յետագայ գործերուն և յուզած գրգռութիւններուն, անհնար կ'ըլլայ մեզի հաւատալ անոնց նախընթաց առաքինութեան և խոնարհութեան: Աւելի ճշմարիտ պիտի ըլլայ համոզուել, թէ հետամուտներ շատ էին, և աթոռին բարեկարգութեան առթիւ կաթողիկոսանալու թեկնածուներ մէկէ աւելի էին, բայց երբ զլխաւոր հետամուտներ փոփոխ հակառակութեամբ անյաջող լինելին գուշակեցին, լաւագոյն սեպեցին ամենքն ալ համաձայնութեամբ քաշուել, և փոխանակ վարչական կարողութեամբ օժտուած անձ մը ընտրելու, նախադասեցին սրբակրօն և ճգնաղգեաց վարքով նշանաւոր անձ մը աթոռ բարձրացնել, որով ամէն փառասէր կիրքեր կը լռէին, և ամէնքն ալ հաւասարապէս կրնային տանել առաքինազարդ անձի

մը իշխանութիւնը: Այսպիսի մէկն էր իրապէս նորընտիր կաթողիկոսը, Կիրակոս Վերապետին:

234. Ուրիշ գիտողութիւն մըն ալ, զոր պէտք է ընել այսնը-շանաւոր գործողութեան մասին, Աղթամարեան ուղղութեան մը ազդեցութիւնն է: Նշանաւոր ժողովականներուն ցանկին մէջ կը գտնեմք, Մեծոփեցի, Նառաբաստեցի, Վարազցի, Արծկեցի, Ռըշտունի և այլ վարդապետներու անուններ, որք նոյն ատեն կամ քիչ առաջ Աղթամարի իրաւասութեան կը պատկանէին: Թովմաս Մեծոփեցին այդ խմբակին պետը, միանգամայն փոխադրութեան գլխաւոր գրգիռն ու գործիչն էր: Իսկ Տաթեւացի կամ Սիւնեցի վարդապետներուն խումբն ալ, տակաւին թարմ կը պահէր Տաթեւացի Գրիգորի յիշատակը, որ Աղթամարի սահմանները գացած էր, և Աղթամարի նպաստաւոր երեցած էր: Աղթամարի աթոռին վրայ կը գտնուէր Զաքարիա, ժամանակին կարողագոյն անձերէն մին, որ տեսնելով Կիլիկիոյ աթոռին անկումը, կը ձգնէր զայն խափանել. և իւր աթոռը ամենայն հայոց հայրապետութեան բարձրացնել, և էջմիածինն ալ գրաւել: Վասպուրականցի և Սիւնեցի վարդապետներու խումբերը կը մտածէին, Աղթամարի և Տաթեւի աթոռներուն փոխադարձ համաձայնութեամբ, ազգի եկեղեցական խաղաղութիւն պատրաստել, Կիլիկիոյ աթոռը վերջացնել, Աղթամարի աթոռը էջմիածին փոխադրել, և կաթողիկոսական աթոռին պառակտումներուն վերջ տալ: Գիտեմք որ Զաքարիա Աղթամարցին համամիտ էր Վաղարշապատի ժողովին, և իւր աթոռն ալ էջմիածնի հետ միացնելու հաւանութիւն յայտնած էր, հարկաւ իւր փառասիրական ձգտումներէն բան մը չզոհելով: Մեր այդ գիտողութիւնները աւելի հաստատութիւն կ'ընդունեն, էջմիածնի աթոռին յետագայ դէպքերէն: Ըստ դիպաց չէ հարկաւ, որ երբ Կիլիկեան կուսակցութիւնը իբր Աղթամարայալան կը մեղադրուէր, էջմիածնի նոր կուսակցութիւնը իբր Աղթամարական սկսաւ կոչուել:

235. Մուսաբէգեանի նկատմամբ ուրիշ ըսելիք չի մնար: Չեմք գիտեր թէ ինչու Գրիգոր չուզեց համակերպիլ իրեն եղած հրաւերին և չգնաց էջմիածին: Մեծոփեցին, եռանդուն Աղթամարականը, չյիշեր այդ պարագայն, թերեւ Աղթամարականներուն զիջողութիւն մը ըրած չերենալու համար, Գրիգոր հօթը եպիսկոպոսներ ձեռնադրած էր, և ասոնցմէ չորսն էին հաւանօրէն, որք իրեն դէմ գանգատելով Արեւելեայները զրգուցին: Այդ չորսիւրը ուրիշ հետևողներ ալ ունեցան, և Մուսաբէգեան իրեններէն ալ լըքուած, մնաց անօգնական, և իրապէս և իրաւապէս կաթողիկոսութենէ զրկուեցաւ: Վաղարշապատու ժողովական որոշումէն յետոյ (1441 յունիս) հնար չէ այլևս Մուսաբէգեանը իբր օրինաւոր կա-

Թողիկոս ճանչնալ, Միւս կողմանէ կ'երևի թէ ինքն ալ երկա-
րակեաց չեղաւ, և բնական կամ բռնական մահուամբ իւր կեանքը
վերջացաւ Կիրակոսի կաթողիկոսութեան առաջին տարին: Կիլի-
կիոյ աթոռը խափանեալ մնաց հինգ տարի ամբողջ. թէպէտ և նոր
խլրտումներ շարժեց նոյն Յովսէփ երէցը, որ այս կերպով Մու-
սաբէգեանի մահը կը հաւաստէ, քանի որ Վահկացիին մահուանէ
հտքն ալ ջանացեր էր կաթողիկոսական աթոռը գրաւել, իւր ջան-
քերը ապարդիւն մնացին. և Կիլիկիոյ աթոռը խափանուեցաւ և ա-
ռանց գահակալի մնալով դադրած նկատուեցաւ, մինչև որ Կարա-
պետ Նւղոկիացին յաջողեցաւ էջմիածնի կաթողիկոսին հակառակ
ինք գինքը կաթողիկոս հռչակել Սսոյ մէջ:

Մաղ. աե. Օրմանեան

ԱՔՍՈՐԱԿԱՆՆԵՐԸ ¹

III

Կէս ժամից յետոյ եկաւ բժիշկը. կարճ, հաստ, կլոր, լիք-լիքը երեսով, պէսսնէն բլթին մի գիրուկ մարդ, նա ներս մտնելուն պէս մօտեցաւ հիւանդի անկողնին և վերմակը ետ տանելով բացեց նրա երեսը, ձեռքը դրեց նրա քրտնքոտ ճակատին և բաս ձայնով հարցրեց.

— Ո՞րտեղդ է ցաւում:

Հիւանդը ակնապիշ նայեց բժշկի երեսին, ապա գունատ շըրթունքներով հազիւ խուլ շշնջաց.

— Գլուխս... ջանս...

— Ա՛... բացականչեց բժիշկը: — Գլուխդ պտտում էլ է:

— Այո...

— Լաւ, այդպէս, իմացայ, շատ լաւ... գլուխը շարժեց բժիշկը և դարձաւ ուսուցչին: — Պարոն, խնդրեմ ինձ մի թղթի կտոր տաք, դեղատոմս գրեմ...

Ուսուցչիչը ծոցի գրպանից հանեց իր յուշատետրը և մի թերթ պոկելով տուեց բժշկին: Նաշտապով գրեց դեղատոմսը և պատուիրեց՝ որ նշանակած դեղը՝ օրը երեք անգամ ընդունի:

Ու հիւանդին մի քանի յուսատու խօսք ասելով դուրս գնաց ուսուցչի հետ միասին:

Սիւմնը դարձեալ ֆնաց մեն. մենակ. մարմինը ծանրացել է, գլուխը նոյնպէս. շնչառութիւնը շուտ-շուտ կտրւում է, նեղւում: Մի բան կարծես նստել է կրծքին և սղմում է, շարունակ սղմում... Սիրտը վանդակում բռնուած թռչնի սրտի նման շարունակ թպրտում էր կրծքի տակ: Առատ քրտինքը ստէպ-ստէպ ծածկում է գունատ ճակատը ու էլի կրկին չքանում... Նա անհանգիստ շուռ ու մուռ է անում անկողնում, մերթ երեսը դարձնում է դէպի պատը, լուսամուտը, որտեղից դեռ խուլ, անորոշ կերպով ականջին է հասնում դուրսը խաղացող երեխաների անհոգ կանչւոտոցը:

մերթ աչքերը յառում է առաստաղին ու մնում... Եւ այդպէս շարունակ:

Նրա բերերը սկսեցին կամաց-կամաց ծանրանալ, աչքերը շողուել... նիրհ էր գալի վրան. բունը մօտենում էր:

Դիչ յետոյ նա քնեց, նորից զարթնեց, վերստին շուռ ու մուռ արաւ ու դարձեալ քնեց:

Մի առ ժամանակ հանգիստ քնած էր. բայց յանկարծ քնի մէջ անորոշ կերպով խօսքեր արտասանեց. ճշաց՝ ուրախ ճշով և շուռ եկաւ տեղի մէջ:

—Հա, Նունո... հրեխէքը ռւր են...

Երազ էր տեսնում նա. գտնւում էր իր տանը, հարցնում էր հրեխանց մասին, որոնց այնքան կարօտել էր:

—Է՛հ, կնիկ... արտերը... արտերը թոնց են... հա, հա... Դիմացի աճրտն էլ... հա... լաւ ես արել...

Այդ բոպէին, հրը նա զառանցում էր, սենեակի դուռը կամացուկ բացուեց, ուսուցիչը դեղը ձեռքին, յուշիկ քայլերով ներս մտաւ. ոտքի ծայրերի վրայ առաջ գնաց և կանգնեց լսելու համար թէ ինչ է խօսում հիւանդը:

Երբ Սիմոնի անորոշ խօսքերի կապը կտրուեց՝ նա պահ մի մտախոհ նայեց նրան և ինքն իրան շշնջաց.

—Սեղճ մարդ. էլի արտերից է խօսում...

Ու դեղը դնելով սեղանի վրայ, վերցրեց կիսատ թողած գիրքը, սկսեց կարդալ մինչև որ հիւանդը զարթնի:

Կարգում էր կամաց և ինչպէս միշտ արագ, գեղեցիկ առողջանութեամբ, բայց ոչինչ չէր հասկանում... Թերթի երեսը հատնում էր և նա չէր ըմբռնում կարգացածի միտքը: Ի՞նչ կարգացիւն էր գրած—չէր իմանում: Ուղեղը բթացել էր:—Ո՛չ, թէն կարդում, աչքերը ման էր ածում գրքի վրայ, բայց մտքերը մի ուրիշ բանի շուրջն էին խմբւում ու նրանով զբաղւում... ստեղծում մտապատկերներ, զանազան տեսարաններ... Ու նա կարգացածը նորից սկսում էր կարդալ մի բան հասկանալու համար: Ի գո՛ւր: Մտքերը թռչում էին. չէին հպատակւում իր կամքին: Ծիւկ էր պործ գնում կարգացածը հասկանալու, սակայն աւելորդ ջանք: Տեսաւ որ ոչինչ չի լինում՝ գիրքը փակեց, դրեց տեղը, մօտեցաւ լուսամուտին, որ նոր փակել էր, որպէսզի քամին չմտնի ներս. ճակատը կպցրեց ապակուն և խորասուզուեց մտքերի ծովը:

Նա մտածում էր Սիմոնի մասին.—Ի՞նչպէս կլինի նրա դրութիւնը արդեօք: Կլաւանայ, թէ՞ աւելի վատթար կլինի...

«—Եթէ մեռնի, անցնում էր նրա գլխով.—Ո՛հ, Աստուած ոչ-

անի, պատասխանում էր ինքն իրան: Սակայն եթէ մահանայ, օրինակի համար, ի՞նչ անեմ...

Նա երկար կանգ է առնում այդ հարցի առաջ, ապա գիտարածի նման շարունակում մտածել.

«—Եթէ մեռնի, նախ կիմացնեմ ոստիկանութեան և յետոյ... Յետոյ մի հասարակ դագաղ շինել կտամ... անշուշտ խաչը վրան, Ի՞նչ պէտք է արժենայ... շատ, շատ հինգ ռուբլուց աւել՝ չի արժենայ... Մօտիս տասնև հինգ ռուբլուց՝ հինգը կտամ դրան... Իսկ մնացածը կըգործադրեմ միւս հարկաւոր բաներին.—օրինակ թաղման վարձ... օօ, մոռացայ. մի կին կամ մի մարդ պէտք է հրաւիրել, որ լողացնեն մեռելին... դրանց նոյնպէս հարկաւոր է վարձատրել: Մէկ ռուբլի էլ դրանց... Բայց պատան, երեսըաշ... առանց դրանց հօ չի կարելի... Մի երեք ռուբլի էլ այդտեղ... Ուրեմն ինչ է ծախսում... հինգ. մէկ էլ—վեց. երեք էլ—իննը. կնշանակի իննը ռուբլի ծախս: Մնացած վեցն էլ...

Այստեղ նրա միտքը նորից բան ընկաւ և նա ցնցուեց, ճակատը հեռացրեց ապակուց, մի քայլ ետ կանգնեց, անգիտակցօրէն նայեց դուրս, ապա ձեռքերը դարսելով կրծքին՝ քայլեց յետ ու առաջ, գլուխը կախած:

—Օ՛, մեծ բանը մոռացել եմ, մտածում էր նա. գերեզմանափորը արդեօք քանխոսվ կը համաձայնի գերեզմանի վիհը փորել... պէտք է իմանալ այստեղի սովորութիւնը...

Նա նորից կանգնեց, ձեռքը դրեց ճակատին ու մնաց այդպէս: Մտքերը ետում էին գլխում և նա չէր հասկանում ի՞նչ անի, ի՞նչի մասին մտածի... Ուրիշ ի՞նչ կայ մտածողութեան արժանի, բացի խեղճ Սիմոնից...

—Խեղճ, խեղճ մարդ, արտասանեց նա կամաց ու շարժուեց տեղից: Կրկին մօտեցաւ լուսամուտին և կանգնեց:

Դարձեալ նրա ուղեղում տնկուեց այն չարագուշակ միտքը՝ «եթէ մեռնի ի՞նչ պէտք է անել...»

Նա վերստին անձնատուր եղաւ այդ մօայլ, այլանդակ մըտքերին: Ծանր, շատ ծանր էր այդ մասին մտածելը, բայց նա ապամայ մտածում էր. շարունակ մտածում...

«... Օրինակ գերեզմանափորին կարելի է մի ռուբլի տալ ոչ աւել... այնքան էլ մեծ աշխատանք չէ անում... Բայց այստեղ հող կտան գերեզմանատեղի համար...

Այդ հարցը նրան ծանր թուաց: Չգիտէր իսկապէս կտան, թէ չեն տայ: Ծանօթ չէր տեղի սովորութիւններին, դրա համար դժուարանում էր մտածել:

«—Եթէ տան և փողով լինի... ի՞նչպէս անել, տարակուսում

էր նա:—Փող չկայ:... ծախսից յետոյ ոչինչ չի մնայ... Բայց ինքը Սիմոն բիձան թաքցրած փող չի ունենայ... Թէն ինձ ասում է, և ես էլ գիտեմ, որ չունի... սակայն մարդ է, գուցէ ունենայ... քիչ չէ պատահում...

Նա նայեց հիւանդի գունատ երեսին:

Սիմոնը քնած էր, էլ չէր գառանցում. շնչում է խզզոցով և երբեմն տնքալով: Աջ ձեռքը կախ էր ընկել մահճակալից, գլուխը թեքուել մի կողմ և կուրծքը բացուել կիսովին:

Ուսուցիչը պահ մի նայելուց յետոյ՝ մօտեցաւ հիւանդին. ձեռքը դրեց վերմակի տակ, կուրծքը ծածկեց, գլուխը ուղղեց, որպէսզի շնչառութիւնը կանոնաւոր լինի, ոտքերը ծածկեց և մայրական խնամատարութեամբ յարդարեց նրա անկողինը:

— Խեղճ, խեղճ մարդ, շարունակ կրկնում էր նա ինքն իրան:— Ի՞նչ պատահեց մի օրուայ մէջ...

Նա քիչ էր մնում լաց լինի, բայց զսպում էր իրան: Կոկորդը չորանում էր, սղմում և այդ նրան առիթ էր տալիս շուտ-շուտ հազալու... Այս անգամ, երբ նա բարձր ու չոր հազաց, յանկարծ հիւանդը արթնացաւ. աչքերը ճպճպացրեց և մշուշոտ հայեացքը նետելով ուսուցչի վրայ՝ ասաց.

— Վարժապետ... մի...

— Ի՞նչ է... ցնցուեց ուսուցիչը և շտապով մօտ գնաց:— Ի՞նչ ես ասում, Սիմոն բիձա, ի՞նչ ես հիմա... գլուխդ էլի ցաւում է, թէ՞ թեթեւցել է. մարմինդ ի՞նչ է...

Էլ պատասխանի չսպասելով՝ անհանգստօրէն հարցերը իրար հտեից կարկտի նման վրայ էր տալիս նա:

— Վարժապետ, դեղը բերի՞ր... հազիւ շնչելով խօսեց հիւանդը:

— Այո, այո, բերել եմ, բերել... այս բոպէիս...

Ուրախացած հիւանդի խօսելու վրայ, նա վերցրեց դեղը, բժշկի պատուէրի համաձայն պատրաստեց և տուեց Սիմոնին:

— Ասում ես՝ սա կթեթեւցնի գլխիս ցաւը, հա՞... հետաքրքրուեց հիւանդը և ճիգ գործ դնելով՝ բարձրացաւ, նստեց անկողնում, որ դեղը ընդունի:

— Այո, բժիշկն ասաց որ լաւ դեղ է. ամեն ինչ կանցնի շուտով:

— Օ՛հ. տնքաց հիւանդը և գլուխը թեքեց մի կողմի վրայ:

— Ի՞նչ պատահեց:

— Ո՛հ...

— Ի՞նչ եղաւ, Սիմոն բիձա... անհանգիստ, համարեա ջղայնօրէն հարցրեց ուսուցիչը: Վայրկենապէս նրա երեսի գոյնը թը-

ռաւ. ծնկները դողացին և կուրծքն սկսեց բարձր ու ցած անել: Նա կարծեց թէ հենց հիմա խեղճը փչելու է հողին:

—Ըհ... աչքերս էլի սևանում են... մրմնջաց հիւանդը և թուլացած ընկաւ բարձի վրայ ու սկսեց հեալ...

Ուսուցիչը յուսահատաբար, իրան մոռացած, ինչ անելը չիմանալով՝ գլխաբաց վազեց դէպի դուռը, ապա ետ եկաւ, գլխարկը վերցրեց, որ կրկին գնայ բժշկի ետեից, բայց մի բան մտաբերելով՝ կանգնեց, գլխարկը նորից վայր դրեց և մօտեցաւ հիւանդին:

—Սիմոն բիձա, սրտատրուփ, հեացող ձայնով ասաց նա:

—Սիմոն բիձա, ռրտեղդ է ցաւում:

—Ու...

—Սիմոն բիձա...

—Է... մ...

Հիւանդը սաստիկ տնքում էր, հառաչում և հրբեմն խոպոտ, խեղդուած հնչիւններ հանում:

Ուսուցիչը էլ ոչինչ չհարցրեց. արցունքները այրեցին աչքերը... և նա գլուխը ափերի մէջ առած սկսեց խուլ հեկեկալ...

IV

Զատիկի շաբաթ օրն է. եղանակը ամպամած ու մառախլապատ. թանձր, սևաթուր ամպերը կախ են ընկել ցած, ցած... նրբանք բռնել են ամբողջ հորիզոնի երեսը. ծածկել են լոյս ու արև և ասես խօսք մէկ արած կամաց կամաց իջնում են աւելի ցած... Այդ օրը ամեն ինչ գունատ է, տխուր ու անհամբոյր: Հեռուն կանաչոտ բլուրները էլ չեն ժպտում. ծաղկած ծառերը կորցրել են իրանց շքեղութիւնը. նրանց ծաղկափթիթ ճիւղերը թախծոտ ու լալագին խոնարհել են գլուխները և ասես լալիս են սպիտակ ծաղկաթերթեր, որոնք թափւում են՝ առանց պտոյտներ պործելու, ուղղակի գետին...

Այսօր հիւանդը մի փոքր լաւ է, տաքութիւնը քաշուել է, գլուխը թեթևացել և աչքերը պարզուել: Ուսուցչի հետ խօսում է, նրա հարցերին բաւարար պատասխաններ տալիս և մինչև անգամ ժպտում:

Այս երեկոյ թաթախում է, Սիմոն բիձա, յայտնեց ուսուցիչը. — պէտք է գնամ շուկայ մի քանի բան առնեմ իրիկուայ համար... Փառք Աստծու, որ լաւացաք... քիչ էր մնում գժուէի յուսահատութիւնից:

— Փառք Աստծու, մրմնջաց հիւանդը: — Այսօր թաթախում է, հմ:

—Այո, կարմիր Ձատկի շաբաթ օրն է:

—Այնտեղ էլ թաթախում կանեն, չէ՞:

—Որտե՞ղ:

—Գեղում... մեր տանը:

—Այո, ի հարկէ... Այնտեղ էլ, ամեն տեղ էլ:

—Վարժապետ, հիմի մեր գեղում, ի՞նչ օր է...

—Ի հարկէ, այնտեղ լաւ օրեր են լինում... Այստեղի նման հօ չէ: Էս ի՞նչ է, մոռեթը կիտել է ու մինչև գետին հասել: Կարծես աշխարհի դարդը դրան են տուել, որ այդպէս նօթերը կիտել է ու կռացել:

—Ի՞նչ ես ասում, վարժապետ, ժպտաց հիւանդը:—Այդպէս մի ասիլ... Փառք իրան, հազար փառք...

—Ծիծաղում եմ... ի՞նչ արած, տխուր մարդիկ ենք:

—Հիմի այնտեղ զանգերը տալիս են այլ, վարժապետ... տըխրութեամբ ասաց հիւանդը և հառաչեց:—Ինչքան քաղցր է այնտեղի զանգերի ձայնը գիտես...

—Լսել եմ, շատ եմ լսել. իսկապէս քաղցր է. հաւանութիւն տուեց ուսուցիչը:

Սիմոնը լռեց. վերմակը կամաց քաշեց գլխին և երեսը ծածկեց: Թմրած, յոգնած մտքերը նորից արթնանում էին ու շարժւում: Գլուխը կամաց-կամաց ծանրանում էր վերստին... Ինքնամոռացութիւն է գալի վրա. մոռանում է անկողինը, մոռանում է թէ որտեղ է, ի՞նչ է ինքը:

Նրա առջ հանդէս է գալիս Ձատկի օրը գիւղում:

... Մարդիկ, կանայք, երեխաներ՝ խումբ-խումբ շտապում են եկեղեցի, ամենքի գէմքին փայլում է ժպիտ, ուրախութիւն... Եկեղեցու զանգերը հնչում են. նրանց ղօղանջինի ձայնը հասնում է իր ականջին էլ: Ինքը վերցնում է երկու երեխային և գնում եկեղեցի... Հասնում է բակը, որտեղ երեխաներ, պատանիներ, նոյն իսկ երիտասարդներ ու հասակաւորներ կարմիր ձու են խաղում... Իր տղաներն էլ խառնւում են նրանց. իսկ ինքը մտնում է եկեղեցի. բայց նախ քան մտնելը՝ մի լաւ, ջերմեռանդօրէն համբուրում է եկեղեցու տախտակեայ հաստ դուռը, ապա գնում, կանգնում աջ պատի տակ և երեսը խաչակնքում...

—Ինձ ևս, Սիմոն բիձա. հարցրեց ուսուցիչը և երկար ժամանակ պատասխան չստանալով՝ ենթադրեց թէ քնած է, որ չի պատասխանում, ու գլխարկը վերցնելով՝ դուրս գնաց: Ինչպէս միշտ այս անգամ էլ դուրսը կողպեց ու հեռացաւ: Երևի շուկայ գնաց:

Սիմոնը ոչինչ չլսեց. ոչ ուսուցչի խօսելը, ոչ դրան փակուե-

լու ձայնը նրան չսթափեցրին իր նիրհից: Նա շարունակում էր քաղցր պատրանքի մէջ ապրել:

... Եկեղեցին լի է բազմութեամբ. բոլորը խաչ են քաշում երեսներին ու մերթ գետնատարած, մերթ կանգնած—աղօթք են մրմնջում... Իսքը նոյնպէս աղօթք է անում. խնդրում է խաչուած Յիսուսից, որ աչքը քաղցր պահի իր տուն ու տեղի վրայ... վերջապէս ժամը դուրս է գալիս. մի փոքր նշխարքի կտոր ձեռին դիմում է տուն: Ճանապարհին պատահած մարդկանց մրմնջում է.

«—Քրիստոս յարեալ ի մեռելոց...»

Յնորքի մէջ այդ խօսքերը նա արտասանեց բարձր, որ լուռ սենեակի մէջ կրկնուեց մեղմիւ ու մարեց անկիւններում:

«—Քրիստոս յարեալ ի մեռելոց...»

Նորից արտասանեց նա: Այս անգամ նրա խօսքերը լսուեցին աւելի ուժեղ, և նա իր խօսքերի ձայնից սթափուեց վեր թռաւ. նստեց անկողնի մէջ, ապշած ու աչքերը չռած մի քանի վայրկեան նայեց իր շուրջը: Այդ բոլորին նրա բարի գէմքը՝ այլանդակօրէն ծովուց ու կծկուեց: Նա մի խեղդուած ձիւ արձակելով՝ ետ գցեց վերմակը, թռաւ մահճակալից, անցաւ սենեակով և մօտեցաւ դռնին ու սկսեց քաշել...

«Քրիստոս յարեալ ի մեռելոց...» կրկնում էր նա ինքն իրան ու շարունակ դուռը քաշում:

Տեսաւ, որ չի բացուում՝ ետ դարձաւ. սեղանի վրայից վերցրեց գրքերը ու շարտեց ամեն-մէկը մի կողմ...

Վերջապէս եկաւ ուսուցիչը մի քանի թղթէ կապոց ձեռքին: Ներս մտնելուն պէս նա զարմանքից աչքերը չռեց և գունատուեց: Սենեակը տակն ու վրայ էր արած: Ի՞նչ էր այս:

— Սիմոն բիձա, լինչու ես վեր կացել... կմըսես... շփոթուած ասաց ուսուցիչը:

— Քրիստոս յարեալ ի մեռելոց, վարժապետ... բացականչեց հիւանդը և մերկ վագեց գէպի դուռը...

Ա. ԲՈՃՔՈՐ

ՊԱՏՄՈՒԹԻՒՆ ՍԱՍԱՆԵԱՆՑ¹

Պրոֆ. Կրիմսկու

Պերոյի թագաւորութեան վերջին տարիներում, ինչպէս տեսանք Կրիմսկուց, հայաստանը ապստամբուել էր: Այս երկրորդ կրօնական պատերազմն էր Պարսից դէմ և ապստամբութեան դրօշակը պարզել էր դարձեալ Մամիկոնեան իշխաններից մէկն՝ քաջն Վահան Մամիկոնեանը: Սորա քաջագործութիւնների նկարագիրը և պատերազմների մանրամասնութիւնները անմահացրել է Ղազ. Փարպեցին իւր հայոց պատմութեան էջերում, ուր հեղինակը թէև շատ զարմանալի, մինչև անգամ անհնարին դէպքեր է պատմում իւր սիրեցեալ զիւցաղնի կեանքից, (չմոռանաք, որ Ղազարը Վահանի մանկութեան խաղերի ընկերն է եղել և նորա ու նորա եղբայրների հետ միասին սնուել է Վրաց իշխան Աշուղայի տանը, Վահանի մօր խնամակալութեան տակ) բայց այնուամենայնիւ նորա շուշլած գովասանքներից շատը արժանահաւատ պիտի լինի, քանի որ դարձրած են Մամիկոնեան իշխանի հասցէին. վստն զի Մամիկոնեան տոհմը մի բացառիկ դեր է խաղում հայոց պատմութեան մէջ: Յայտնի է, որ մեր հին իշխանական բազմաթիւ ցեղերի մէջ նշանաւոր և առաջնակարգ տեղ էին գրաւում չորս հետևեալ տոհմերը՝ Սիւնեաց, Արծրունեաց, Բաղրատունեաց և Մամիկոնեանց: Վերջինը չորրորդ դարուց սկսեալ մինչև ինններորդը, երբ Քրիզոր Մամիկոնեանի մահուամբ վերջացաւ այս հռչակաւոր տոհմը, նոքա անդրդւելի հաւատարմութեամբ ծառայեցին նախ՝ Արշակունի թագաւորներին և ապա հայաստանի ժողովրդին, նուիրելով սորան իւրեանց բնատուր զինւորական քանքարը, յոժը, կարողութիւնը, կալուածքը և մինչև անգամ կեանքը. մինչդեռ միւս չիշեալ ցեղերը անձնական փառամոլու-

¹ Լումայ № 5—6

Թիւնից կուրացած՝ ձգտում էին Թագաւորական պատուին և, վերջապէս, Մամիկոնեանների անհետանալուց յետոյ, յաջողեցան ուրոյն Թագաւորութիւններ հիմնել իրանց նահանգներում, որոնց տիւրը վերջը յայտնի է:

Վահան Մամիկոնեանը ջարդելով Պարսից փոքր զնդերը, հասկանալի է, որ չէր կարող զիմադրել մեծ յոյժերին և եթէ, ըստ Փարպեցու, Վաղարշ Թագաւորը ընդունեց Վահանի երեք պայմանները, հայաստանը ապստամբութեան վերջ դնելու զիտաւորութեամբ, այժմ, ինչպէս պարզուում է Պարսից պատմութիւնից, նա այդպէս վարուեց 'ի հեճուկս իւր դրան մեծամեծների և մոգերի, որոնց իշխանութիւնը չէր կարողանում այլևս համբերել:

Նոր Թագաւոր, երիտասարդ Կաւատ I այնքան էլ յօժար չէր ենթարկուելու դրան աւագանուն, որ զահ բարձրացրեց նորան և վեռեց Թուլացնել հոգեւորականութեան և սոհմային ազնուականութեան յոժը մի նոր և շատ վտանգաւոր միջոցով: Բանն այն է, որ նորա ժամանակ Իրանում ծագեց մազդակականների կրօնական-համայնական աղանդը: Նորա հիմնադիր Մագդակը (ըստ Պարսից սխալ արտասանութեան «Մօժէկ») եւռանդոտ քարոզիչը ուսուցանում էր, թէ Աստուած բոլոր մարդոց հաւասար է ստեղծել և եթէ ոմանք ունին աւելի գոյք, և կանայք, քան թէ ուրիշները կամ աւելի իշխանութիւն, դա հակառակ է արդարադատ Աստուծոյ կամքին, որ Մագդակի կարծիքով չէ թոյլ տալիս մինչև անգամ կենդանիներ մորթել կերակուրի համար. այս պատճառով Մագդակ պահանջում էր յանուն Տիրոջ արդարութեան, որ մարդիկ, որոնք ունին հարստութիւն և շատ կանայք, բաժանեն իւրեանց հարստութիւնը և կանանց չքաւորների հետ, որ չունին ոչ այս, ոչ այն. բարիքների հաւասար բաշխման համար, հարկաւոր է ոչնչացնել անձնական սեպականութիւնը, սահմանել կոմունիստական—համայնական տիրում և ընտանիքին վերջ դնել: Մագդակ շատ հետևողներ ունեցաւ հասարակ ժողովրդի միջից: Կաւատ I խրատուսեց աղանդը և աղանդաւորները սկսան դործով կոմունիստական բաժանումը իրադրծել հարստութեան և կանանց վե-

րաբերութեամբ: Նոյն համբերողութեամբ Կաւատ I վերաբերուում էր քրիստոնեաներին և Սելևկիոս կաթողիկոս Ակակիոս (484—496) թարգմանեց նորա համար ասորերէնից պեղեկի լեզու «Իատողութիւններ հաւատարմասին»:

Վերջապէս հոգեւորականութիւնը և աւագանին միացան, տապալեցին Կաւատ I-նին և բանտարկեցին. իսկ թագաւոր կարգեցին նորա եղբօր Ջամասպին (496): Բայց Կաւատին, շնորհիւ նորա հաւատարիմ կնոջ, որ մօտ յարաբերութիւնների մէջ մտաւ պահապանների հետ, յաջողեցաւ փախչել բանտից չեփթաղների մօտ, որոնց թագաւորը ուրախութեամբ ընդունեց նորան, տուեց իւր դուստրը կնութեան և Կաւատ բարբառոսների զօրքի օգնութեամբ (498—499) խլեց Ջամասպից իւր դահր: Իրան աւագանին ենթարկուեց խիստ պատժի. Բայց մազդակականների հետ փորձերը չշարունակեց Կաւատ I, ընդհակառակն, երեսուն տարիներից յետոյ, արդէն իւր կեանքի վերջերում, Կաւատ I-ը համոզուեց, որ Մազդակի վարդապետութիւնը, չնայած նորա բարձր տեսական գաղափարականութեան, սպառնում է խախտել հասարակութեան հիմքերը և ձեռնամուխ եղաւ (528—529) արիւնսպից կոտորածներով առաջն առնել աղանդի տարածմանը և ընդ սմին կոտորածները ղեկավարում էր թագաժառանգ Խոսրովը:

Կաւատին ցանկալի էր վարժատրել չեփթաղների օգնութեան համար, բայց զանձարանում դրամ չկար. նա իւր հայեացքը դարձրեց զէպի Բիւզանդիոն, ուր թագաւորում էր Անաստաս I-ը (491—518): Կաւատի բարեկամութիւնը չեփթաղների հետ և երաշխաւորեալ ապահովութիւնը Իրանի սահմանների արեւելքից, ակներև է, որ Կաւատ I-ից կարող էր ըսկսուել պատերազմների մի նոր դարադլուխ չռովմայեցւոց արևելեան կայսրութեան դէմ, որի յարաբերութիւնները Պարսկաստանի հետ հինգերորդ դարում խաղաղ էին. այս պատերազմները, ինչպէս կտեսնենք յետոյ շարունակում են ընդհատումներով մի ամբողջ ու քառորդ դար, երկու պետութիւններն էլ ուժասպառ անելով, թեթեւացնում մահմեդական-Սրաբաջիներին Իրանի և Բիւզանդիոնի արևելեան երկիրների նուաճումը:

Կաւատ I-ին պատերազմ Բիւզանդիոնի հետ սկսուեց 502 թ. յաջող արշաւանքով հայաստան. յետոյ էլ Պարսից պատերազմական գործողութիւնները լաւ էին ընթանում, բայց հիւսիսային բարբարոս չոնների արշաւանքը Իրանի վրայ հարկադրեցին Կաւատին 506 թ. հաշտութիւն խօսել Անաստաս կայսեր հետ: Մինչև Անաստասի մահը (518 թ.) խաղաղութիւնը չխանգարուեց, թէև կայսեր շինած Դարա ամրոցը բռն սահմանների վրայ, Մծբինի հանդէպ, ախորժելի էր Պարսից. սակայն նոցա զոռողութիւնը ընկնում էր այն զիտակցութեամբ, որ բիւզանդացիք պարտաւորուեցան իւրաքանչիւր տարի հատուցանել, ինչպէս առաջ, մի որոշ գումար ամրոցների պահպանութեան համար Կովկասում: Յուստինոս I (518—527) վերջ գրեց այդ հարկի վճարմանը և պատերազմը նորից ծագեց և Կաւատը I-ը պատուիրեց իւր հեթանոս Արաբացիներին աւարառութիւններ կատարել բուզանդացւոց ասորական սահմաններում, քրիստոնէայ Արաբացւոց երկրում: Բիւզանդացիք իրանց կողմից յաղթանակով մտան պարսկական հայաստան: Կաւատ I բանակցութիւններ սկսեց Յուստինոսի հետ, աչքի առաջ ունենալով դահի ժողովրդութեան խնդիրը. նա ցանկանում էր, որ Յուստինոսը որդեգրէ նորիս սիրեցեալ որդի Խոսրովին (դա կարտայայտուէր Խոսրովի տիտղոսում՝ «կայսեր որդի») և այդ կերպով, Խոսրով տիտղոսասէր պարսիկների աչքում արժանաւորագոյն ժառանգը կհանդիսանար: Բանակցութիւնները անհետեանք անցան և պատերազմը նորոգուեց նախ քան Յուստինոսի մահը (527 թ.): Բայց ամենաժանր արիւնհեղութիւնը վերաբերում է զառամեալ Կաւատի և նոր կայսեր—հռչակաւոր Յուստինիանոսի (527—565) պատերազմի շրջանին. բիւզանդացւոց կողմից քաջ հանդիսացաւ երևելի սպարապետ Բելիզարիոս. իսկ Պարսից—Հիրայի արաբական թագաւոր Միւնզիռ III (505—554): Պարսկաստանից աւատական կախումն ունեցած Հերայի (հեթանոս) թագաւորութեան Արաբացիների և Բիւզանդիոնի հաստանեան (քրիստոնէայ) աւատական թագաւորութեան Արաբացիների մէջ անհաշտ ատելութիւն էր տիրում, որ յատուկ է Արաբացիներին միմեանց վերաբերութեամբ: Նախ-

ընթաց V դարու կիսում այս երկու արաբական թագաւորութիւնների միջի տարածութեան վրայ նաչդայում և Բաղթամարի բերդի երկրում (այն է՝ Արաբիայի կենդրոնում և Հիւսիս-արեւելքում) գոյացաւ մի երրորդ արաբական թագաւորութիւն, ոչ պակաս զօրաւոր վանք չիրեան և Հասսանեանը (Гассанское и Аудское). զա Կինդիական պետութիւնն էր, հիմնուած իշխան Խոժոբի ձեռքով, որ շատ նեղացնում էր չիրայի Լախմիդներին. հինգերորդ դարու վերջից Կինդիական թագաւորութիւնը թուլացաւ ծագած երկպառակուութիւնների շնորհիւ և մեծ երկկւղտով էր վերաբերւում դէպի չիրա:

Անաստաս կայսրը (491—518), որի դէմ Կաւատ I պատեռարքն հրաատարակեց, փրկանք էր վճարում (503) Կինդիական թագաւոր Սառիսին (Խոժոբի թողան) այն պայմանով, որ նա չըյարձակուի Ասորիքի վրայ, այլ պատերազմի Պարսից աւատական հերացիների դէմ: 259-դ տարին բախտաւոր եղաւ չիրացիների համար այդ տարին երկար խուսափումներից յետոյ կինդիական Սառիս թագաւորը ընկաւ չիրայի արքայ Միւնզրու III-դի ձեռքը և սպանուեց: Նոյն տարին Կաւատը I-ը հրամայեց Միւնզրու III-ին արշաւել Ասորիք, առելի հաստանեան թագաւորութեան երկիրը: Միւնզրու III յօժարութեամբ հնազանդուելով (529), յաղթանակով գնաց նուաճեց բոլոր Ասորիքը մինչև Անտիոք և գերի տարոււ շատ մարդիկ՝ փրկանք ստանալու նպատակով. նորա խորհրդով ինքն Կաւատն էլ դիմեց դէպի Ասորոց երկիրը (531), ուր Պարսիկները համարեա թէ երեք դար չէին մտած. մոլեռանդ հալածանքը Ասորիքում շատ տուրածուած և տիրապետող մօնօֆիզիտ հաւատի դէմ, որ յարուցել էր Յուստինոս I կայսրը (նա 519 թ. տապալեց ու տարագրեց 55 ասորի մօնօֆիզիտ եպիսկոպոսներ) և շարունակեց Յուստինիանոս I, ջլատում էր Բիւղանդացւոց զօրութիւնը Ասորիքում և դիւրացնում Պարսից յաջողութիւնը: Սակայն Բելիզարիոսը քաջութեամբ չետ մղեց պարսկական զօրքը: Ինչ որ վերաբերւում է Միւնզրու III-ին, պէտք է առել, որ նորան աւելի դժուար էր ընկնել, քան Պարսիկներին: Այս պատերազմասէր հեթանոսը կէս դար ասորաբիւզանդական քրիստոնէից սարսափն էր և այնպիսի վայրենի

կատաղութիւն ցոյց տուեց, որ գրաւելով մի կուսանաց վանք, 400 միանձնուհիք մի օրում զոհ բերեց Օզղա դիցուհուն: Առանց ուշադրութիւն դարձնելու այն հանգամանքի վրայ, թէ Պարսկաստանը պատերազմի մէջ է արդեօք Բիւզանդիոնի հետ, թէ՞ խաղաղութեան, Միւնզըռը անընդհատ շարունակում էր իւր արիւնահեղ յարձակումները Բիւզանդիոնի ասորի հպատակների վրայ մինչև, վերջապէս, շատ պատերազմներից յետոյ 554 թ. ընկաւ ճակատամարտում բիւզանդական Արաբացիների թագաւոր Խառիս V Իրնչաբալի դէմ կռուելիս, որին Միւնզըռ III առաջ քանիցս չարդել էր և նորա որդուն դարձեալ զոհել Օզղա դիցուհուն: Բայց այդ միջոցին Կաւաա I-ը վաղուց արդէն մեռած էր և Պասկաստանում թագաւորում էր նորա երեւելի որդի Խոսրով Անուշ-ըռուսան»:

Վերը մենք տեսանք, որ Պարսից Վաղարշ թագաւորը կատարեց Վահան Մամիկոնեանի պահանջները, կրօնական ազատութիւն տուեց Հայերին. Վահանին նշանակեց նախ՝ սպարապետ Հայոց, ապա պարսիկ Անդեկան մարզպանի բարեխօսութեամբ, ինչպէս վկայում է Ղ. Փարսեցին, Հայաստանի մարզպան: Կորովի Մամիկոնեանի խելացի վարչութեան օրերում ալէկոծուած երկիրը խաղաղացաւ. նախարարները և իշխանները պատկառում էին Վահանի առաջ, ականատես լինելով այն բարձր պատիւներին, որոնց նա արժանացել էլ Պարսից թագաւորի կողմից: Հայաստանի հարկերը մարզպանը ինքն էր հաւաքում և ուղարկում Պարսկաստան 'ի նշան հպատակութեան: Բայց ահա 489 թ. Պարսից դրան մեծամեծները և մոլեռանդ մոգերը դժգոհ լինելով Վաղարշից, կուրացրին և տապալեցին նորան և զահ նստացրին Կաւաա I-ին: Սա պատերազմ սկսելով Բիւզանդացւոց դէմ, յանկարծ մտաւ Հայաստան (502) և ռանակոխ արեց իւր նախորդի և Հայերի մէջ կնքած խաղաղութեան դաշն: Վահան, բնական է, որ անմիջապէս զէնքի դիմեց և մի քանի ընդհարումներից յետոյ Պարսից զօրքերի հետ, Կաւաա խաղաղութիւն խօսեց և օգնական զնգեր ստանալով Վահանից նորա եղբոր Վարդ Մամիկոնեանի սպարապետութեամբ, խաղաց դէպի Միջագետք և նուաճեց Շմիդ և այլ քաղաքները. (Չամչեան.

Խորախն. պատ. էջ. 169): Վահան այնուհետև մեռաւ ժերութեան հասակում 510 թ. և նորա տեղ Հայաստանի մարզպան հաստատուեց Կաւատից Վարդ Մամիկոնեանը: Սա հազիւ չորս տարի միայն վարեց իւր իշխանութիւնը*: Անհեռատես և նախանձոտ հայ իշխանները, երևի, երկիւղ կրելով, թէ մի գուցէ մարզպանութիւնն էլ սպարապետութեան նման ժառանգական դառնայ Մամիկոնեան տոհմի մէջ և այսպէս տակաւ առ տակաւ Մամիկոնեան նոր հարստութիւն գոյանայ, որ առհասարակ վայելում էր հայ ժողովրդի առանձին սէր ու յարգանքը, դիմեցին իւրեանց սովորական մատնութեան և ամբաստանեցին Վարդին Պարսից դրան առաջ և Կաւատ նորա փոխարէն Բուրդան պարսկին մարզպան ուղարկեց Հայաստան (515—518): Նորանից յետոյ նոյն Կաւատը նշանակեց Մժէժ Գնունուն (518—548), որի երեսուն տարուայ մարզպանութեան միջոցին Հայաստանի խաղաղութիւնը, համարեա, չխանգարուեց: Ապա միմեանց ետևից եկան իբր մարզպաններ՝ Դենշապուն (548—552), Վշնաս-Վահրամ (552—558), Վարազդատ (558—564), յետոյ Սուրէն-ճիհր (564—572): Սերէոսի վկայութեամբ, Խոսրով Անուշ-ըռուանի թագաւորութեան 41-ր տարին, այն է 572 թ. Վարդան Մամիկոնեան**, հայոց նախարարների միաբանութեամբ ապստամբուեց Պարսից դէմ, սպանեց Սուրէն մարզպանին և բանակցութիւններ սկսեց Յունաց կայսեր Յուստինոս II (565—578) հետ, կայսերական զօրքերի օգնութեամբ Հայերը դիմեցին դէպի Դուին, քաղաքը առին, և Պարսից զօրքերին այնտեղից հալածեցին: Սերէոսը նոյն դէպքում Յուստինոս II-րդ անունը չէ տալիս, այլ ասում է միայն «Թագաւորն Յունաց». բայց նայելով նորա ժամանակագրութեանը, զժուար չէ գուշակել, որ «Թագաւորն Յունաց» Յուստինոս II-դն էր: Չամչեանը յիշում է այս անունը, միայն Վարդան II-րդ Մամիկոնեանի ապստամբութիւնը դնում է 570 թ. տարբերութիւնը կրկու տարի է միայն: Վարդան II Մամիկոնեան (572—578) Յունաց օգնութեամբ կառավարեց Հայաստանը, որ նախարար-

* 510—515 ըստ Չամչեանի:

** Որդի Վասակի և թոռն Վարդ Մամիկոնեանի. Մ. Ծ.

ների անմիաբանութեան պատճառով, դարձեալ ընկաւ Պարսից իշխանութեան տակ. եկաւ նոր պարսիկ մարզպան Ճիհրվդոն (578—583), Որմիզդ IV-ի կողմից: Հետեւեալ տասն տարի (583-ից մինչև 593) յայտնի չէ թէ որ մարզպանի ձեռքով էին կառավարում Հայաստանը Որմիզդ IV-ը (579—590) և Խոսրով II-ը Ապրուէզ (590—628), միայն 593 երկրի մարզպան կարգուեց Խոսրովից բազմապալթն Սմբատ Բագրատունի (593—601), մի նոր պայծառ աստղ ապագայ թագաւորական հարստութեան, որից յետոյ հայ նախարարների խնդիրքով հաստատուեց Դաւիթ Սահառունին (601—625). որ, սակայն, վերջը, զոհուած հայ իշխանների մատնութիւնից՝ հեռացաւ Կ. Պօլիս և նորա տեղ նշանակուեց Վարազդարոց Բագրատունի, որդի բազմապալթ Սմբատի. սա երկար չմնաց իւր պաշտօնում և երկիւղ կրելով հայ իշխանների և Պարսից ունեւորութիւններից, հեռացաւ իւր ընտանիքով դէպի բիւզանդացւոց սահմանները: Այդ ժամանակների Հերակլ կայսեր փառաւոր յաղթութիւնների համբուր տարածուել էր Ասիայի ամեն կողմերը. իսկ Սասանեանց հարստութիւնը արդէն խոնարհուած էր դէպի անկում. հայ նախարարները խնդրեցին կայսրից կրկին Դաւիթ Սահառունուն կառավարիչ նշանակել Հայաստանի վրայ. Դաւիթ կիւրապաղատ հաստատուեց Հերակլից. բայց երեք տարուց յետոյ նոյն նախարարները մերժեցին նորան և երկիրը կորուսին: Միայն Թէոդորոս Ռշտունի քաջ զօրավարն էր, որ, ըստ Սեբէոսի «կազմէր զգաւրս իւրոյ կողմանն հանապաղ և զգուշանայր զտիւ և զգիշեր ըստ իւրոյ քաջ իմաստութեանն, ոչ սակաւ աւճիրս գործէր ի թշնամեացն: Եւ շինեալ զԱղթամար կղզի՝ անդ ապրեցուցանէր զբազում դաւառս» (էջ. 103):

Սակայն հեռու Արարիայի տօթ անապատներից թուխուռ չարագուշակ ամպեր էին կուտակւում Հայաստանի զխին և Թէոդորոս Ռշտունին ի՞նչ կարող էր անել դոցա դէմ իւր սակաւածեռն զնդով, երբ միւս իշխանները իրանց անձնական հաշիւներով էին ժամանակը վատնում. նոցա ի՞նչ փոյթ, որ երկիրը շուտով դժոխք է դառնալու և իրանց կուլ տալու:

ՆՈՐԱԳՈՅՆ ՊԱՏՄԱԳԻՏՈՒԹԻՒՆ¹

ՀԻՆԳ ԴԱՍԱԽՕՍՈՒԹԻՒՆ

ԿԱՐԼ ԼԱՄՊՌԵԽՏԻ

IV

Թոյլ տուէք նախ քան սրան մօտենամ, անցողակի կերպով մի ուրիշ հարց էլ առաջարկել: Երբ հոգին, իբրև մի երևոյթ, որը զործնականապէս կարող ենք որոշել, դիտելով նրա կեանքի երևոյթները, իրօք փոխուում է, արդեօք կազմութեան տեսակէտից է փոխուում, հոգու կենսաբանական բնոյթի հետ, թէ միայն երևոյթների ձևի փոփոխութիւն է այս, իսկ կենսաբանական նոյն տիպն է մնում: Ինչպէս յետոյ կտեսնենք, հոգեբանական գլխաւոր երևոյթների պատմական նկարագրութիւնը թոյլ է տալի միայն յիշած երկու դէպքից վերջինը համատարբ: Սակայն հակառակ տիրող կարծիքի, պէտք է կարուկ կերպով իրօք առաջինը պնդել: Իդրոք հնարաւոր համեմատութիւններից պէտք է եզրակացնել, որ մարդկային հոգու տարուբերուող գիտակցութեան խորութիւնը, նոյնպէս պէտք է որոշ ֆիզիքական, ուրեմն և ֆիզիօլոգիական փոփոխութիւնների համապատասխանէ հոգու զգայարանների արտայայտութիւնների միջոցով: Իրօք այս բանը սնհատի կեանքում յատկապէս նրա մանկական ուղեղի անեցման ժամանակ երևում է: Այն հանգամանքը, որ զանազան կուլտուրական աստիճանների վրայ գտնուող զանազան ռասաների մէջ այդպիսի բան չի գտնուել, այս տեսակէտից խնդիրը ուսումնասիրողներին, որոնք դեռ սկզբնական աստիճանի վրայ են գտնուում, իրաւունք չի տալի ասելու, որ մարդը և յատկապէս նրա հոգեկան օրգանները ֆիզիօլոգապէս բացարձակօրէն քարա-

¹ Լումայ № 5—6

ցած են. մի բան, որ պատմական զարգացման անսակետից բացառութիւն կկազմէր:

Սակայն զառնանք գլխաւոր հարցին: Ի՞նչ սկզբունքներով են կատարուում գիտակցութեան ընդլայնման փոփոխութիւնները:

Պարզ է, որ այս գէպքում հոգեկան աշխարհում բացարժակապէս քանակական փոփոխութիւնների հետ գործ չունինք, որովհետեւ ամեն հոգեկան բան, վերջի վերջոյ կենդանի երեւոյթների արտայայտութեան համաձայն հէնց որակական է: Սրա համաձայն ընդարձակուող գիտակցութեան խորութեան հետ առաջ եկած երեւոյթն էլ չպէտք է քանակական հաշուի տակ դնենք: Սրպէօք հաւատում է իրօք որեւէ մէկը, որ անհատական հոգեկան կեանքում առաջ եկող ընդարձակուող և տարածուող գիտակցութեան փոփոխութիւններից տրամաբանօրէն կարելի է եզրակացնել, որ անհատական հոգեկան կեանք ունեցող ամեն ոք սկզբում մանուկ, յետոյ երիտասարդ կամ օրիորդ, յետոյ այր կամ կին, յետոյ ծերունի կամ պառաւ պիտի դառնայ: Յայտնի փաստ է, որ հետևանքները և ազդեցութիւնները որակականի շրջանում չի կարելի բացասել, այլ աւելի շատ պէտք են այդ բոլորը:

Եթէ այս փորձառութիւնը մեր հարցի սօցիալ-հոգեբանական լուծման համար գործադրենք, կտեսնենք ինչպէս այս պատմական պրոբլէմը կփոխուի. այն է, մինչև այժմ եղած ամենակարևոր մարդկային համայնքների պատմութիւնից պարզել գիտակցութեան ընդլայնման զարգացման ընթացքը *:

Ամեն մի գիտական պատմութեան խնդիրը մարդկութիւնն

* Հէնց այն փաստը, որ ինչպէս շուտով կտեսնենք, այս ապացոյցը յաջողում է, հնարաւոր է դարձնում միաժամանակ այս ժամանակաշրջանի բնոյթի քանակական շերտաւորումն էլ պարզաբանել: Յայտնի է որ ամեն մի վերացում դժուարին է և եթէ ինկատի ունենանք այն դժուարին պահանջը, որ մեր առաջ կայ, կտեսնենք, որ աւելի քան անհնարին է, երբ այն, ինչ որ վերացւում է և այն, որից վերացւում է, միևնոյն քանակական յաջորդականութեանն են պատկանում: Համեմատել իմիջի ալլոց վերջին պարբերութեան պարզաբանութեան համար—Lipps—Leitfaden der Psychologie s. 338.

է: Երբ այս քննութեան առնուի, պէտք է բնականաբար եզակի զէպքերի բաժանուի, որովհետեւ միայն այս ձևով հնարաւոր է որոշ մեթոդով տիրապետել այդ ահագին նիւթը, որը քննութեան նիւթն է և այդպիսով ձեռք բերել մի հաստատ գիտական չառաջադիմութիւն: Եզակի մարդկային հասարակութիւնները, որոնք առանձնայատուկ նշանակութիւն ունին, համեմատաբար բնական զարգացման տէր են և սրանց վերաբերող նիւթը մատչելի է, պէտք է միայն իրենց հոգեկան կեանքի ընթացքում ուսումնասիրուեն: Երբ այս պահանջն է դրոււմ, ստեղծոււմ է մի դրութիւն, երբ այս հարցը ազգային կուլտուրայի զարգացման ուսումնասիրութեամբ պէտք է սահմանափակել: անկասկած ազգը մարդկային մեծ համայնքներից ամենականունաւորն է, որն այս կապակցութեամբ հանդէս է գալի: Ազգային զարգացման խնդիրներում նրանք ամենից առաջ պէտք է ուշադրութեան առնուին, որոնց համար պատմական տեսակէտից գտնոււմ է մի ամբողջ յաջորդական շարք կուլտուրական ժամանակների և որոնց պարզ քննութեան համար կան բազմաթիւ և մանրամասն ժամանակակից աղբիւրներ:

Եթէ այս մեթոդի պահանջներին մարդ հետեւէ, կատարուի այն, որ առնուազն, ինկատի ունենալով ժամանակակից հետազոտութեան դրութիւնը, հիմնական հետազոտութեան համար ամենից առաջ միջին և արեւմտեան Եւրպայի ներկայ ազգերի պատմութիւնը պէտք է ի նկատի առնուի, եթէ սրանց մէջ ամենից լաւը փնտրելու լինենք, պէտք է կանգ առնենք գերմանական պատմութեան վրայ: Սա չիշած կուլտուրական շրջանից, առանց նախնական միջերկրական կուլտուրական շրջանի ամեն ինչ փոփոխող ազդեցութեանը, կարողացել է զարգանալ: Որը այս ազդեցից իւր նախնական ժամանակի վերաբերմամբ կարող է այնպիսի մի ընդարձակ տեղեկութիւն ցոյց տալ, որպիսին Գերմանիայի համար տալիս է Տակիտոսի «Germania»-ն. մի վերջին մեծ վկայութիւն է սա, որը իւր մէջ ունի հռոմէական երկդարեան փորձառութեան յիշողութիւն գերմանների մասին. դասական աշխարհի գերիշխող ժողովրդի հայեացքների մի արտայայտութիւն է, ժողովուրդ, որը հին ժամանակում նշանաւոր

մարդկանց և ժողովրդների մասին տեղեկութիւն տալ կարող էր: Միաժամանակ սա մի ժողովածու և շտեմարան է գերմանական աւելի քան հինգ սերնդի մասին եղած մանրամասն գրականութեան. բացի այդ կաղմել է մի հեղինակ, որը ինքը դիտել է այնպէս, ինչպէս ոչ ոք նրանից առաջ և յետոյ, «Germania»-ն միջազգային իրաւունքների մի չուշարժան է, որով հազար տարի առաջ և հազար տարի յետոյ եղած գերմանական անցեալը զարմանալի կերպով պարզաբանոււմ է:

Այս կապակցութիւններէից առաջ եկան այն մի քանի հիմ-
քերը, որոնք առիթ դարձան ինձ համար պատմագիտական ու-
սումնասիրութիւններ կատարելու նախ գերմանական պատմու-
թեան մէջ. իհարկէ ոչ այն մտքով, որ սրանից 20 տարի առաջ
արդէն գերմանական պատմութեան համար մի լուրջ ծրագիր
ունէի. որ այն հիմքերը, որոնց մասին խօսում եմ, շատ պարզիմ
հոգու առաջ պատկերանում էին: Երբ սխեցի գերմանական
պատմութիւնը դրել, այս դէպքում ոչ պակաս չափով դեր էր
խաղում սողալիս զգացումը, թէ և յետոյ միայն այս նիւթի ընտ-
րութեան ընդհանուր և յատկապէս միթողի տեսակէտից ու-
նեցած առաւելութիւնները, որ ես շեշտում եմ սօցիալ-հոգեկան
կողմը, այս առաջ եկաւ այն բնազդից, որ ես շատ վաղ, սրանից
քառորդ դար առաջ, սողերի պատմական լինելութեանը կու-
տուրական մեծ ժամանակների էի բաժանում:

Սակայն ինչպէս ուզում է Թող լինի. զուտ փորձնական ճանապարհով և չաղդուած որևէ պատմափիլիսոփայական ուսմունքից զրուած գերմանական պատմութեան մէջ կուլտուրական ժամանակաշրջանների այն բաժանումը տեղ գտաւ, որը այս գրքի երեք քառորդ մասի հիմքն է կազմում¹. ամենաշատը,

*) Այս բաժանումը և իմ պատմահայեցողութեան առանձնայատկութիւնը փորձում էին արդէն առաջ եղած ամեն տեսակ սխատեմաներից և պատմահայեցողութիւններից, յատկապէս Կոստի տուածից, հանել: Ով որ ստեղծող է, յայսպիսի բանասիրական աշխատանքի համար կարող է միայն ծիծաղ ունենալ: Մարդկային ստեղծագործութիւնը միայն եղածը ընդունելով, փոփոխելով և մասերը միմեանց հետ միացնելով չի առաջ գնում և ոչ էլ միայն

որ սրա համար եղած գրականութիւնից անհատականութեան զաղափարը, ինչպէս որ Բուրկհարդն է պարզել, 15 և 16-րդ դարերի կուլտուրայի համար գտնուած էր:

Թէև գերմանական պատմութեան ընթացքում եղած կուլտուրական ժամանակները այնպէս, ինչպէս երկրորդ դասախոսութեան մէջ պարզել եմ, ամեն մի խորագնին հետազոտողի համար անվիճելի է, բայց քաղաքական պատմիչների համար այդ անընդունելի է, որովհետև այս դէպքում իրենց մինչև այդ ունեցած գոյութեան հիմքերը կխախտուին: Այժմ հետևեալ հարցն է ծագում. արդեօք այս նոյն ընթացքը ուրիշ մեծ մարդկային համայնքների, յատկապէս այլ ազգերի, զարգացման մէջ կարելի է տեսնել: Առանց այլևայլութեան պարզ է, որ այս դէպքում պատասխանը գործնական ուղիով պէտք է տրուի, այսինքն ամենաընդարձակ տիեզերապատմական հետազոտութեան միջոցով: Այսպիսի հետազոտութիւններ դեռ չեն եղել. այնուամենայնիւ այժմ էլ կարելի է ասել, որ հին աշխարհի ժողովուրդների պատմութիւնն էլ, յատկապէս յոյներինը սպասուող ձևով է տեղի ունեցել. ոչ պակաս նա և ևրոպական պետութիւնների ազգերի պատմութիւնը, որոնց հետ միասին և ճափոնացիների պատմութիւնը: Այս դէպքում հնարաւոր է այսպէս ժամա-

այսպիսով պատմութիւնը: Անմեթող և ոչ գիտական և ամեն տեսակի համեմատութիւն, որը չի սկսում նախ սօցիալ-հոգեկան տարրերի համեմատութիւնից, այլ սկսում է անհատական հոգեկանից, որովհետև անհատական հոգեկանը, նայած իւր հիմքին, ամեն դէպքում էլ անհատի ապրած ժամանակաշրջանի սօցիալ-հոգեկանի մէջ է ներփակուած: Ով ուզում է իմ ըմբռնողութեան և երբէք չժխտած սրա ու կօնտի ըմբռնութեան մէջ եղած մասնաւոր նմանութիւնը հասկանալ, նրան նախ հարցնում եմ, ի՞նչ նման տարրեր կային Ֆրանսիայի 19-րդ դարի առաջին կիսի սօցիալ-հոգեկան կազմութեան և Գերմանիայի 19-րդ դարի երկրորդ կիսի հոգեկան կազմութեան մէջ, որ սրանցից նման հայեացքներ ծնէին: Որևէ ուղղակի կամ անուղղակի պարզ կախումն կօնտից ես չեմ ունեցել և եթէ դեռ էլի պնդեն, պէտք է իբրև ապացոյց բերեմ իմ ըմբռնութեան համար այն ձեռագիրը, որը բարեբախտաբար մնում է իմ ուսանողական ժամանակից (19-րդ դարու 70-ական թուականների վերջից):

նակով և տարածութեամբ հեռու գտնուող ազգերի պատմութեան ընթացքում նոյնութիւն գտնել, որ ուրեմն գերմանական պատմութեան օրինակով գտնուած զարգացման աստիճանները բաւարար և ընդհանրապէս զործադրելի սարքեր են միւսների պատմութեան զարգացման համար ևս:

Ի՞նչպէս կարող էր այս ուղիղ չլինել. պլուրաճական, տիպիկ, սովորական, անհատական և անձնական հոգեկան կեանքի ընթացքը մեծ, հոգեկան պատկեր և աւելի ու աւելի ուժեղացող հոգեկան կեանքի, հոգեկան դժի կրկնատատկման, գիտակցութեան աճող ընկալանման: Պատմութեան ընթացքը տանում է դէպի այն կողմը, որ նախկին ժամանակներին չաչորդում է սկզբում քիչ շերտաւորուած անձնականութեան ժամանակրերը շերտաւորումը աւելի է մեծանում. այս եղբակացութիւնը շատ ընդհանուր է և վաղուց արդէն ճշտուած, մինչև իսկ ըստինքեան հասկանալի պատմական փորձառութեան արդիւնք է նկատուում:

Անշուշտ այն մասին, թէ մի ժողովրդի նոյն իսկ սովորական զարգացումը պէտք է ունենայ զարգացման այս աստիճանաւորութիւնը, ամեն աեղ ճիշտ այնպէս, ինչպէս ես գտել եմ գերմանական ժողովրդի համար, խօսք էլ չի լինի: Ես մի կողմի եմ թողնում այն հնարաւոր սխալները, որ կուլտուրական աստիճանները իրարից բաժանելու դէպքում առաջ կդալին. մի բան, որ առաջին այսպիսի փորձում ոչ միայն ներքին է, այլ և շատ հաւանօրէն առաջ կգայ և առաջ է եկել. երկրորդ դասախօսութեան մէջ իմ զրուածքի մէջ եղած այգալիսի սխալները լուրջայն ուղղել եմ: Աւելի կարեւոր է, որ այն, ինչ ամեն մի ժամանակաշրջանում իրօք տիպիկ է միայն մի ազգի զարգացման խնդրի պարզարանութեան դէպքում կարելի է զգոյշ, բայց ոչ թէ կատարեալ վստահութեամբ մաքրել, դուրս բերել: Որովհետև այս դէպքում տիպի պարզաբանութեան համար պէտք է միշտ համեմատութեան գիմել, ուստի պարզ է, որ աւելի վրստահ առաջ գնալու համար հարկաւոր է ունենալ առնուազն համեմատութեան երկու առարկայ: Ի հարկէ իմ գերմանական պատմութեան մէջ կուլտուրական ժամանակները բաժանուել են

ոչ առանց ուշադրութիւն դարձնելու ժամանակակից Եւրոպական և հին դասական Միջերկրեայ ծովի մօտ ապրող ազգերի և վերջում ճափոնական ազգի զարգացման աստիճաններին. այնուամենայնիւ մեծ տարբերութիւն կայ մի քանի ուղեցոյցների միջոցով միայն մի ուղիով առաջ գնալու և մի նպատակ որոնելու մէջ շնորհիւ բաղձաթիւ նման և կեդրոնական ճանապարհների միաժամանակեայ օգնութեան: Այսպիսով կասկած չկայ, որ իմ դրքում իսկական և լրիւ կուլտուրական ժամանակաշրջաններում տիպերը դեռ ևս չկան, այս հնարաւոր է ձեռք բերել միայն տիեզերապատմական համեմատութեան ժամանակ բաղձաթիւ ազգերի զարգացումը. սկզբունքով իրօք բոլոր մարդկային համախմբումների զարգացումը, զատելով անհատականը և եզակին և շեշտելով ընդհանուրը:

Զատել եզակի և անհատական տարրերը: Արդեօք մարդ զգում է, թէ այս խօսքերը ի՞նչ են նշանակում: Ի՞նչ սարսափելի աշխատանք է պահանջում այս գատումը. ի՞նչքան հազարաւոր հարցեր կան սրա մէջ ոչ միայն պատմական, այլ և աշխարհագրական, ընդարձակ մտքով առած: Ի՞նչ դեր են խաղում ռասսայական տարրերը և սկզբնական ընդունակութեան մնացորդները: Այնուամենայնիւ սրանք դեռ միակ դժուարութիւնները չեն: Յիշենք, որ ամեն մի հոգեկան գործողութիւն համարեալ զանազան տեսակ լուծումն է ստանում, որ օրինակ այնպիսի մի պաշտ բան, ինչպիսին զուգորդութիւնները նմանութեան սկզբունքով վերաբառադրելն է, հազարաւոր հնարաւորութիւններ ու պայմաններ ունի, որ համաձայն երեւակայութեան, եռանդի պայմանների ու ներքին միութեան ձգտման խորութեանը, կամքի բաղձաթիւ տեսակներն են զարգանում, որ հոգեկան ոյժի աստիճանը զրգիւնների ու սրա հետեւանքների շերտաւորման ընդունակութիւնը, այլ և վերջապէս եղրակացութեան ընդունակութիւնը բաղձաթիւ. զուգորդութիւններով են երեւան գալի և այսպիսով առաջ են բերում հոգեկան կեանքի միմեանցից բոլորովին տարբեր ձևերը: Պէտք է հարցնել, արդեօք հնարաւոր է, որ հոգեկան ոյժերի այլպիսի ազդեցութիւնների ու միատեղ եզակի բաղձապատմական տարբերութեան դէպքում ընդ-

հանրապէս մարդ մտածի, թէ մարդկային մեծ խմբակցութիւնների զարգացման հիմնական գծերը ընդհանուր են:

Տուած հարցերը լուծելու համար պէտք է նախ լիշել, որ այս դէպքում երբեք խնդիրը այն մասին չէ, թէ զարգացման նոյնութեան օրէնքը պնդւում է կամ ուզում են ցոյց առաւ. հարց կարող է ծաղել միայն նմանութեան, նման և ոչ նման կողմերի յարաբերութեան մասին: Ինչպէս կարելի է մի կամ մի քանի օբիեկտների մէջ եղած նմանութեան և տարբերութեան գիտակցութիւնը ձեռք բերել: Այն ձևով, որ այս նիւթերից ամեն մէկին վերացնելով տեղից և ժամանակից ուշադրութեամբ քննում եմ և ամեն մի իրի քննութեան արդիւնքը իրար մօտ դնում: Այո՛, պարոններ, վերացնելով ժամանակը և տեղը: Մեր խնդրի համար այս նշանակում է, որ ես եզակի, մեծ, տարբեր մարդկային համայնքներին առաջին հայեացքից իսկ իրար հետ հաղորդակցութիւն ունեցող, ամբողջական, մեթոդաւոր լոգիական վստահութեամբ համեմատութեան համար իրար մօտ եմ դնում, առանց ուշադրութիւն դարձնելու այս համեմատութեան համար ժամանակի և տարածութեան սահմանաւորման վրայ:

Երբ այս անում եմ և ապա աւելի մօտից եմ դիտում ժամանակաշրջանները, բնականաբար նախ հարց է ծագում, թէ արդեօք այս միլիօնաւոր և միլիարդաւոր հոգեկան տնցքերի համար, որոնք հէնց միայն մի ժամանակաշրջանում են տեղի ունենում, նոյն այս ժամանակաշրջանի համար մի ընդհանուր մօմենտ կարելի՞ է նարել: Ինչպէս գիտէք, այս հարցին քաղաքական պատմութեան կողմնակիցները բացասական պատասխան են տալի, անշուշտ առանց ուշադրութիւն դարձնելու, որ այս քննութեան ժամանակ լուծեն հոգեբանական և իմացաբանական հարցերը. նոյն իսկ կուլտուրական պատմութեան նիւթը, որը այս հարցի լուծման համար պէտք է առաջ քաշուի իւր ամբողջութեամբ, լուրջ հոգատարութեան առարկայէի դառնում: Երբ այս բանը կատարւում է, այն ժամանակ երևում է նիւթի ոչ միայն պատմական-գործնական միութիւն, այլ և առաջ է դալի մի ընդհանուր հոգեբանական դիտողութիւն, որը ոչ միայն

բացատրում է, այլ և կարիք է զգում այլ միութեանը. բոլոր միաժամանակ տեղի ունեցած հոգեկան անցքերը մի տեսչենց ունին-այն է իրանց մէջ եղած տարբերութիւնները վերացնել:

Եթէ դիտողութեան նիւթում եղող ամեն մի ժամանակաշրջանի հոգեկան անցքերում կայ մի միութիւն, այն ժամանակ հարց է ծագում, ի՞նչ սկզբունքով այս տարբեր ժամանակները մի փոքր առաջ նկարագրուած եղանակով պէտք է իրար հետ համեմատել: Ես կարող եմ կամ նիւթի համեմատութեան առարկաները իբրեւ ամբողջութիւն ի նկատի ունենալ, կամ թէ կարող եմ նիւթը մասերի բաժանել, որ սրանց հիմք եղող տարրերը զատեմ և սրանց միմեանց հետ համեմատեմ: Համեմատութեան առաջին եղանակը եղել է նախկին կուլտուրական պատմութիւնը. ժանօթ հոգեբանական և իմացաբանական օրէնքների հիման վրայ պէտք է երկչոտ համեմատութեան ճանապարհ ցոյց տային: Ուստի այս տեսակ համեմատութեան ապացոյցների հիման վրայ եզակի ժամանակաշրջանների կապակցութեան վերաբերմամբ հնարաւոր էր խելօք նկատողութիւններ անել. սակայն աչքի ընկնող ընդհանուր կողմեր ունենալու վերաբերմամբ ապացոյցներ չէր տրւում: Այս բանին հասնելու համար պէտք է երկրորդ տեղը յիշուած ճանապարհը ուշադրութեան առնուի. այս դէպքում այլ նշանակում է թափանցել մինչև ամենախորքը և հիմքը կազմող հոգեկան տարրերը: Այս բանն է, որ իմ գերմանական պատմութեան կուլտուրական ժամանակաշրջանների բնորոշման դէպքում տեղի է ունեցել. այստեղ է ահա իմ աշխատանքի մեթոդօրոգիական նորութիւնը:

Ենթադրենք թէ գտնուած կուլտուրական ժամանակաշրջանները այս տեսակէտից քննութեան զիմանային ոչ միայն գերմանական պատմութեան, ինչպէս և իրօք եղել է, այլ և տիեզերական պատմութեան մէջ եղող միւս աղբերի պատմութիւնների վերաբերմամբ. արդեօք սրանով ի՞նչ բանի հասած կլինենք:

Պարզապէս եզակի կուլտուրական ժամանակների բնութագրութեան համար և նրանց միւսնոյն եղանակով ընթանալու հեաւանքների համար գործնական փնտռների մի ահագին

քանակութիւն ձեռք կրերուէր, որը ամեն տեսակ փորձառութիւնների համադրութեան արդիւնքը կլինէր, որոնք կարող էին նրանց համար քննութեան առնուել և այն բոլոր հակառակ հիմքերի համար, որոնք սրանց դէմ իբրեւ արժէք ունեցող մէջ կրբերուէին: Օգտուելու միջոց ծառայողների խմբում եղող փորձառութիւնը անպայման ուղիղ կլինէր: Այս դատողութիւնը մի օբիեկտի համար չէին անի, որը միայն մի որոշ ժամանակում ու տեղում պէտք էր քննութեան առնուէր այլաբանական տեսակէտից որոշուած հաւատալի նիւթի ամբողջ իրականութեան վերաբերմամբ: Փորձառութեան համապատասխան ճշմարիտ դատողութիւնները, որոնք որակի տեսակէտից որոշուած նիւթի իրականութեան վերաբերմամբ են արւում, կոչւում են օրէնքներ:

Ինչ որ կարելի էր անել այն է, որ կարելի է ցոյց տալ, թէ մարդկային մեծ համայնքների սօցիալ-հոգեկան զարգացման մէջ մի միատեսակ ընթացք է իշխում:

Այս կապակցութեամբ յաջորդող կուլտուրական ժամանակների յաջորդականութեան համար անհրաժեշտ, գործնական արժէք ունեցող ապացոյցներ դեռ չկան. թէև ես իմ տարիներից ի վեր արած փորձերի հիման վրայ կասկած չունեմ, որ այդ բանը հնարաւոր կլինի տիեզերապատմական համեմատական ուսումնասիրութիւնների միջոցով: Այս դէպքում անհրաժեշտ է աւելի արդիւնաւէտ եղակի աշխատանքը, այսինքն երկար ժամանակ և անխոնջ տոկունութիւն: Նախ քան այս ուղղակի ապացոյցը ձեռք կրերուի—իսկ ես յոյս ունիմ, որ իմ կենդանութեան ժամանակ ձեռք կրեւեմ—մի ուրիշ ճանապարհ էլ կայ այս սպասուելիք հետեւանքները ապահովելու. այս ճանապարհն է՝ եզակի ազգային պատմութեան կուլտուրական ժամանակների ընթացքը մանրամասն հոգեբանական հետազոտութեան ենթարկել:

Այս մտադրութեան համար էական մօմենտը եզակի կուլտուրական ժամանակի ընթացքի հոգեկան մեխանիկան է: Յիշենք, որ այս դէպքում շատ, իրար մօտ գործող, ոյժեր են երևան գալիս. երևոյթների աշխարհի ոյժը, որը շարունակ գրբ-

գիւնների ու զուգորդութիւնների հնարաւորութիւններ է բերում և սօցիալական հոգու յոժր, որը այս երեւոյթներին երկար փորձութիւններից յետոյ իւր յոժին է ենթարկում և աշխատում է տիրապետել կրկին ու կրկին բաժանման (վերլուծման) և կապակցութեան (համադրութեան) միջոցով:

Ի՞նչ չարաբերութեան մէջ են այս երկու յոժերը:

Այստեղ պէտք է շեշտել նախ այս կարծիքը: Հոգու երբեք տիրապետող յոժր, որին ես գերիշխող յոժ էի ասում, իրօք մի պատրանք է. նա զոյութիւն չունի ամենեւին, կապը բոլորովին այլ է: Հոգու մէջ եղած պատմական հնարաւորութիւնները, որոնք արտաքին հոգեկան ազդեցութեան եղանակներ են, նկարագրում են մի մեծ սահման. որոնց ասում ենք մի շրջանի տարածութիւն: Այս շրջանի ներսում երեւոյթների աշխարհի զրգման շնորհիւ երբեք այս երբեք այն սեղմենդը առաջ է մղում գործողութիւն և այսպիսով որոշ ժամանակի պատմութեանը գերիշխում: Այն, ինչ որ երբեք սկսում է դործել իւր գործունէութեան մէջ, կախուած չէ ամենեւին սօցիալական հոգուց, այլ պատահական արտաքին զրգիւններից: Պատմութիւնը մի գեղադիտակ է (կարէքօսկօպ), որը հոգեկան տարրական երեւոյթներից որոշ խմբակցութիւններ կազմելու հրնարաւորութեան մի գումար ունի. այս հնարաւորութեան մէջ ամփոփուած պատկերները արտաքին «մեքենական» զրգման միջոցով առաջ են գալի երբեք այսպէս, երբեք այնպէս: Ընդ սմին այնուամենայնիւ. ամեն մի պատկերում դիտողի համար շնորհիւ նրա բնածին կամ դաստիարակութեամբ ձեռք բերած յատկապէս գեղադիտական դիտողութեան կարիքի մի կեդրոն է լինում. այստեղից արդէն պարզ է այնքան հեշտութեամբ և միշտ նորից կրկնուող պատմութիւնը գեղադիտական դիտողութեան ենթարկելու պահանջը, այլ և այն ոգիացման կարիքը, որը պահանջում է այդ կեդրոնը անձնաւորել, այստեղից պարզ է, թէ ինչպէս շատ բնական է եղել այն խաբուսիկ մտապատկերը, որ իբր թէ երբեք գերիշխող յոժ կար:

Մի կուլտուրական ժամանակաշրջանի հոգեկան մեխանիկայի դիտողութեան ժամանակ առաջ եկաւ ըմբռնողութեան

այն ծեր, որը քննութեան այնպիսի սահմանափակ շրջանում այնքան դժուարութեամբ ետ մղուեց. իսկոյն անբաւարար կը դառնայ, հէնց որ որեւէ մարդկային խմբակցութեան բաղմամբ կույտութեան ժամանակների ընթացքները իրար մօտ քննութեան աւելնին: Ամեն տեսակ պատմական փորձառութեան միածայն վեճի համաձայն երևում է, որ այդ ժամանակաշրջանները երբեք պատահական չեն և առանց ներքին կապակցութեան չեն հետևում իրար: Աւելի շուտ նրանք գնում են մի դժուր դրութեամբ, կամ շարունակաբար դէպի հոգեկան ոյժի աւելացումը կամ թուլացումը, ուրեմն հասնում են զարգացման նախ գերիշխող ոյժի անեցման, ապա թուլացման:

Հետևապէս այս գերիշխող ոյժը արտաքին որեւէ կերպով շարժող սօցիալ-հոգեկան ոյժի պարզ արտայայտութիւնը չէ, և ոչ էլ մանսմետը կամ կարգաւորիչ որեւէ շոգեկամութայի կամ շոգեմեքենայի, այլ նա անկախ մի բան է, մի բան, որը իւր մէջ ունի զարգացման որոշ ոյժ, որը յատկապէս արտաքին ազդեցութիւնների շնորհիւ կամ առաջ է քաշում կամ ետ մղում, երբեք սակայն իւր ներքին բնոյթի ազդեցութեան տակ փոփոխութիւնների չի ենթարկւում:

Եթէ կանգ առնենք և նայենք հոգեկան և ֆիզիքական աշխարհների այս իւրատեսակ պայմաններին նմանութեան տեսակետից կտեսնենք, որ այս ամենէին առանձնացած չէ. խրնդիրը աւելի շուտ վերաբերում է մի ընդհանուր կենսաբանական սկզբունքի:

Անհատական հոգին էլ մի բնած չէ, որի վրայից արագ թրջում են զուգորդութիւնները և պատկերացումները, զգացումները և ձգտումները. նա նախ մի ես է: Ոչ ոք մեզանից մեզ վրայ ազդող իրերի արդիւնքը չէ. ամեն մէկը իրաւունք է յայտնում անձնաւորութիւն և բնաւորութիւն դառնալու: Ոչ մի բոյս ոչ մի կենդանի, ոչ մի կենդանի էակ ընդհանրապէս չի կարող իւր միջիօնաւոր տարիների ընթացքում ունեցած զարգացումը միայն արտաքին պայմանների ազդեցութեան միջոցով բացատրել. նա իւր զարգացման համար ունենում է մի բնածին ուղղութիւն, իւր սեփական ծեր և իւր յատուկ գեղեցկութիւնը:

Երևում է, ինչպէս շօշափած հարցերը մեղ տանում են Դարվինին նման զարգացման տեսութիւնը բացատրողների քննութիւններին: Այստեղ իշխողը միակողմանի մեխանիկական բացատրութիւնն է, որը հետեւանք է բնագիտութեան արդէն դարուկէսուայ ունեցած մեխանիկական զարգացման, մի զեղեցիկ բացատրութիւն հոգեկան ծուլութեան օրէնքի. միւս կողմից հոգեկան երևոյթներին նմանօրինակ մեխանիկական բացատրութիւն տալը ժամանակաւոր նշանակութիւն ունեցաւ միայն: Նա էր և պէտք է լինէր նորագոյն բնականութեան տարիներում գեղարուեստի ու գիտութեան առանձնայատկութիւնը, որը և նորագոյն կուլտուրական պատմութեան շրջանի համար անցման շրջան էր կազմում: Նրանց մէջ նոր գրգիռների խիստ ու փոթորիկալի հոսանքը սօցիալ-հոգեկան նաև անհատական հոգեկան կեանքի գերիշխող ոյժերին, այսպէս ասած, ինքնիշխան գրգիռների լուծումով ու ձգտման պայմաններով ուղղեց համարեալ է: Այս պատճառով նոյն իսկ փորձառու հոգեբանները, եթէ նրանք նոյն իսկ փորձնական հոգեբանութեան հետևողներ էլ ինչին, դժուարութեամբ էին կարողանում պարզել խնդիրը: Ընդհանրապէս բացառութիւն կազմող ժամանակից անցել ենք և այժմ անհատական հոգեկան, այլ, սօցիալական հոգեկան գերիշխող ոյժը նորից ընդունւում է:

Եթէ անհատական և սօցիալական հոգեկան կեանքը մեխանիկորէն չի շարժւում, այլ հոգեկան միութիւնը իրարից տարբերւում է ու շեշտւում իւր օրէնքների համաձայն, շնորհիւ հոգեկան ոյժի մշտական անեցման (ի հարկէ վերջում էլ թուլացման), ապա այսպիսի զարգացման եզակի օրինակներում պէտք է իրենք ներքին ու տարրական պրօցէսներով իրար նմանեն, ինչպէս որ անհատական հոգին զարգանում է անցնելով երեխայի, երիտասարդի, պրութեան ու ծերի ժամանակները, այսպէս և սօցիալական հոգու համար պէտք է զարգացման մի օրէնք գոյութիւն ունենայ, որը որոշ թուով կուլտուրական ժամանակների անխախտ յաջորդականութեան մէջ է գործում:

Այս է էական և զուտ հոգեբանական այն տարրական բանը, որ այժմ շնորհիւ պատմական-հոգեբանական հետազոտութիւն-

ների կուլտուրական ժամանակի մասին կարելի է ասել: Թէև այս գաղափարը ամբողջական պատմական փորձառութեամբ բազմակողմանի պարզուած չէ, այնուամենայնիւ շնորհիւ մարդկային հոգու մասին արած լաւ հետազոտութիւնների երևում է արդէն բաւական օրինական ձևով ապահովուած:

Այս բանը ամուր է. մի կողմ թողնելով նրա օրէնքի համապատասխան ինելը հիմնաւորապէս ոչ ոք չի ժխտում, թէև շատերը շատ էլ օգտակար ձևով չեն գործադրում. այս դէպքում մի հարց էլ է առաջ գալի, որը բաղձապիսի և զուցէ չափազանցութեան հասած հետաքրքրութիւն առաջ բերի. այն է եզակի անհատի յարաբերութիւնը դէպի այն կուլտուրական ժամանակը, երբ նա ապրում է:

Թէև դերմանացի պատմաբաններից շատերը այս նախադասութիւնը զօրեղ պայքարից յետոյ միայն ստիպուած ընդունեցին, բայց հասկանալի է, որ ամեն ոք, ինչ կուլտուրայի ժամանակ էլ որ ապրում է, սրանից կախում ունի, այս մտքով իւր ժամանակի որդի է: Այս նոյնը պէտք է ասել նաև խոշորագոյն անհատների վերաբերմամբ և հէնց սրանք են այս բանը միշտ էլ ընդունել. իսկ այս օրէնքի ժխտումը անցեալը իդէալիստական գեղեցկութեամբ զարդարող, այլ և նոր ժամանակի համար անցեալի ամենաբարձր ու զարմանալի աստիճանին հասցնող հերոսների կուլտը, այս պատմագիտութեան համար ամենից աւելի վտանգաւոր թշնամի առաջ բերող յիշողութիւնից վաղուց է դուրս ձգել: Խնդիրն այն չէ կախում կայ թէ ոչ, այլ այն՝ թէ մեծ է, ինչ աստիճանի և ի՞նչ ձևով է լինում:

Երբ մարդ ի նկատի է ունենում բարձր և ցածր աստիճանների կուլտուրաների անձնաւորութիւններին, ամենից առաջ այն հոգեբանական օրէնքն է արժէք ստանում, թէ որքան հոգեկան կեանքի մէջ կատարուող անցքերի և սրանց մասերի միութեան յարաբերութիւնները խորն են, այնքան աւելի սրանց հոգեկան միակերպութիւնը շատ է լինում: Յայտնի է, որ միութեան յարաբերութիւնները կուլտուրական ցածր աստիճաններում աւելի խորն են, քան բարձր աստիճաններում, որովհետև եզակի անձնաւորութիւնների անհատականացումը շնորհիւ ընդ-

հանուր կուլտուրայի չնչին շերտաւորման, քիչ է առաջ գնացած լինում. ուրեմն այս յարաբերութիւնների ըմբռնումը եզակի անձնաւորութիւնների համար աւելի պարզ է, կամ, այլ կերպ ասած, եզակի անհատի կախումը իւր ժամանակի կուլտուրայի աստիճանից աւելի մեծ է, քան բարձր զարգացման ժամանակաշրջանում:

Եթէ յատկապէս ի նկատի ունենանք բարձր աստիճանի զարգացման հասած կուլտուրան, նախ կ'աեսնենք, որ ինչ ծեով էլ լինի, ամենքն էլ յահախ սօցիալական շերտաւորման հարուստ աստիճանաւորութեամբ ունենում են երկար անցեալի յիշողութիւն: Յաճախ այս յիշողութիւնը բթացած է լինում, մինչև իսկ անգիտակցութեան է հասնում, առնուազն խոր զգացումների ու ծգտումների տարրին նայած նոր ներկային խիստ համապատասխան է. այնուամենայնիւ պարզ է, որ այս տարրերը, ինկատի չառած ժամանակների խիստ շերտաւորման զէպքերը, միութեան ծգտման գործողութեան մէջ ընդհարում են առաջ բերում, որից եզակի անհատը հոգեկան գործողութեան համար շատ մեծ անձնական ընդարձակութիւն է ծեռք բերում:

Այս զէպքում հարց է առաջ գալի թէ նախ՝ անհատական հոգեկան ազատութեան տարբերութիւնը ի՞նչպիսի է զանազան կուլտուրական ժամանակներում: Կարծես թէ այսպիսի պատասխանի ենք սպասում, որ բոլոր անհատները միատեսակ ազատ կամ կաշկանդուած են կամ ամենից առաջ հերոսները, աչքի ընկնող անհատները ոչ կատարեալ ազատութիւն ունին:

Այսպիսի պարզ պատասխան տալ չի կարելի: Աւելի շուտ պէտք է սովորական ու աչքի ընկնող անհատների մէջ եղած տարբերութիւնը պարզուի և ապա այս տարբերութիւնը գտնելուց չետոյ ընդհանուր պատասխան տրուի:

Անհատների տարբերութիւն: Արդեօք սա մի անսպառ նիւթ չէ: Արդեօք տեղին չէ այն խօսքը թէ *individuum est ineffabile*: Անշուշտ անհամար ստորաբաժանումներ կան այս խնդրում սկսած լուսոյ, բարձրի, ծնողի բւեռից մինչև անպէտքի, ըստ երևոյթին միայն նմանողի և նմանութեան մէջ էլ կրաւորականի մութ աշխարհը: Այնուամենայնիւ այստեղ էլ, ինչպէս

և ամեն տեղ պէտք է ճանաչել և շեշտել սահմանները. մեր մտա-
ժողովութիւնը պարզելու տնտեսութեան օրէնքին է ենթարկուում:
Արդէն վաղուց դժուած են այդ սահմանները: Մենք յատկա-
պէս խօսում ենք նրանց մասին, որոնք այդ երկու ծայրերից
որեւէ մէկին են պատկանում, որոնք միջին տեղն են բռնում և
վերջապէս անհատների մասին: Երբ այս ու նման տարբերու-
թիւնների մասին ենք խօսում, այս ոչ այն տարբերութեան աս-
տիճանների պատճառով, որից եզակի անհատներին իրենց ժամա-
նակի հոգեկան տարրից կախումն կամ ոչ կախումն են ընդունում:

Այսքանը առնուազն պարզ է. մի խումբը զատում ենք և
պնդում, որ այդ խումբը իւր ժամանակի սօցիալ-հոգեկան տար-
րերից ըստ կարելւոյն քիչ կախումն ունի: Այս խումբը հան-
ճարների խումբն է: Խնչ գրութիւն ունին սրանք: Այս հարցի
պատասխանին մօտենալու դէպքում պէտք է ընդհանրապէս
անհատի և կոլաուրայի պրօբլէմի լուծման համար մի հայեցա-
կէտ ձեռք բերենք:

Հանճարը յատուկ ստեղծագործողն է. այս ընդունելի է ա-
մենքի համար: Բայց հոգեկան ռուպիսի կազմուածքից է առաջ
դալի այս ստեղծագործութիւնը. այս որոշ է: Խնդիրն այն է,
ինչպէս զերգզայականները միշտ էլ ուղղում են հաստատել, որ
մի յատուկ ոյժ կայ վերեւից տուած, որը էլօհիմը ընդհանուր
մարդկային ոգիները ստեղծելուց յետոյ կիրակի օրուայ որդոցը յատ-
կապէս ու առանձնապէս ներշնչել է: Ընդհանրապէս միւս հո-
գիներից հիմնական որակով տարբերութիւն չունին սրանք,
այլ չափից դուրս հոգեկան ոյժ: Այս ոյժը կարող է զանազան
եղանակով բաժանուած լինել կամ ներդաշնակ այնպէս, որ հո-
գեկան բոլոր յատկութիւնները միատեսակ կբարձրանան կամ ան-
ներդաշնակ այնպէս, որ հոգեկան մի կամ մի քանի յատկութիւն-
ներ ի հաշիւ միւսների մի այնպիսի չափի կհասնեն, որ նոյն իսկ
հեշտութեամբ հիւսնդագին գրութեան կհասնեն: Ըստ այսմ
կարող ենք հանճարներին բաժանել աններդաշնակների և ներ-
դաշնակների:

Այս դէպքում սակայն խնդիրը այնքան յատկութիւններին
չի վերաբերում, որքան նրանց պատմական գործունէութեանը:

Այս դէպքում պարզ երևում է, որ տներդաշնակ հանճարները անցման ժամանակներում մեծ ազդեցութեան են հասնում, որովհետեւ այդ ժամանակուայ հոգեկան մեխանիկան զրանց համար յարմար է: Իսկ ներդաշնակները ընդհակառակը, լրացած կուլտուրայի ժամանակ են աւելի երևում: Արդէն այստեղից հետեւում է, թէ հանճարների գործունէութիւնը ո՞ր աստիճան սօցիալ-հոգեկան կազմակերպութիւնից է կախուած: Ի՞նչ դրութեան մէջ են այսպէս ասած սխալուած հանճարները. պէտք է տեսլ, որ ոչ միայն աններդաշնակ հանճարները ամբողջացած կուլտուրայի ժամանակ, ներդաշնակները նոր սկսող անցման կուլտուրայի ժամանակ իրենց գործունէութեան համար ոչ մի յարմար դաշտ չեն կարող գտնել, այլ և աններդաշնակ հանճարները անցման ժամանակի կուլտուրայի համար յատուկ նշանակութիւն կունենան այն ժամանակ, երբ այս անցման ժամանակի համապատասխան աններդաշնակ են, իսկ ներդաշնակները միայն այն ժամանակ, երբ նրանց համար նոյնպէս համապատասխան հանրական դրութիւններ կան:

Կարճ, ուր էլ նայում ենք, նոյն հետեւանքն ենք տեսնում. հանճարն էլ կուլտուրական ժամանակաշրջանում է ներփակուած և այն ժամանակ է լրիւ ծաղկում, երբ այդ ժամանակաշրջանի զարդացման ուղղութեամբ է գործում: Զարգացման այս ուղղութիւնը կախուած է առաջները զարգացած սօցիալ-հոգեկան գերիշխող ոյժից: Մի խօսքով ասենք, նոր ժամանակի մեծ հանճարներից մէկը, այն էլ ստեղծագործող մի այնպիսի շրջանում, որը ըստ երեւոյթին ընդարձակ քմահանոյքով գործունէութեան սահմաններից դուրս է, այսինքն քաղաքագիտութեան մէջ, իշխան Բիսմարկը իւր կեանքում իբր փորձառութեան արդիւնք ասում է *unda fert nec regitur*:

Ուրեմն բոլորս, մեծ ու փոքր սօցիալ-հոգեկան ոյժից միատեսակ կախումն ունինք և ուրեմն կուլտուրացումն կամքի ստրկացում է իշխում: Ի՞նչպէս սխալ հասկացած կլինի նա մինչև այժմ եղած բացատրութիւնները, ով որ այս տխուր եղրակացութիւնը կ'հանի: Ի հարկէ մենք որոշ կուլտուրայում ենք ապրում, մենք մեր ժամանակի սօցիալական հոգու մասերն ենք.

այս նշանակում է անհատական ու սօցիալական հոգեբանութեան տեսակէտից նայած ինքն իւր մէջ կենդանի և իւր գործունէութեան մէջ երբէք հակասութիւններից ոչ ազատ մի օրգանիզմ: Ինչպէս եզակի մարդկանց համար, այնպէս էլ մարդկային հոմայնքների համար կայ մի մեծ հոգեկան ընդարձակութիւն, ուր որ հակառակ մտապատկերները, ծգտումները, զգացումները կարող են դեր խաղալ երբէք անհատները կամ հասարակութիւնները «հնարուած զրբեր» չեն, այլ օրգանիզմներ «իրենց հակասութիւններով»: Սակայն ինչպէս եզակի անհատների հոգու ընդարձակութիւնը այնքան հեռուն չէ գնում, որ մի ծերունու հետաքրքրական կրածները երիտասարդի հասակում, կամ երիտասարդին ծերի հասակում հնարաւոր լինէր կրել, չոյնիսկ ծանր հիւանդագին դրութիւններում, այնպէս էլ մի մեծ հասարակական զարգացման հոգեկան ընդարձակութիւնը այնպէս չէ, որ իրեն պատկանողներից ամեն մեկին կուտուրական ժամանակի հակառակ կեանք կամ եզակիներին հոգեկան ժամանակից ու տեղից կատարեալ ազատութիւն տայ համապատասխան իրենց դոյութեանը:

Այս շրջանում եղող աւելի ընդարձակ մանրամասնութիւնների մէջ չպէտք է ընկնել: Կարող է պատահել, որ վերջում մասնանիշ արած ուղղութեամբ զնացող պատմական ընթացքի տարրերը մի անգամ էլ լաւ պարզուեն այն ժամանակ, երբ տիեզերապատմութիւնը հոգեբանօրէն քննուի: Առայժմ հոգեկան մեխանիկայի ընթացքում եղող եզակի անցքերի և եզակի կուտուրական ժամանակների զարգացման պատմական բնոյթի նկարագրութիւնը մեծ մասամբ գեղարուեստի դործն է և ոչ թէ գիտական ուղեցոյցով ծանրաբեռնուած հասկացողութեան: Այն, ինչ որ այժմ պարզաբանուած կուտուրական ժամանակի հասկացողութիւնից է առաջ գալի, այն մօմենտը, որը և այժմ պատմական յառաջուղիմութեան համար հորիզոններ է բաց անում, այն է, որ ոչ թէ անհատական, այլ տիեզերապատմութեան հարցերով պէտք է զբաղուենք:

Pessimist

ԽՐԻՄԵԱՆ ՀԱՅՐԻԿԻ ՆԱՄԱԿՆԵՐ

Թերթիս խմբագիրը իւր Տանկաստան ճանապարհորդելու ժամանակ Տրապիզոնից ձեռք էր բերել հանգ. կաթողիկոս տ. Խրիմեան Հայրիկի մի քանի հարիւր նամակներ մեծ մասամբ ուղղուած Գարեգին եպ. Սրուանծտեանին և մասամբ ուրիշներին: Այդ նամակներն սկսուած են վաթսուներկան թուականներից մինչև զրեթէ նորա աքսորը:

Խմբագրութիւնս այդ նամակներից ամենից հետաքրքիրները կարգի դնելով հետզհետէ կ'ընթարակէ Թերթիս էջերում, որոնցից առ այժմ իբրև նմուշ տպագրուած է հետևեալ երեք նամակները:

Ա. ՍԻՐԵԼԻ ՎԱՐԴԱՊԵՏ

Ձեր քանի նամակները հետզհետէ առած եմ, որոց պատասխաններ մնացած են. պատճառը յայանի է. լրագիրներէն կիմանաք. երկու դժուարին խնդիրը առաջս ելած են. քաղաքական ժողովի կազմութիւն և երեսփոխանական ժողովին վերակազմութիւնը: Առաջինին դժուարութիւնը այն է, որ Պօլսոյ մէջ զանուած կարգ մի առաջակայ մարդիկ էֆէնտիներ և այլն վերջին աստիճան վերաւորելով վշտացած են ազգային գործոց այլևս չխառնուիլ, վարձատրութեան և պատուոյ փոխարէն միշտ յարձակուած և անարգանք կրելով: Այս պարագայիս մէջ բնաւ չեմ վհատիր, այլ ամէն հնարաւոր միջոցը ի դորձ դնելով պիտի կողմեմ քաղաքական ժողովը, թող այս մասնաժողով մի ևս բուն զաւառացի հայերէն պիտի կազմուի. Պօլսոյ

գործերուն մէջն ալ կարգադրութիւն պիտի ըլլայ. այսինքն երեք պատրիարքական փոխանորդ պիտի նստին. փոխանորդ մի յԻւսթիւստար, փոխանորդ մի Բերա, փոխանորդ մի Լս Պօլիս մայր եկեղեցին. Պօլսոյ ընդհանուր թաղական գործերը այս երեք ասեանը պիտի լուծեն: Իսկ պատրիարք և իւր վարչական ժողովը միայն դաւառի և ազգային ընդհանուր խնդիրները պիտի լուծեն: Այս կարգադրութիւնը եթէ յաջողցնենք, յայնժամ բոստամենայնի ազատ պիտի ըլլայ ազգին կենսական խնդիրները յառաջ վարելու:

Վալի փաշայի ազիլ ըլլալուն համար զրեթէ սրախ տրութիւնը դեռ կը շարունակի, ամէն միջոցը ի գործ դրի այս բանին առաջը առնելու. բայց գործը անհնարութեան պարագայից մէջ մտած էր. որ մեր ձեռնարկութեան ուժէն վեր էր: Վասնզի այս գործին դարձուածքը տեղւոյս Սէրասքէրի կողմէն եղած է և Երզնկայի օրդուլի Միւշիւր Մուստաֆայ փաշան այս մասին համար վաղուց հետէ բանակցութիւն ըրած է տեղւոյս մեծ սպարապետին հետ: Թող այս բ. դուռը քաղաքական անտեսութեան նկատմամբ ալ կարգադրած է այս գործը: Այս պատճառներէն ՚ի զատ սոցոյգ տեղերէ իմացանք, որ մեր Վալի փաշային վրայ տեղւոյգ ներքին թշնամիները զանգատները զրած են:

Նոր վալին երբոր կուգայ, հարկաւ նորա ընթացից վրայ մտնրամասն տեղեկութիւն պիտի տաք. յոյս ունիմք որ աւելի օգուտ լինի զաւառականաց այս փոփոխութեան ձեռնարկութիւնը: Իմ կողմէս բոլոր բարեկամաց, նա մանաւանդ մեր մտերիմ բարերարաց սէր նուիրէք: Վալի փաշային յառաջուց ըրած ինհաները զրեթէ ոչքնչացան. հիմա հարկ կըլլայ, որ նոր վալին նոր ինհա ընէ բ. դրան թէ Դանիէլ էֆէնտիին համար և թէ ուրիշներուն: Այս կէտն ևս ձեզ կիմացնեմ և դուք ևս անոնց իմացուցէք. որ բ. դռնէն մեր նախորդներուն քանի անգամ ազգարար նամակները եկած են. կրճանուցէ որ զաւառական ազգայնոց աստիճան ընդունելու համար պէտք է միայն կուսակալութեանց կողմէն ինհա ըլլայ դուռը նիզամին դէմ եթէ պատրիարքը միջամտութիւն ընէ կամ ինքն ուղ-

ղակի Թահրիր ընէ։ Այս կէտը խորհրդաբար ծանուցէք մեր մրտերիմ բարեկամաց չըլլայ որ իրենք վշտանան. մենք մեր ձեռնհասութեան չափով դարձեալ կաշխատիմք անուղղակի կերպով։ Վալի փաշային ըրած ինհաներուն ետ մնալուն մեծ պատճառը մէկն ալ այն էր, որ շատ մարդոց մէկտեղ ինհա ըրած էր. որով արժանաւորն ալ անարժանին հետ ետ մնաց։ Աստիճանի արժանաւոր աղաներ բնաւ թող չի յուսահատին. միայն թէ թող չաճապարեն. պէտք է սպասեն մինչև պատեհութիւնն օգնէ։

Դուք կը հարցանէք Ձեր մասին թէ ի՞նչ պիտի ընէք. առայժմ չեմ կրնար այդ որոշել մինչև սկիզբն. գարնան Կարնոյ Թաղական խորհուրդին իմաց տուք. մեք իրենց համար մէկ ընտիր տնօրէն մի պատրաստած եմք համբարձում Իփէկճեան. այս անձն իւր ամէն յատկութեամբ Մուրատեան Գարեգին վարդապետին կը հաւասարի. խիստ քաջամուտ է դաստիարակութեան եղանակին մէջ դիտէ դաղդ. գերմաներէն և ռուսերէն. ասոնց հետ մէկտեղ գիտէ քանի մի ռուսմունքները. իւր վարքով և ծանրութեամբ դաստիարակ ըլլալու ևս արժանաւոր է. մեծ բախտ է բարձր հայոց եթէ յաջողի այս ձեռնարկութիւնը։ Իփէկճեանը Սամաթիոյ Ագապեան վարժարանին տնօրէն էր. բայց թողուց զայն. իր մեծ փափաղն է շաբաթական թերթ մի հրատարակել մեծ մասամբ դաստիարակութեան և դպրոցաց բարեկարգութեան վրայ գրելով։ Յիրաւի գրելու համար այնքան ողորկ և գեղեցիկ լեզու չունի բայց իւր խորհրդածութիւնները ամէն ուսումնականներէ կը տարբերի և վեհ է։ Ամէն կերպով ջանք կընեմ այս հաղուադիւտ դաստիարակը բարձր հայոց սահմանը յղել. որ մեծ բարեբախտութիւն է գաւառացի ազգայնոց։ Իսկ դուք պատրաստուեցէք ցուպ ի ձեռին. Քեզ համար երազ տեսած եմ. այս է երազը, որ յանկարծ բարձր հայոց սահմանէն թռչելով եկար հայրիկը գտար։ Եղբորդ Խաչատուր Օտեան Նըշան աղային պիտի զրկեմ, որ պալատին շինութեանց մէջ գործի մի վրայ դնէ. եթէ յաջողեց տէր հոս եկաք գարնան վերադարձունելու է զինքն։ Կուգեմ լիովին տեղեկութիւն մի տաք թէ այժմեան Կարնոյ դպրոցը ինչ վիճակի մէջ է և թէ աղջկանց

դպրոցը սկսաւ: Եթէ Պօլիս դալու լինիք թաղականներ պիտի թող տա՛ն, թէ պարոն Աւետիսին սուրբ Կարապետէն վերադառնալով իրեն ի՞նչ լոյս տուիք. այժմ ի՞նչ լուր կառնէք Մուշէն և վանքէն. Թաշխանի քիւրթերը դեռ շղթայակա՞յ են. տեղւոյդ կառավարութիւն ի՞նչ կրթորհի նոցա համար. նոր կուսակալն եկաւ, լաւութեան և դէշութեան ի՞նչ կարծիք ունին գիւղացիք և այլն. շուտ մանրամասն տեղեկութիւններ կուգե՞մ պէտք է անյապաղ գրէք:

1870 յուն. 19

պանդուխտ Հայրիկ

ի պ. հայոց

Բ. ԾԱՂԻԿ ՀԱՅՐԵՆԵԱՑ

Ո՞ւր ես այժմ, գնացիր մտար այն բուրաստան, յորում ծրնար ու ծաղկեցար 'ի մանուկ տիոց անտի մինչև ցվարդապետութիւնդ: Յանկուսներու փոքրիկ տաճարին ուխտ և աւագան մի մոռնար. երկուքս ալ այն տաճարին նուիրական դաւակն ենք. յիշէ հայրիկը երբ պանդխտութենէն դառնար նախ կերթար իւր ուխտը այն տաճարին կրնժայէր: Հայրենիքը Ձեր վրայ երախտիք ունի, դուն հայրենեացդ պարտական ես, ժամ պատեհ է քեզ վնարէ պարտքերդ: Ահա այս են քո անձնանուէր պարտիքը:

1 Բոլոր եկեղեցեաց և դպրոցաց այցելութիւն ըրա, քարոզէ Աւետարանին լոյս կեանք և երկինք, քարոզէ ժամանակին պահանջած յառաջդիմութիւն, քարոզելով համոզելով յաղթարէ հնութեան նախապաշարմունքը.

2 Յատկապէս պատուաւոր իշխանաւոր և ազդասէր անձանց այցելութիւն ըրա. խօսիր հայրենեաց աղէտներու դարմանին համար, խօսիր, ազգագուտ ձեռնարկութեանց համար, խօսիր, որ միանան և զօրանան, խօսիր որ ազգը և ժողովուրդ սիրեն. խօսիր թէ անհնար է հաց և ազատութիւն ճարել մինչև գիտութեան լոյս չընդունին և այլն:

3 Երիտասարդաց խումբը դէպ յուսումնասիրութիւն հայրենասիրութիւն վառէ, բոբբոքէ այն կրակով, զոր սրտիդ մէջը

ունիս «հուր եկի արկանել» տաս, և կրակ տուր. թերևս կա-
րենաս հալել այդ երկրի յաւիտենական սառերը:

4 Արդէն հեռագրով իմացուցի, որ Վարապայ վանից առ-
ժամանակեայ տեսչութեան պաշտօնը ձեզ յանձնուած է, իբրեւ
առ. Տիմոթէոս գրեմ քեզ աղաչելով զպաշտոն Քո կատարեալ
կալ: Կուզեմ որ փոքր ի շատէ տեղեկութիւն հաղորդէք վա-
նից զրութեան ներկայ վիճակին վրայ: Լսեցի, որ փոքր մի գրժ-
տութիւն ինկած է մէջերնին Մեսրոպ վարդապետի բաժանմա-
նէն յետոյ, սաստէ որ խաղաղին. զգացուր թէ իրենք աւետա-
րանի հեղութեան և խաղաղասիրութեան պաշտօնեա են:

5 Պաշտօնական գիրերը ասկէ յառաջ զրկուած են և կը
յուսամ որ անմիջապէս կը ձեռնարկէք. հինարմատ կաղնի ծառ
քանդելու համար այժմէն սկսիր առկի տրմատները մի մի
հատանել, ձեռք առ ու համոզէ որոց ընտրութիւն կոյր է, ե-
կեղեցւոյ և երկրին բարիքը չգիտեն խորհիլ, այլ միայն զան-
ձանց շահ և եթ մտածեն:

6 Աւագ աչօք զիտէ թէ այդ անառիկ Վանայ բերդ ո՞ր
կողմէն կառնուի. իբրեւ պատերազմի ճարտարապետ յատակադիծ
մի պատրաստէ. յղէ այսր, որպէս զի ըստ այնմ հրահանգ ստա-
նաս և յարծակիս:

7 Տարօնէն գնացիր և ետեւէդ խածել սկսեցին. զի այս
անգամ զեկ. 18 թուով հայրենիքը լրադիրը նամակ մի կըհրա-
տարակէ, իբրեւ Տարօնէն գրուած. կարգա եթէ կուզես պա-
տասխանը գրէ առանց կրից լուրջ, կամ կարծիքդ յայտնէ թէ
սոյն նամակը բուն վանքին ծոցէն ելած է. Աղուէսիւն* է թէ Սալ-
նածորոյ օծին: Ես ալ մոտադիր եմ հայրենիքը կանչել և պէտք
եղած քննութիւն ընել: Սակայն երբէք չի վշտանաս. զի եթէ
գտանուտէրն բէզդդբուղ կոչեցին, ո՞րչափ գնտանիս նորա: Այս
օրերս լրագրաց կատաղութեան օրերն են. հայրիկն ալ ձեռք
առած են կզզեն ու կըզզեն. ի՞նչ պէտք է ընել ուրիշ ոչինչ,
համբերել ու գործել: Այսուհետեւ ժողովրդական ասպարիսին
մէջ գործող մարդկանց վիճակն այս է: Լրագրաց բերան չիչնա-

* Աղուէս մականունը տալիս էին վանեցիք Աղուանեանց,
Գրիգորիս եպիսկոպոսին: Խ:

լու համար լռին անապատ քաշվելու է եթէ հոն ալ զազաններ
չի յարձակին:

Ահա այս անգամ տեղւոյդ փաշային որ մեր բարեկամն է
յանձնարարական զրեցի, աւոր և ձեռքովդ աուր. Մ. Մկրտիչ
աղան էրէրին զիւղացիի մի համար խիստ կը թախանձէ սորա
համար ալ միջնորդեցէք բանտէն հանել տուէք և աւոր պորժը
իրաւախօհութեամբ մի լրացուցէք:

Ներփակեալ նամակ մի կայ, բաց զրկեցի. կարգա գոցէ
տեղ աուր և այս մասին պէտք եղած տեղեկութիւնը ստուգա-
պէս քննելով գրէ:

1871 թ. 22

ի պ. հայոց

Մնամ աղօթակից

Պ. Լ. Խորհմեան

Գ. ՔԱԶԱԳՕՏԻ ՄՇԱԿ ԵԿԵՂԵՑԻՈՅ

Վերջին հեռագիրդ ընդունեցի. կը գրէք թէ Աղուանեանն
'ի Վան, Երեմիասն 'ի Մուշ. Երեմիասն արդէն Ղևոնդ վարդապե-
տին հետը քննչութեան պաշտօն ընդունած են. իսկ Աղուանեա-
նին համար լիովին վստահութիւն չունիմ ինչպէս դուք, զի կը
նախատեսեմ, որ նա եթէ այդ պաշտօնին զլուխը անցնի զուցէ
քան զՊողոսն աւելի միապետական դիրք բռնէ. մանաւանդ մեզի
նկատմամբ, որ երբէք այդ անձն ոչ համակրութիւն ունի և ոչ ևս
գոնէ երախտագիտութեան իղծ մի: Այս ևս տարակուսութեան
տակ է թէ արդեօք Աղուանեանը այդ պաշտօնը պիտի ընդունի
ներկայ եղած յեղափոխութիւնը կշռելով: Ուստի ես այնպէս աւելի
բարւոք կը համարիմ, որ դուք ժամանակ մի այդ պաշտօնը վարէք
մինչև. Երեմիա եպիսկոպոսն այդ կողմը հասնի. իսկոյն Ձեր
պաշտօնը անոր վրայ կը դարձունեմ. այս կէտը իբրև խորհուրդ
Ձեր քովը պէտք է լռին քննու: Սա ևս իմացնեմ Ձեզ. ես մտա-
դիւր եմ Աղուանեանը Պօլիս կանչել Մամբրէի զիմաց հանելու
համար. քանզի Մամբրէն Պօլիս գալու վրայ է. գուցէ Մշոյ աշխարհ
խառնէ և բոլորք բառնայ Աղուանեանին վրայ. թող հոս դայ
ինքն անձամբ անձին պատասխանէ. և երկրորդ Մուշին մէջ
մասն մի ժողովուրդը դժգոհ են իրմէն. և ինքն ևս բաւական եղ-

սրտած է, բաւական ևս վայրենացած, քանի քանի անգամ եղաւ լրագրաց յօդուած տալով յարձակումն կրնէ պատրիարքարանին և մեր վրայ իսկ. պէտքէ զինքն անդամ մի Պօլիս բերել, որպէս զի ընդհանուր ժողովր և հայոց պատրիարքարանի վիճակը լաւ կերպով կշռէ և ինքնին յախուռն դատաստան չընէ: Բայց եթէ կուգէք որ Աղուանեանի արժէքը Վանայ մէջ ևս լաւ կերպով չափուի Ձեր խնդրանաց համեմատ զինքն պէտք է այժմ այդ պաշտօնին զուլս դնել. (եթէ յանձն առնու) մինչև համոզւին իւր սիրահարները. սակայն այս փորձն ևս կասկածելի է. եթէ Պօղոսին սիրահարները ամուսնական կապով մի անբաժանելի են, անշուշտ Աղուանեանին ևս նոյն կրկնի մի փորձ ամանակէն չեայ: Չգիտեմ սահմանադրութիւն ո՞ւր հասաւ. ընդհանուր ժողով կազմեցի՞ք և այս չեղափոխութեան միջոցին կազմել հնարաւոր է: Պօլսոյ մէջ դառնուած պօղոսեաններ նմանապէս տեղւոյդ, որոնք հեռագրով կը ծանուցանեն, որ Պօղոսը ընտրելեաց ցանկին մէջ դուրի և կրպնդեն որ խաղաղութեան միջոցը միայն այս է, ապա թէ ոչ անհնարին կերպով խռովութիւն պիտի յարսանէ և մեծամեծ շնասներհասնի երկրին: Ուրեմն պէտք է ղեկուցանէք հեռագրով. եթէ երեսփոխանութիւն կազմելով ընտրութեան ձեռնարկէք, և քանի անուաններու ցանկ պահանջէք տեղէս, անշուշտ կրօնական ժողովը Պօղոսին անունը չիղներ. բայց երբ խաղաղութեան յոյս բարձուի խռովութիւն ղայրանայ կրօնափոխութեան հետեւանքներ յառաջանան և մէկ կողմէն ևս ապահով լինիմք, որ Պօղոս քուէ չիկրնայ ստանալ թէ և իւր անունը ցանկի մէջ դուրի, յայնժամ խոհեմութիւն համարելով թերևս Պօղոսին անունը ցանկին մէջ դնելու պիտի զիջանիմք: Յայտնեցէք ձեր կարծիքը կրնա՞ք երեսփոխանութիւն միջաշաղկործել, որուն դէմ մեծագոյն մասն Պօղոսեան չըլլան: Այս մասին համար հասուն խորհրդով գրեցէք: Վանայ համար սա համոզումն ալ ունիմ, այսինքն քանի խռովութիւն կայ Առաջնորդական ընտրութեան ձեռնարկել, այլ պատրիարքական փոխանորդով կառավարել մինչև իսպառ կիրբերուն բոցը շիջանի և խռովութիւն անհետանայ. քաջ կը նկատեմ որ Վանայ համար առայժմ հաստատուն Առաջնորդ մի ընտրել դժուարին է: Պօղոսին վերջին անգամ սաստիկ հեռա-

գիր մի զարկի, որուն օրինակը ներփակեալ կրտեսնաք, բայց ինձ պնդէս կըթուի, որ դարձեալ ստահակի և ոտնակոխէ պատրիարքարանի հրամանն: Եւ յայնժամ պիտի ստիպուիմ բ. դրան հրաման հանել և պնդէս դուրս հանել երկրէն: Ահ որչա՛փ կըցաւիմ աւետարանի աշակերտի մի համար այս միջոցները ի դորձ դնել, կուղեմ պարադայիւք զրէք թէ Եղիազար վարդապետն ինչո՞ւ համար չեկաւ. ո՞վ սպառնացաւ իրեն. իրեն քաջասրտու. թեան կը վայլէ՞ր մեր հրամանին չանսալ և նոցա երկիւղը բանի տեղ դնել. այդ մարդը վաստութիւն լրտած է և ոչ խոհեմութիւն. խօսէ՛ իրեն: Գանք հիմա ձեր անձին նկատմամբ խօսինք. քանի մի անձինք հեռագրով խնդրեցին, որ առանց յապաղելոյ պատրիարքական փոխանորդութեան պաշտօնը Ձեր վրայ դառնայ, մտածեցի պահ մի, որ իմ պլուզ եղնիկիդ վզին վրայ այս ծանր լուծ չի դնեմ, բայց յանկարծ երեւակայութեանս դիմաց ելաւ Գողգոթայի ճամբուն խաչակիր զօրապետն. ուստի ըսի. հոգին էլնի ուխտադիր աշակերտին թող կրէ հեծէ. ինքն աշակերտ է. իւր տիրոջմէն աւելի չէ: Պահ մի կրէ այդ լուծը, երբ քեզ զօրավիգ է Աստուած, կը դիւրանայ. մի վհատիր և տախր թէ մանուկ եմ ես: Իսկ եթէ կուզէք դորձը Աղուանեանին վրայ դառնայ պէտք է իւր բարեկամաց ձեռքով համոզէք զինքն. մեք ևս պէտք եղածը կը զրեմք իրեն: Մէկ քանի հրահանգներ կուղեմ տալ ձեզ. մինչև աստուած հանէ զքեզ այդ վերահաս փորձանքէն, որ շուտ պիտի անցնի:

1. Վստահ եղիր յաստուած, կանչէ զաստուած, բռնէ զեկր սկսիր վարել պաշտօնիդ նաւ. նստահանգիստ մօտ է 'ի Վարազայ խաչ և Գլակայ վանքը:

2. Որչափ հնար է երկուստեք կողման խռովութեանց առիթները խոհական միջոցներով մեղմացուր, պօղոսեաններ յորդորէ. ապօղոսեաններ սաստէ, անխտրապէս սիրէ և առանց կուսակցութեան վարվիր: Իսկ երբ յանդուգն ճակատ կը յօրինեն ձեր դէմը կամ պէտք է յիսուսին չափ հեղանալով տանիս ու համբերես ամեն անարգութեանց և կամ եղնիկիդ փաթրիկ եղջիւրներով թիւրերը կործանես:

3. Յիշելով հանդուցեալ Իգնատիոս սրբազանի վրայ եղած

յարծակումն, ամեն կերպիւ զգուշացիր 'ի նստիլ 'ի տան 'ի զնալ 'ի ճանապարհ և թէ կարևոր կը դատիք կառավարութենէն մարդ մի առէք ապահովութեան համար:

4. Այլարուց տէր Պետրոսի համար մասն մի ժողովուրդ յուզմունք հանած են և լիշեալ քահանայն յեկեղեցի տարեր են. յորդորէ հակառակ մասն որ խոհեմութիւն ընելով այս փոքր խնդրոյն համար լռեն, գիտնալով որ իրենց առաջ մեծ խնդիր մի կայ. պէտք է այդ եկեղեցւոյ ժողովուրդը միանան այդ խնդրոյն համար և ոչ թէ երկպառակելով 'ի նպատու Պօղոսի գործեն: Այս մասին հարկ եղած գրեցի նոյն եկեղեցւոյ քահանայից և թաղականաց. ասկէ առջի փօստայով զրած եմ նոյն ծեղ ալ իմաց կուտամ, որ երթաք եկեղեցւոյ սենեակ կանչէք քահանաները թաղականաց քով մեր և կրօնական ժողովին որոշումն յայտնէք իրենց, այսինքն թէ պէտք է տէր Պետրոս քահանայն դաս կենայ իբրև ապաշխարող, առանց քահանայազործութեան միայն իրեն հրաման է քարոզ և աղօթքներ կարդալու մինչև ցնոր տնօրէնութիւն. այս ևս կը ծանուցանեմ որ պէտք է հաւատար բաժին ստանայ քահանայից գանձանակէն:

5. Դուք միշտ պատրաստ և կազմ եղիք թերևս վարդափառվան սուրբ տօնին հասնելու առիթը տէր յաջողէ, տարակուսած եմ եթէ պարագայք չներեն, չգիտեմ զո՞վ առաքելից առ զառնացող տունն Մշոյ: Եսայի և Կարապետ վարդապետք խնդիր տուին կրօնական ժողովին որ ս. Կարապետ երթան. ժողովը ուղեց միջնորդութիւն ընել ես զիջումն ըրի զիրենք առաքելոց վանքը ղրկել, բայց ամենայն ըմբոստութեամբ յանձն չառին. կսպասեն որ Մամբրէն գայ միանան և նոր ճակատ յորինեն:

Բաւ այսքան:

Համբերութիւն և զօրութիւն մաղթելով

1872, յունիս 9

'ի պ. հայոց

ձեզ մնամ

Հայրիկ

ԱՂԲՐԻ ՄՕՏ

Ահա դիմացիս լեռները հսկայ
Ծածկել են սպիտակ նոր եկած ձիւնով
Եւ արեգակը վեր է բարձրանում
Դէպ կապոյտ գահը հեգիկ սահելով:

—Քրչ-քրչ-քրչ.

Լսում է ձայնն աղբիւրի
Զուլալ ջուրը ցած է թափում երգելով:

—Զրնգ-զրնգ-զրնգ.

Հարսն է գալիս կուծն ուսին
Գլխի, կրծքի փողկապները զրնգալով:

—Դահ չու-չու.

Ահա գեղջուկն առոյգ.

Մահական ուսին էն ու ձիւնն է ջրում:

—Հօ,հօ,հօ,

Տաւարածն է եզներին

Աղբիւրի դէպի արձակ դաշտերը ֆում:

Անցաւ մի ժամ. չկան հարսներ

Ոչ տաւարած, ոչ գեղջուկ.

Աղբիւրը դարձեալ ֆրչֆրչում է

Միշտ երգելով կամացուկ:

ԾԻՐՎԱՆՁԱԴԷ

(Ալէքսանդր Մովսիսեան)

Կոնստանդնուպոլսի ակնարկ

Այս տարի լրանում է մեր յայտնի վիպագիր պ. Շիրվան-
զադէի գրական գործունէութեան քսանութինգամեակը:

Աչքի առաջ ունենալով, որ Շիրվանզադէն ներկայ հայ
գրողների մէջ չափազանց աչքի է ընկնում իր տաղանդաւոր և
բեղմնաւոր գրչով, մենք կարեւոր ենք համարում տալ «Լուծայ»-ի
երկարամեայ աշխատակցի բեղմնաւոր գործունէութեան նկա-
րագիրը կարելոյն չափ մանրամաս:

Կսկսենք նրա մանկութիւնից:

ՄԱՆԿՈՒԹԻՒՆ:

Շիրվանզադէն ծնուել է Շամախի քաղաքում: Մետրիքա-
կան չունի, բայց, իր մօր ասելով, ծնուել է 1858 թ. ապ-
րիլի 7-ին:

Նրա անունն է Ալէքսանդր, ազգանունը Մովսիսեան:

Նրա ծնողներն եղել են անգրագէտ: Հօր անունն էր Մի-
նաս: Նրա առաջ եղել է դերձակ, ապա տորոնի առևտրական:
Մօր անունն էր Ովսաննա, ծնեալ Բաբախանեան:

Հայրը յաղթանդամ և շատ բարձրահասակ մի մարդ
էր, խոժոռ դէմքով: Մայրը միջահասակ, նրբակազմ մի կին և
համարւում էր քաղաքում գեղեցիկուհի: Հայրը մի հպարտ և,
միևնոյն ժամանակ, խստաբնոյթ մարդ էր: Անկասկած նա սի-
րում էր իր որդուն:

Տարուայ մեծ մասը նա քաղաքից բացակայ էր լինում. որդին
թողնուած էր իր մօր և տատի խնամքին: Նրա տատը, այսինքն
հօր մայրը, իր որդու պէս մի յաղթանդամ կին էր: Նա յայտ-

նի էր քաղաքում իր առնական քաջութեամբ: Բայց արժէ այդ կնոջ մասին ասել մի քանի խօսք:

Ծաղիկը—այսպէս էր նրա անունը— ունէր երեք արուզաւակ, որոնցից երկուսը— մեծ և կրտսերը— կենսախնդ, անհող, շուալ մարդիկ էին, երրորդը, միջինը, այն է Շիրվանզադէի հայրը, վերին աստիճանի աշխատասէր էր: Նա ունէր և չորս աղջիկ ամուսնացած քաղաքի առաջնակարգ հարուստների հետ: Շամախու երջանիկ օրերին: Յաճախ նա գիշերում էր իր այս կամ այն աղջկայ մօտ:

Մի ամառ գիշեր, Ծաղիկը իր աղջկայ տանը քնած է լինում: Յարձակում են այդ տան վրայ 7 թուրք թէ լեզգի աւաղակներ կողոպտելու նպատակով: Անդէն Ծաղիկը չի վախենում և ոչ էլ շփոթւում: Նա շատ ուժեղ կին էր: Նա դիմադրում է աւաղակներին և յաջողում է վերմակի մէջ փաթաթել իր նրանցից երեքին պատշգամբից շարսել այդին: Ինքը ստանում է դաշոյնի մի մեծ վէրք կողքի վրայ և ուշաթափւում: Բայց աւաղակները փախչում են: Այդ օրից Ծաղիկը հրաշակում է ինչպէս մի հերոսուհի և քաղաքում ամենքը վախենում են նրանից:

Հայրը թէև կամակոր, բայց վերին աստիճանի հշմարտասէր մարդ էր և ոչ ոքից չէր վախենում հշմարտութիւն ասելու: Այս պատճառով էլ ինչպէս միշտ պատահում է, նա էլ ունէր շատ թշնամիներ, որոնք սակայն յարգում էին նրան և վախենում նրանից: Ղուբա քաղաքում, որի շրջակայքում ունէր տորոնի ցանքեր, նա յաճախ կատարում էր թշնամիների մէջ միջնորդ դատաւորի դեր և նրա վճռին հպատակւում էին ամենքը:

Մայրը մեղմարեւոյթ, քնքշասիրտ մի կին էր և նրան է Այլքսանըրը պարտական իր աղքատիկ ուսումը:

6 տարեկան հասակումսա ինքնակամ վաղում է իրանց փողեցում գտնուող ուսումնարանը, որ պահում էր հայ բողոքականների պարագլուխ Սարգիս վարպետը:

Մէկ թէ երկու տարի այստեղ մնալով, նրան տալիս են հայոց թեմական դպրոց: Այստեղ էլ մի երկու տարի մնալով,

անցնում է ուսաց զաւառական դպրոց (уѣздное училище) և այստեղ աւարտում իր ուսումը: Սրանով էլ վերջանում է Շիր-վանդադէի դպրոցական ուսումը:

1872 թ. սոսկալի երկրաշարժի ժամանակ հարուստ Շա-մախին զառնում է աւերակ: Բնակիչները, մեծ մասամբ հա-լերը, սկսում են տեղափոխուել Բագու: Քիչ անցած տորոնի գինն¹ ընկնում է, հայրը սնանկանում և նրանց ընտանիքը մնում է անօգնական: Նրա հայրը երգւում է այլևս Շամախի չը վե-րադառնալ, մինչև որ նորից կը հարստանալ:

Նա նորից դիմում է իր արհեստին—գերծակութեանը: Իր-րև ապացոյց, թէ որքան հաստատ էր իր խօսքին նրա հայրը— ահաւասիկ մի փաստ: Նա մնաց Ղուբա 15 տարի: Ալէքսանդրը արդէն չափահաս երիտասարդ էր, նա կարողանում էր իրանց ընտանիքի պարէնը հայթայթել: Շարունակ զրում էր հօրը, որ գայ իր ընտանիքի հետ ապրելու, բայց նա չէր զայիս: Մի օր արդէն որդու Թիֆլիզ եղած ժամանակ հեռագիր է ստանում, թէ նա հիւանդ է և գնում է հօրը բերելու:

Տասնուհինգ տարի իր միակ արու զաւակին չը տեսնե-լուց յետոյ, այդ մարդը իր որդուն դիմաւորեց շատ սառը: Երբ մտաւ նրա սենեակը, նա անկողնու մէջ էր, շրջապատուած իր բարեկամներով: Կէս ժամի չափ նա դուրսը չըրարծրացրեց որդուն նայելու և երբ բարծրացրեց, ասաց նրան անտարբեր.

—Օհո, մեծացել ես:

Նա մեռաւ 1886 թուին:

Դրա հակառակ, մայրը վերին աստիճանի փափկասիրտ կին էր:

ՊԱՏԱՆԵԿՈՒԹԻՒՆ

1875 թուականն էր, երբ Ալէքսանդրը գնաց Բագու իր ընտանիքի օրուայ հացը վրաստակելու նպատակով: Բարձր ուսման

1. Տորոնը մի տեսակ արմտիք է, որ մի ժամանակ գործ էին ածում Մոսկուայի, Մանչեստերի, Մարսէյի գործարաննե-րում իբրև կարմիր ներկ: Այիդարինը որ գտնուեց, նրա գինը ըն-կաւ, ամենքը սնանկացան և նրանց հետ Շ-ի հայրը:

մասին այլևս խօսք չէր կարող լինել: Նրանք սոված էին: Նրանց ընտանիքը բաղկացած էր իրանից, մօրից և երկու քոյրերից, որոնցից մէկն արդէն ամուսնացած էր: Միակ եղբայրը Գաբրիէլ անուանով մեռել էր 1872 թ. ծաղկից:

Բագուում նա մտաւ նահանգական դատարան իբրեւ գրադիր 15 ու. ամսականով. 1¹/₂ տարի ծառայելուց յետոյ թողեց և մտաւ մի նաւթարդիւնաբերական ընկերութիւն հաշուապահի և կառավարչի պաշտօնով: Այդ ժամանակ նրա մայրը Ովսաննան և կրտսեր քոյր Աննամանը եկան Բագու: Մեծ քոյր Խանումը, որ ամուսնացած էր, քնաց Շամախուում: Նրա ապրուստը դաժան էր: Շատ չափաւոր ռոճկով նա պիտի պահէր մի ամբողջ ընտանիք:

Քանի նա մենակ էր Բագուում, ապրում էին իր մօրաքրոջ՝ տիկին Մարիամ Աբէլեանի մօտ: Այդ բարի և ազնիւ կինը սիրում էր նրան իբրեւ հարազատ մայր և Ալէքսանդրը ոչնչով չէր տարբերում նրա աչքում նրա զաւակներից, որոնցից մէկն այսօր մեր հռչակաւոր դերասանն է՝ Յովհաննէս Աբէլեանը, իսկ միւսը շնորհալի դրամատուրգ Ալէքսանդր Աբէլեանը:

Աբէլեան ընտանիքը ընթերցասէր էր, խաղաղ: Այստեղ նա սիրեց ընթերցանութիւնը, և կարդաց «Ճիւսիսափայլ», «Կռունկ», «Հանդէս նոր հայախօսութեան» և այլն, Աբովեան — այն ժամանակուայ մեր ամբողջ նոր գրականութիւնը:

Հայերէնից նա անցաւ ռուսերէնին:

Բագուն մի փառքիկ աննշան քաղաք էր այն ժամանակ: Այնտեղ նոյնիսկ մի հասարակ ընթերցարան չկար:

Նա յորդորեց մի խումբ տեղական երիտասարդների դիմել հայոց Մարգասիրական ընկերութեանը, խնդրելով, որ մի սենեակ յատկացնի ընթերցարանի համար:

Ընկերութիւնը մեծ սիրով ընդունեց նրա խնդիրը և մինչև անգամ իր վրայ առաւ բոլոր ծախսերը, բաց արաւ ոչ միայն ընթերցարան, այլև գրադարան:

Եւ Ալէքսանդրը հրաւիրուեց իբրեւ գրադարանի կառավարիչ:

ՆՐԻՏԱՍԱՐԴՈՒԹԻՒՆ

Ահա այդ դրադարանումն էր, որ Շիրվանզադէն սկսեց պարտաւել ինքնակրթութեամբ:

Նրա ընթերցանութիւնն, անկանոն էր այնչափ, որ չեմ կարծում թէ մի ուրիշն այնքան խառնած լինի իր ծտաւոր կերակուրներն իրարու, որքան նա: Նա կարդում էր առանց որ և է սխառեմի ամեն ինչ, սկսած վէպից մինչև ամենաբարդ փիլիսոփայական գրուածները, որոնց, իհարկէ, մեծ մասամբ չէր էջ հասկանում:

Մի առ ժամանակ նա յափշտակուեց քաղաքատնտեսական գրականութեամբ: Կարդաց Մալթուս, Ռիկարդօ, Սէն Սիմոն, Պրուդոն, յետոյ Լասալ, աւելի ուշ Կառլ Մարքս: Շուտով նրան ծանօթացրեց այդ: Նրա վարվուուն հոգու համար չոր ու ցամաք քաղաքատնտեսութիւնը անբաւարար էր:

Նա յափշտակուեց զեղեցիկ գրականութեամբ և 1878-ից մինչև 1883-ը կարդաց ամբողջ ռուս գրականութիւնը, Շեքսպիր, Գէօթէ, Շիլլեր, Բայրոն, Վալտեր Սկոտ, Մոլիէր, յետոյ երկրորդական ստեղծագործողներ, որոնց թւում Շպիլհագէն, որին չը սիրեց իր կանխակալ տանգանսի պատճառով:

Ապագայում, երբ նա ծանօթացաւ Փրանսիական ռեալական գրականութեան հետ, Բալզակն ու Յլոբեռն էին, որ գրաւեցին նրան:

Նոյն միջոցներին սկսեց գրել—նախ ռուսերէն և ապա հայերէն:

1878—79 թուին Շիրվանզադէն թղթակցում էր Тиф. Вѣстникъ լրագրին, մերթ ընդ մերթ յայտնի հրապարակաբօս Գրաբօւսիւ «Голосъ» ին և աշխատակցում էր անդաւան «Бакинскія Извѣстія» լրագրին:

Շուտով նա թողեց ռուսերէնը և սկսեց գրել հայերէն: Մի քանի թղթակցութիւններ ուղարկեց «Մեղուին», ապա անցաւ «Մշակը» և արդէն բաւական կանոնաւոր աշխատակցում էր այդ լրագրին:

Այդ միջոցներին նա հաշուապահ էր նաւթարդիւնաբերա-

կան գրասենեակներում և ինչպէս լսել ենք, հաշիւները պահում էր ինչպէս վայել է մի ծարդու, որ իր ծակ գրպանի կոպէկներէ հաշիւն էլ չը գիտէ:

Այնուամենայնիւ նա կարողացաւ իր ծախքով ամուսնացնել իր քրոջը և յետոյ նրա վիճակը համեմատաբար բարւոքուեց:

Շիրվանզադէի գրականական գործունէութիւնը իսկապէս սկսուած է 1880 թուից: Այդ և յաջորդ թուականին նա գրում է «Մշակում» մի շարք յօդուածներ Բագուի կեանքից, առանձնապէս բանուոր դասի կեանքի մասին: Նրա յօդուածները գրուած են ուշադրութիւն: Եւ „Кавказъ“ լրագիրը արատաւապում է նրանցից շատերը:

Իսկով վիպագրութեան, նրա առաջին պատմուածքն է «Հրդեհ նաւթագործարանում», ապուած «Մշակում» 1883 թ. գարնանը: Նոյն տարուայ վերջերին սկսում է նոյն լրագրում լոյս տեսնել «Փորձակատարի յիշատակարանից» նրա առաջին վիպական փորձը: Փորձը դուր է գալիս ընթերցողներին: Եւ Ռաֆֆիի Խենթի հրատարակիչ պ. Աբէլ Ապրէսեանը առանձին զրոյցիով լոյս է բնծայում այն «Հրդեհի» հետ միասին:

Նոյն թուականի օգոստոսին Շիրվանզադէն թողնում է հաշուապահի պաշաճը Բագում և տեղափոխուած է Թիֆլիս, վնաս լինելով ամբողջովին անձնատուր լինել գրական գործունէութեան:

Արդէն այդ ժամանակ նա գգում էր, որ հայ գեղեցիկ գրականութիւնը մի ողորմելի բան է: Իր խոստովանութեամբ Շիրվանզադէի վրայ հայ հեղինակներից ոչ մէկը չէ ապուել: Նա կարդացել է «Վէրք Հայաստանին» պատանի հասակում ոգեւորութեամբ, Պոօլեանցի գրուածները հետաքրքրութեամբ, կարդացել է Ռաֆֆին յափշտակուած: Սակայն առանց ոչ մէկից լիովին գրաւուելու: Նրան վշտացրել է «Վէրք Հայաստանին»-ի մէջ նրբութեան բացակայութիւնը, Պոօլեանցի տարրականութիւնը, Ռաֆֆիի հոգեբանական սխալները չանուն մի կանխակալ դատարարի, որ գեղարուեստի համար սպանիչ տարր է: Համակրանքի մասին կարող է խօսք լինել, բայց ազդեցութեան մասին — ամե-

նեին: Նա հայ հեղինակների մէջ փարպետ չէ ունեցել, նոյն խել լեզուի կողմից:

Նկարագրութիւնների և գործող անձանց բնաւորութիւնների հոգեբանական ճշմարտութիւն-ահա ինչ է նա նախ և առաջ փնտրել վէպի մէջ: Հայ վէպը չի տուել նրան իր փնտրածը և չէր կարող սույ պոյն ժամանակուայ հայ ընթերցողների ճաշկի մանկութեան շնորհով:

Ահա ինչ է գրում մեղ Շիրվանդադէն իւր մասնաւոր մի նամակում դեռ 10 տարի սրանից առաջ.

«Վէպը իմ կարծիքով ինքը կեանքն է: Այն չի սիրում կեղծիք և արհեստականութիւն: Նա, որ չի ուսումնասիրել մարդկային հոգին, չը պիտի յանդգնի գրիչ վերցնել կեանքը նկարագրելու: Սակայն դիւրին բան չէ ուսումնասիրել մարդկային հոգին: Դրա համար բաւական չէ միայն նայել, այլ և հարկաւոր է տեսնել: Իսկ տեսնելու համար աչք է հարկաւոր, արտիստի ամենատես աչքը:»

Նոյն գաղափարը Շիրվանդադէն արտայայտեց դեռ նորերս հանճարեղ արձանագործ Ռօպէնի խօսքերով...

Ճշմարտութիւնը եղել է նրա հոգու անկապտելի յատկանիշը: Ամենուրեք նա պոյն է փնտրել և պոյն պաշտել, միևնոյնն է լինի դա կեանքը, թէ նրա արտագրութիւնը գեղարուեստը և գրականութիւնը, թէ մարդկանց գործողութիւնները:

Առաջին անգամ պոյ գճմարտութիւնը նա գտնում է ռուս վիպագրութեան մէջ: Նրան յափշտակում է Դոստոեւսկու հոգեբանութիւնը, յանախ ծանծրայի, բայց միշտ հետաքրքրական:

Եւ պոյսպէս, մի ժամանակ նա յափշտակում է ռուս գրականութեամբ: Անցնելով Լրոպականին, տեսնում է, որ ռուս գրականութիւնը իրօք ինքնուրոյն չէ, ինչպէս կարծում էր, պոյ հետեւողականութիւն եւրոպականին, մասնաւորապէս Ֆրանսիականին: Այնուհետև յափշտակում է Դիկէնսով, Բալզակով, Փլօքերով:

Մի բան, որ առանձնապէս նրան գրաւում է Լրոպական գեղեցիկ գրականութեան մէջ, պոյ չսփի դժացումն է: Եւ սուպայում ոչ մի եւրոպական գրականութեան մէջ չէ տեսնում պոյ

ղգացումը այնքան պահպանուած, որքան Ֆրանսիականի մէջ: Այս է պատճառը, որ նրա ընթերցանութեան զլխաւոր հրապուրիչ նիւթը դառնում է Ֆրանսիական վէպը: Արդ, եթէ կարող է խօսք լինել ազդեցութեան մասին, այդ միայն Ֆրանսիականն է, որ ազդել է նրա վրայ:

1885 թուին նա գրեց «Նամուսը» ժողովրդի գռեհիկ խաւերի կեանքից: Միաժամանակ լոյս է տեսնում «Տօլստօյի» „Власть тьмы“ դրամը: Հայկական խիկար իմաստունները Շիրվանզադէին ասում են, թէ «Նամուսը» գրուած է Տօլստօյի իշխեալ դրամի ազդեցութեամբ: Այդ ենթադրութեան պատճառն է երկու գրուածների սիւժէի նմանութիւնը: Սակայն նրա հակառակորդները կարծում են ամօթից, երբ իմանում են, որ «Նամուսը» լոյս է տեսել „Власть тьмы“-ից մի տարի առաջ:

Նոյն թուին «Գործ» ամսագրին տալիս է հոդերանական մի էտիւդ «Նորերից մէկը» վերնագրով:

Յաջորդ թուին հրաւիրուելով «Արծաղանքի» մշտական աշխատակից, տալիս է այդ հանդէսին մի շարք վէպիկներ և պատմուածքներ: Ահա նրանց ցանկը. «Օրիորդ Լիզա», «Խնամատար», «Արամբին», տւելի ուշ «Զուր յոյսեր», ասանուհինգ տարի անցած», «Փաթմա և Ասադ», «Խելագարը» և «Թանկադին կապանք»:

«Արծաղանքին» աշխատակցում է տւելի քան վեց տարի, երբեմն փոխարինելով խմբագրին նրա բացակայութեան ժամանակ: Վարում է նրա առաջնորդողների բաժինը և իրօք խմբագրում շաբաթաթերթը:

Նոյն միջոցներին Գրիգոր Արծրունին հրաւիրում է նրան մշտական աշխատակից «Մշակի», բայց Շիրվանզադէն անյարմար է համարում թողնել «Արծաղանքը», մանաւանդ որ երկու լրագրների ուղղութիւնների մէջ ոչինչ սարբերութիւն չէր տեսնում: Բացի այդ, նրան յիսկատար ազատութիւն էր տուած «Արծաղանքում» գրել ինչ-որ նա կամենում էր և խմբագիրը չէր փոխում նրա ոչ մի բառը: Այն ժամանակ Արծրունին խնդրում է նրան գէթ հեռուից աշխատակցել իրան, տալով «Մշակին» վէպիկներ: Ժամանակի սղութիւնը նրան

Թոյլ չի տալիս Արծրունու առաջարկը կտտարելու, և այս միջոցից «Մշակի» յարաբերութիւնները սառչում են, որ ապա գառնում է թշնամական:

1890—91 թուին թողնելով «Սրժագանքը», որի ուղղութիւնն արդէն քանի զնում այնքան Շիրվանզադէի համար անհամակրելի էր դառնում, զգում է իրան լիովին ազատ: «Մուրճի» այն ժամանակուայ խմբագիր Ա. Արասխանեանցը խնդրում է նրան աշխատակցել և նա տալիս է նրան «Արսէն Դիմաքսեան» վէպը:

1892 թուականին գրում է «Կրակը» ուսանողական կեանքից, ապա նրա մէջ յղանում է «Քասուր» գրելու միաբեր: Այդ ընդարձակ վէպը, որ Շիրվանզադէի ամենամեծ գործն է, խլում է նրանցից մի ամբողջ տարի: Լոյս է տեսնում նա առանձին հատորով Բաղում:

1895 թուին նա համբողջում է Ռուսիայում և վերադառնալով Պետերբուրգից ղեկտեմբերի 1-ին բանտարկում է իբրև լեզափոխական: Երեք ամիս մենակ բանտարկութեան մէջ մրնայով, արձակում է: Բանտում եղած միջոցին գրում է մի ընդարձակ «Յիշատակարան» բանտարկեալների կեանքից, սակայն բանտից դուրս գալիս ձեռագիրը վերցնում են նրանից և յանձնում ժանդարմերիային, չը նայելով, որ այնտեղ չը կար մի հակացենցութեան տող:

Երկու տարի տևում է նրա «Քաղաքական յանցանքի» քննութիւնը, 1898 թուի օկդբրին նրան յայտնում են, որ տարադրում է Կովկասից 2 տարի. նա ընտրում է տարադրութեան համար «Օդեսսա» քաղաքը, ուր և կենում է 1898 թուի մայիսից մինչև 1899 թուի ղեկտեմբերը: Օդեսսայում նա գրում է «Մելանիա» վէպը: Վերադառնալով Կովկաս, գրում է «Եւգինէ» գրաման, որ ունենում է ահագին յաջողութիւն թէ թիֆլիսում, թէ Բաղում և թէ այլ հայտնակ տեղեր:

Այդ միջոցին մենք բացի «Մշակից» չունէինք լրագիր, այն ինչ նա կարիք զգալով երբեմն թէթե բաներ գրելու, մերթ ընդ մերթ աշխատակցում է «Տարազին»:

«Մուրճը», որ այդ ժամանակ պատկանում էր Կոստան-

դէն հրատարակեանին, դիմում է նրան աշխատակցելու՝ և՛ նա տալիս է նրան «Արտիստը»:

1901 թուին գրում է «Յաւագարը», որ տպւում է «Հորիզոն» ժողովածուի մէջ:

1902 թուին գրում է «Ունէր իրաւունք» դրաման, որ զրգուում է հայ հասարակութեան պահպանողական մասին և հանդիպում հալածանքի սիւժէի յանդգնութեան պատճառով: Այնտեղ Շիրվանզադէն հանդիսանում է պաշտպան կնոջ ազատութեան, և այս դիւր չի գտլիս մեր ընկերական կեանքի նեխուած մթնոլորդի սիրահարներին. «Լուծայի» խմբագիր Գլւտ ք. Աղանեանցը արհամարհելով խաւարածիւնների վայրիվերոյ կարծիքները, տպում է իւր հանդիսում «Ունէր իրաւունքը»:

Տարի ու կէս անցած 1904-ի վերջին հայ բեմին առկիս է «Պատուի համար»: Առաջին անգամ այդ պիեսը ներկայացւում է Բազում տիպի յաջողութեամբ և տեղական մամուլը նրա մասին խօսում է հիացմամբ: Պիեսը կրկնւում է: Ապա նա ներկայացւում է Թիֆլիսում և զանում աւելի մեծ յաջողութիւն: Տպագրուելով «Լուծայում», ապա առանձին զրքոյկով «Պատուի համար», զաւնում է ամենաժողովրդական բեմական երկր: Եւահա եօթ տարի է նա հայ բեմերատուարի առաջին զարդն է և ոչ մի պիես, ոչ թարգմանական, ոչ ինքնուրոյն, այնքան չի ներկայացւում, որքան «Պատուի համար»-ը: Բաւական է ասել, որ երկու սեզօնի ընթացքում Միայն Արեւելեան-Արմենեան խումբը այն ներկայացրեց Կ. Պօլսում և տաճկահայ ուրիշ քաղաքներում 40 անգամ: Ընդհանուր առմամբ այդ դրամը ներկայացուել է մօտ 250 անգամ ամենուրեք, ուր կայ մի բուռն հայ: Մի թիւ, որ հայ բեմի համար երեւակայական կտրելի է համարել: «Պատուի համարը» թարգմանուած է ֆրանսերէն, ռուսերէն, վրացերէն և տաճկերէն: Տաճկերէն խաղացուել է շատ անգամ և այժմ էլ խաղացւում է, վրացերէն խաղացուեց Թիֆլիսում և Քութայիսում անցեալ տարի: Այս տարի ևս նա վրաց բեմերատուարի մէջ է մտել «Եւգինէի» հետ: Ռուսերէն տակաւին խաղացուած չէ: Գալով ֆրանսերէնին, լոյս կայ, որ այս տարի խաղացուի Պարիզում:

1903-ից մինչև 1905 թուականը նա աշխատակցում է «Լուսնային» և այդ միջոցին բացի լիշեալ պիեսներից տալիս է «Վարդան Սհրումեան» ընդարձակ վէպը, որի 3 մասից մէկն է դեռ լոյս տեսել, «Հաւատարիմ ընկերներ» ու «Գաղափարի գերի պատմութեան»:

1905 թ-ի ամառը նա իր ընտանիքով տեղափոխուում է արտասահման որդիներին բարձրագոյն կրթութիւն տալու նպատակով և հաստատուում Պարիզում: Այստեղ սկսում է եռանդով ուսումնասիրել գեղարուեստները, ամբողջ օրերով թափառելով թանգարաններում: Միաժամանակ այցելում է Սօրբօնը և երեք տարի շարունակ լսում նշանաւոր գիտնականների դասախօսութիւնները գրականութեան, արուեստների, պատմութեան և փիլիսոփայութեան մասին: Առանձին հետաքրքրութեամբ հետևում է ժամանակակից նշանաւոր քննադատ Էմիլ Փադիեի դասախօսութիւններին:

Պարիզը, համաշխարհային քաղաքակրթութեան այդ զրլ-խաւոր կենտրոնը և միակը իւր տեսակում, ընդլայնում է նրա աշխարհայեացքը: Այնտեղ ամեն ինչ հետաքրքրում է նրան սկսած ձիարշաւից մինչև փողոցային կեանքը և գեղարուեստներից մինչև կեանքի բարիլոնեան ժխորը... Նա ծծում է այդ բազմերանգ մթնոլորտը, որ լսնախ լի է թոյներով, իր ամբողջ թոքերով: Թոյնը չի ներգործում նրա վրայ, ընդհակառակը նրա էութիւնից դուրս է մղում նախանձի, ատելութեան, չարականութեան թոյնը, որ շնչել էր հայրենի երկրում: Այդ ժամանակից զգում է մի սոսկալի թախիժ, տեսնելով եւրոպական մթնոլորտի և հայ կեանքի մէջ եղած սոսկալի անդունդը: Այն անանցնելի անդունդը, որի ծայրումն զգում է իրան ամբողջ հինգ տարի և այժմ...

Պարիզ մնալով աւելի քան հինգ տարի, այդ ժամանակուայ ընթացքում նրա գրականական ապաւորութիւնները մերթ րնդ մերթ հաղորդւում են իր հայրենակիցներին «Երկիր», «Գործ», վերջերում «Հորիզոն» լրագրներում:

Այս հինգ տարուայ ընթացքում նա գրում է «Զհուղի Ականջը» պատմութեան, որ տպուեց «Արշալոյս» լրագրում և երեք զրամա՝ «Աւերակների վրայ», «Կործանութեան» և «Ար-

մենուհի», որ այս տարի կը խաղացուի Թիֆլիսում: Նաև մի արարուածով մի կատակերգութիւն «Շառլատանը» վերնագրով:

Պարիզում եղած միջոցին թարգմանուած է Փրանսերէնի նրա երկերից մի քանիսը: «Արախար» լոյս է տեսնում 1909 թուին Պարիզի հայոց միութեան ծախքով և շարժում ֆրանսիացի ընթերցողներէ հետաքրքրութիւնը: Լրագրները խօսում են նրա մասին գովասանքով: Մի քանի նշանաւոր հեղինակներ, ինչպէս Պիեռ Լատի, Էլմօն Փալի և այլն շնորհաւորական նամակներ են գրում նրան: Առանձին հիացմամբ խօսում են «Արտիստի» մասին Անտուա Լեռուա Բօլիէ, Ռօնի Էնէ և այլն:

Այնուհետև նա հայագէտ Փրեզերիկ Մակլերի միջոցով զբաղւում է ֆրանսիացի հրատարակիչ իր գործերի: Կատարեալ բաղդ է գտնել հրատարակիչ Պարիզում մանաւանդ օտար հեղինակների համար: Հայ հեղինակներից այս բաղդին առաջինը արժանանում է Շիրվանդադէն: Ներկայումս մամուլի սակ է և շուտով լոյս կը տեսնի նրա երկերի ֆրանսերէն թարգմանութիւնների: I հատորը — «Ցաւազարի» թարգմանութիւնը: Հրատարակութիւնը կրում է ընդհանուր անուն „Petite Bibliothèque arménienne“, Յաջորդ հատորների մէջ կը մտնեն «Փաթմա և Աստղ», «Ցասնուհինգ տարի անցած», «Զհուդի տկանջը», «Պատուի համար», «Թանկագին կապանք» և դուրէ նրա մեծ վէպերից «Բասուր»:

Նրա երկերից ուսերէն թարգմանուած են. «Օր. Լիզա», «Նամուսը», «Թանկագին կապանք», «Փաթմա և Աստղ», «Ցասնուհինգ տարի անցած» և «Արսէն Դիմաքսեան» (վերջինը ոչ լիովին) և «Պատուի համար»:

Երեսուն տարի է Շիրվանդադէն զբաղւում ասպարիզումն է: Զէ զգում իրան ձեր և չէ կորցրել իր եռանդը: Նա իր կոչումը ստակաւին կատարած չէ համարում. ունի ձեռքի սակմիքանի խոշոր գործեր, որոնց վրայ տարիներ պիտի աշխատել: Զգում է, որ դեռ չէ տուել այն, ինչ որ կարող է տալ. յամենայն դէպս մենք անսանք նրա զբաղեցանում երկու մեծ վէպե-

րի, մի քանի պատմութեանքներէ և երեք դրամաների ծրագիրր: Կը յաշողի՞, արդեօք, իրադործել իր փափագը թէ ոչ-չը գիտեմ: Մահը մերն է, մենք մահին», ասում է ժողովուրդը:

Մի քանի տեղեկութիւններ էլ նրա մասնաւոր կեանքի մասին:

27 տարեկան հասակում ամուսնացել է: Ունի 2 արու և մի աղջիկ զաւակ: Մեծ որդին Ռուբէնը 24 տարեկան է և առաջիկայ տարի կաւորաի Բելգիայում Լիեժի համալսարանը, երկրորդ որդին 23 տարեկան Արմենը Պարիզի համալսարանի իրաւաբանական Ֆակիւլտէի ուսանող էր, երրորդ կուրս անցնելու ժամանակ յանկարծ տկարացաւ և սախպուեց թողնել ուսումը: Այժմ հօր ամենագլխաւոր հոգսը նրա առողջութիւնն է: Աղջիկը 16 տարեկան է, Մարգարիտը աւարտեց այս տարի Պարիզի Ֆենելոն անունով Լիսէն: Կինը ծնեալ Նինա Լօռու-Մելիքեան հանգուցեալ զնգապետ Զաքարիա Լօռու-Մելիքեանի դուստրը, նրա վշտերի և ուրախութիւնների բնկերը, աստուածային համբերութեամբ բաժանում է 25 տարի և կրում հայ հեղինակի դաւը վիճակը:

Բնաւորութեամբ Շիրվանդադէն զուարթ մարդ է, ծշխարհային կեանքը սիրող և չը գիտեմ ինչ կը լինէր, եթէ կեանքի դառն հանգամանքները կը ճնշէին նրան:

Ահա ինչ է գրում մեզ իւր մասին Շիրվանդադէն իւր մի մասնաւոր նամակում, որ մեր ձեռքն է անցել պատահաբար.

«Ինձ համար անհասկանալի է գրող մարդու խորշկը բնկերական կեանքից: Ինձ թւում է, որ հասարակական և անհատական վարք ու բարքերի վերաբնականացողը պէտք է անընդհատ շփուի հասարակութեան և անհատների հետ: Առանձնուկի, մենակեաց դոյութիւնը՝ չի կարող բաւականաչափ պաշար տալ վիպասանի կրեակայութեանը: Վէպ ասուած բանը կեանքի հայելին է և որպէս զի նա լաւ պատկերացնի այդ կեանքը, վիպասանը պէտք է միշտ մօտ լինի նրան: Քանի նա հեռու է, այնքան նրա հայելին թոյլ կարտայայտի»:

ՏԲացի դրանից անչափ կեանք վարող հեղինակը մի-

զանչում է մարդկային կոչման գէմ: Ի՞նչ իրաւունքով է նա խորշում ընկերութիւնից, քանի որ նա ինքնուրոյնաբար երկնքից ընկած մի էակ չէ, այլ նոյն երկրի ծնունդ, ուր ապրում է և շնչում: Ինչպէս անտառից հեռու բուսած ծառը ժամանակից առաջ է թառամում, նոյնպէս և մենակեաց մարդու հոգին կարող է թառամել վաղաժամ: Սիրում եմ կեանքը և ոչ միայն նրա հանդիմանքները, այլ և դառնութիւնները, վշտերը և թշուառութիւնները: Սիրում եմ, որովհետեւ այնտեղ է սկսում և այնտեղ վերջանում մեր գոյութեան խորհուրդը»:

Հայ



ԵՐԿՈՒ ՍԱՐՍԱՓՆԵՐԻ ՊԱՏԱՍԽԱՆ

Այս տարուայ «Հորիզոնի» 122 համարում «Մուրացանի ժառանգներ» ստորագրութեամբ մի նամակ էր տպուած Բերլինից, որ առաջ հնք բերում նոյնութեամբ.

ՅԱԽԱԼԻ ԵՒ ԾԱՆՐ ՍԽԱԼ

Բերլին, 11 յունիսի

Կէս ժամ առաջ ստացանք հանգուցեալ Մուրացանի երկասիրութիւնների երկրորդ հատորը և սարսափելով կարդացինք այդ հատորի սկզբում տպւած, առանց մեր ժառանգներիս գիտութեան «Ռուզանը և նրա քննադատները» վերնագրով պօլիմիքական գրւածքը, որը անշուշտ հանգուցեալ հեղինակի տկար ժամանակայ գրւած բան է:

Այսպիսի անտեղի բան տպագրելուն համար Տէր-Գիւտ ք. Աղանեանից և մեր լիազօր խմբ. պ. Տ. Նազարեանից (որը գուցէ անտեղեակ էր տպագրութեան) տեղեկութիւն հարցնելուց առաջ՝ շտապում ենք յայտնելու հրապարակաւ մեր խորին ցաւը տեղի ունեցած այնպիսի մի խոշոր սխալի առթիւ:

Այս փորձը խրատ կը լինի մեզ: Այսուհետեւ առանց մեր անմիջական հսկողութեան ոչ մի բան լոյս չի տեսնիլ, ի նկատի առնելով հանգուցեալ հեղինակի վերջին մի քանի տարիների փոփոխակի հոգեկան ցաւալի վիճակը:

Մուրացանի ժառանգներ

Յ. Գ. Այսօր հեռագրով կարգադրեցինք ոչնչացնել այդ սկզբի Ա—ԺԺ երեսները:

Նոյնք

Հէնց նոյն թերթի հետեւալ 123 համարում «Տ. Նազարեան» ստորագրութեամբ տպուած էր նրա լրացուցիչ նամակը «ցաւալի և ծանր սխալի մասին» վերնագրով, որ նոյնպէս նոյնութեամբ առաջ ենք բերում այստեղ.

ՅԱԻԱԼԻ ԵՒ ԾԱՆՐ ՍԽԱԼԻ ՄԱՍԻՆ

Թիֆլիզ, 7 յունիսի

Սարսափով կարդացի Մուրացանի ժառանգների նամակը («Հորիզոն» № 122):

Յայտնում եմ, որ ես ոչ մի տեղեկութիւն չեմ ունեցել, չեմ լսել թէ գոյութիւն ունի «Ռուզանը և նրա քննադատները» վերնագրով պօլեմիքական գրւածքը:

Այդ հատորը հանգուցեալ Մուրացանը իր ձեռքով է եղել յանձնած Տէր-Գիւտ ա. ք. Աղանեանին և ես այդ զիրքը տեսել եմ միայն նրա լոյս տեսնելուց յետոյ և ստացածս առաջին օրինակը առանց իսկ կարդալու անյապաղ ուղարկել եմ Մուրացանի ժառանգներին անպիսի արագութեամբ, ինչպիսի արագութեամբ տպարանը ուղարկում է առաջին օրինակը գրաքննական կօմիտէին:

Ոչ մի առնչութիւն չեմ ունեցել այդ հատորի թէ բովանդակութեան և թէ հրատարակութեան հետ: Տպարանից մինչև օրս ստացւած է մինչև 19 օրինակ, որոնցից մէկը ուղարկւած է Մուրացանի ժառանգներին, միւսը Մուրացանի մօրը, մի քանի հատ տեղական թերթերի խմբագրութիւններին, մի հատ Գուտտեմբերգ գրավաճառանոցին և մի հատ պ. Ղ. Աղայեանին:

Գիրքը դեռ վաճառ չէ հանւած, որովհետև փոխւում է շապիկը, քննադատականը միջից հանելու պատճառով:

Տ. Նազարեան

Ուրեմն առաջին նամակով Մուրացանի ժառանգները «սարսափելով» մեղադրում են ինձ, որ ես հանգ. Մուրացանի երկերի երկրորդ հատորի մէջ տպագրել եմ «Ռուզանը և նրա քննադատները» վերնագրով գրուածքը, մի «անտեղի բան», որ ժառանգները համարում են «անշուշտ հեղինակի տկար ժամանակուայ գրուած բան»:

Իսկ երկրորդ նամակով պ. Տ. Նազարեանը «սարսափով» կարդալով Մուրացանի ժառանգների նամակը, յայտնում է, որ «ոչ մի տեղեկութիւն չէ ունեցել, չէ լսել թէ գոյութիւն ունի «Ռուզանը և նրա քննադատները» վերնագրով պօլեմիքական գրուածքը և որ «փոխւում է շապիկը, քննադատականը միջից հանելու պատճառով»:

Դժբախտաբար ընտանեկան հանգամանքների պատճառով մինչև այժմ անկարող եղայ իս պատասխանել այդ երկու նամակներին. բայց լաւ է ուշ՝ քան երբէք:

Ամենից առաջ պէտք է ասեմ, որ ես երբէք չէի սպասում այդ նամակների հանդէս գալուն և ահա թէ ինչ պատճառով:

1908 թուի օգոստոսի 30 ին վախճանուեց ողբացեալ վիպագիր Մուրացանը և ես նոյն թուի սեպտեմբերի 7ին, դեռ ևս հանգուցեալի դին չողին չյանձնած շտապի իմ խմբագրութեամբ լոյս տեսնող «Հայրենիք» շաբաթաթերթի 15 համարում մանրամասն հաշիւ տալ հասարակութեան նորա՝ արդէն մամուլի տակ եղած երկերի II հատորի տպագրութեան բոլոր հանգամանքների մասին «Մուրացանի վերջին կամքը» խորագրով յօդուածում, ուր իմիջի ալլոց, ասուած էր, որ ժողովածուի մէջ մտնում է և հեղինակի «պատասխանը իւր քննադատներին»: Հայրենիքի այդ համարը ինքս մեր տանը անձամբ յանձնեցի հանգուցեալի քննի տիկին Մուսայէլեանցին նորա տիկնոջ և ժառանգներին ուղարկելու համար և այնուհետև ոչ մի կարգադրութիւն տեղի չունեցաւ վերջիններիս կողմից այդ յօդուածի հրատարակութեան վերաբերմամբ, չնայելով որ նրանց քաջ յայտնի էր տպագրուող հատորի բովանդակութիւնը:

Բայց քանի որ մի անգամ արդէն այդ նամակները լոյս տեսան մամուլի մէջ, ես պէտք է մի անգամ էլ հանգամանօրէն առաջ բերեմ Մուրացանի երկերի II հատորի տպագրութեան մանրամասն պատմութիւնը և քննել թէ որ աստիճան նրա ժառանգները իրաւունք ունէին յիշեալ նամակը գրելու:

Մուրացանը, որի առանձին սէրն ու մտերմութիւնը վայելելու պատիւն ունէի ես, մի քանի տարի շարունակ ցանկանում էր տպագրել իւր երկերի հետեւալ հատորները և առաջարկում էր ինձ յանձն առնել տպագրութեան հոգացողութիւնը: 1907 թուականի հոկտեմբերի 10 ին նա յանձնեց Աղանեան տպարանին իր երկերի III հատորը-Ռուզանը և Անդրէաս երէցը, որ և ժտել է տպարանի պաշտօնական մատենի մէջ 389 համարով: Այդ հատորից շարուած էր արդէն 32 երես, երբ մի օր Մուրացանը մտաւ տպարան և խնդրեց դադարեցնել տպագրութիւնը, որովհետև մտադիր է Ռուզանը փոփոխութեան ենթարկել, հինգերորդ գործողութիւն աւելացնել և նրան կից տպել իր պատասխանը քննադատներին: Նա յիտ ստացաւ ձեռագիրը և տպարանը հրաժարուեց ընդունել նրանից 32 երեսի շարելու վարձը:

Բաւական ժամանակ անցնելուց յետոյ նա մի անգամ կարգաց ինձ մօտ իր պատասխանի սեւագիրն և ասաց, որ շուտով սկսելու է երկու հատորի տպագրութիւնը միանգամից, իսկ մի անգամ էլ կանչելով ինձ իր մօտ՝ կարգաց «Ռուզան»-ի փոփոխած

կտորները և աւելացրած մենախօսութիւնը որպէս 5-դ գործողութիւն:

1908 թուի մայիսին մի քանի անգամ նա կանչեց ինձ իր մօտ և խնդրեց տպագրութեան ծախքերի նախահաշիւ տալ իրան, յայտնելով, որ արդէն վերջնականապէս որոշել է տպագրութեան յանձնել երկերի II և III հատորները և որ ես յանձն առնեմ անմիջապէս սկսել գործը:

Ես մի փոքր ուշացայ նորան պատասխան տանել, ուստի և Մուրացանը յունիսի սկզբին քաղաքային փոփոխով նաժարկ է ուղարկում և կանչում ինձ, աւելացնելով մէջը, որ ուզում է անմիջապէս յանձնել ինձ իր երկերի տպագրութեան ամբողջ հոգսը:

Յունիսի 16-ին էր կարծեմ, որ ես գնացի նորա մօտ և ներկայացրի տպագրութեան հաշիւը. նա մատենադարանը քրքրելիս աթոռից վայր էր ընկել, ծունկն ու մէջքը ցաւացրել ու բժշկուում էր: Նրա մօտ էր Ս. Քամալեանցը և միասին կարդում ու կարգի էին դնում Մուրացանի՝ իր քննադատներին ուղղած պատասխանի ձեռագիրը:—Նա յայտնեց ինձ իր անբաւականութիւնը, որ ուշ էի այցելում իրան, յանձնեց ինձ տպագրել իր հետեւալ երկերը.

1. երկերի II հատորը, որի մէջ մտնում էին ա. պատասխան իր քննադատներին, բ. Ռուզանը փոփոխած և գ. Անդրէաս երէց:

2. երկերի III հատորը—Գէորգ Մարգպետունին:

3. բանաստեղծութիւնների ժողովածուն:

Տուեց նաև իր պատկերը ստորագրած, որ կլիշէ պատրաստել տամ երկերի II հատորի մէջ զետեղելու համար:

Նա ինձ յանձնեց գրքերի սրբագրութիւնը վարձատրութեամբ, որ ես սիրով յանձն առայ կատարել, հրաժարուելով սակայն վարձատրութիւնից:

Հետեւալ օրերին ես կրկին այցելեցի նրան և մի անգամ էլ ձեմարանի ուսուցիչ պ. Մանուկ Աբեղեանի հետ միասին, և հրկուսս էլ գտանք Մուրացանին լիակատար խելքի վրայ, լուրջ խորհող, լուրջ դատող և աւելի էլ լուրջ խօսող:

Նա առաջարկեց ինձ, որ երկու գրքի թղթի և տպագրութեան հաշուում ստանամ մի հազար ուրբի պ. Եփ. Միրզայեանից, սակայն ես հրաժարուեցի վաղօրօք այդչափ գումար ստանալ, ուստի և Մուրացանը մի տոմս գրեց նրան, որ առ այժմ ինձ յանձնէ չորս հարիւր ուրբի, իսկ մնացեալը հետզհետէ, ամեն անգամ իր առանձին կարգադրութեամբ: Պ. Միրզայեանցը անմիջապէս կատարեց Մուրացանի կարգադրութիւնը:

Նոյն յունիսի 24-ին սկսուեց II հատորի տպագրութիւնը:

Մուրացանը գնաց Մանգլիս ամարանոցը կազդուրուելու և

ճանապարհին վկայ եղաւ մի կառքի շուռ գալուն և նրա ուղևորների ջախջախութեամբ և այդ այնպէս վտանգաւոր կերպով ազդեց նրա ջղերի վրայ, որ մի քանի օրից արդէն խելագարութեան նշաններով վերադարձրին նրան թիֆլիս:

Նրա մահից յետ մի քանի անձեր կազմեցին մի մասնաժողով, և իրանց վրայ առին Մուրացանի երկերի տպագրութեան գործը. այդ մասնաժողովը, որ ոչ պաշտօնական բնոյթ ունէր և ոչ հասարակական, նախ մի անհատի միջոցով և ապա նոյն իսկ թղթով հաշիւ պահանջեցին ինձանից Մուրացանի գրքի տպագրութեան մասին, առաջարկեցին դադարեցնել տպագրութիւնը և տպագրելի նիւթերը յանձնել իրանց: Բայց ես պատասխանեցի նրանց, թէ քանի որ ոչ ոք չէ կարող երաշխաւորել այդ մասնաժողովի գոյութեան յարատեւութեան և քանի որ ես օրէնքով պատասխանատու եմ միմիայն հանգուցեալի ժառանգների առաջ, հրաժարուամ եմ որեւէ բան յանձնել նրան, կամ դադարեցնել տպագրութիւնը. այլ միայն կարող եմ յանձնել Մուրացանի ժառանգների մերձաւոր բարեկամ և մասնաժողովի անդամ պ. Ս. Չերքեզեանցին ինձ մօտ գտնուած նիւթերը, որին և յանձնեցի թէ բոլոր նիւթերը և թէ տպագրուող գրքի հաշիւը:

Միւս կողմից ես շարունակեցի երկրորդ հատորի տպագրութիւնը, աչքի առաջ ունենալով, որ ինձ վրայ ծանրանում են թէ բարոյական և թէ օրինական պարտաւորութիւններ միանգամից:

Ես չսխալուեցի իմ հաշիւների մէջ, որովհետեւ շուտով, երբ գրքի դեռ 17 մամուլն էր տպւում, ստանում եմ պ. Տիգրան Նազարեանցից մի նամակ, որի մէջ գրում է թէ ինքը նշանակուած է հանգ. Մուրացանի կնոջ և ժառանգների լիազօր ներկայացուցիչը, և ժառանգները կարգադրել են, որ ոչ մասնաժողովը և ոչ ես չշարունակենք գրքերի տպագրութիւնը և խնդրում էր անմիջապէս դադարեցնել II հատորի տպագրութիւնը:

Ես օրինական գտայ պ. Նազարեանցից ինձ եղած առաջարկը և կարգադրեցի տպագրութիւնը դադարեցնել:

Անցան երկար ամիսներ:

Գրքի $\frac{2}{3}$ մասն արդէն տպուած էր և ոչ ոք հոգացող չկար այդ մասին: Ես բանակցութեան մէջ մտայ պ. Նազարեանցի հետ, յայտնեցի նրան, որ տպուած թերթերը երկար ֆալուց կարող են որեւէ վտանգի ենթարկուել և համաձայնութիւն կայացրինք, որ տպագրութիւնն աւարտուի:

Մի երկու շաբաթից լոյս տեսաւ երկերի II հատորը:

Համաձայն Մուրացանի սեպհական կարգադրութեան, այդ հատորի մէջ մտել էին 1, պատասխան իր քննադատներին, 2,

Ռուդան և 3, Անդրէաս երէց: Որովհետև, ինչպէս ասացի, առաջին յօդուածը Մուրացանի հետ միասին կարգի բերելիս ես տեսել էի պ. Ս. Քամալեանցին, ուստի և չմոռանամ ասել, որ այդ յօդուածի տպարանական սրբագրութիւնը ես խնդրեցի կատարել իրան Քամալեանցին, որի ստորագրած փորձի թերթերը դեռ պահուում են ինձ մօտ:

Գիրքը որ լոյս տեսաւ, մի քանի օրինակ ես ուղարկեցի լիազօր պ. Նաղարեանցին, որին և ներկայացրի տպագրութեան հաշիւը, որոշ գեղջեր անելով և այն գնից, ինչ որ խօսել էինք Մուրացանի հետ:

Մէկ շաբաթի չափ անցել էր այդ օրից, երբ պ. Նաղարեանից ստիպողական պատուէր եմ ստանում գրքից դուրս կտրել առաջին յօդուածը, գրքի շապիկը նորից տպագրել և այնպէս նորից կազմել, որովհետև այնպէս են հրամայել ժառանգները հեռագրով:

Ես ապշել էի: Բայց ինչ կարող էի անել. հեղինակը չկար, իսկ կարգադրողները նրա զոյքի ժառանգներն էին. անմիջապէս կարգադրեցի գրքերը քանգել, «Պատասխանը» դուրս կտրել և շապիկը նորից տպելով թղթակազմել:

Այժմ ուրեմն ընթերցողի առաջ դրուած է գիրքը այն կերպարանքով, ինչպէս որ ցանկացան հանգուցեալի ժառանգները:

Բայց սրանով էլ չբաւականացան նախանձախնդիր ժառանգները. նորա «սարսափելուց» անմիջապէս նամակ տուեցին «Հորիզօնում», որով նախքան ինձանից բացատրութիւն պահանջելը ներողութիւն էին խնդրում հասարակութիւնից, ասելով, թէ իրանց հայրը վերջիւրը տառապում էր հոգեկան հիւսնեղութեամբ. և պ. Նաղարեանցն էլ «սարսափով» էր կարգացել նրանց այդ նամակը:

Ես պատմեցի ամեն բան պարզապէս, ինչպէս որ դէպքերը տեղի էին ունեցել. բայց վերը յիշածներից առաջ են գալիս մի քանի էական հարցեր, որոնց ես կուզենայի պարզել հասարակութեան առաջ.—

1. Իրաւ էր, որ Մուրացանը վերջերը հոգեկան հիւսնդ էր և իր «պատասխանը» հոգեկան հիւսնդ ժամանակի գրուածք:

2, ինչ «անբնական կամ անտրամաբան» մտածողութիւն էր պարունակում այդ յօդուածը իւր մէջ:

Եւ 3, որ ամենագլխաւոր եմ համարում ես, իրաւունք ունէին Մուրացանի ժառանգները հանել նրա անմիջական կարգադրութեամբ տպել տուած յօդուածը երկերի հատորից և մի հեղինակի

գործ հասարակութեան ներկայացնել այնպէս, ինչպէս որ ոչ թէ ինքը հեղինակն է ցանկանում, այլ... բոլորովին ուրիշ անձինք, թէկուզ լինէին նրա ժառանգները:

Առաջին հարցի մասին ես ինչպէս բժիշկ չեմ կարող խօսել, բայց իբրև հանգուցեալի խիստ մտերիմներից մէկը պէտք է ասեմ, որ ես նրան խելագար հիւանդ և ոչ իսկ հոգեկան թեթև խանգարման մէջ չեմ տեսել, ճշմարիտ է նա ջղային հիւանդութիւն ունէր, բայց ինչպէս կվկայեն նրա մօտիկ ծանօթները, այդ հիւանդութիւնը կայանում էր պիսացաւի մէջ միայն, որ սակայն մշտական մի երևոյթ չէր, այլ երբեմնական. բայց ես չեմ նկատել նրա դատելու, խօսելու կամ գրելու մէջ ոչ մի արտասովոր բան: Նա ճշմարիտ խելագար էր Մանգլիսից գալուց յետոյ, ուրիմն երկերի նիւթը տպարանին յանձնելուց յետոյ:

Թող հրապարակ գան և վկայեն պ. պ. Մանուկ Աբեղեանցն ու Սարգիս Բամալեանցը, թէ արդեօք, երբ նրանք ժամերով խօսակցում էին և քննում մեր հասարակական այս և այն խնդիրները, գտնան արդեօք Մուրացանի մէջ խելագարին յատուկ որևէ միտք կամ դատողութիւն: Մանաւանդ վերջինը, որ և մասնակցում էր նրա նիւթերի կարգաւորութեան գործին: Այդ ինչպէս պատահեց, որ նրան շրջապատողները խելագարութիւն չէին տեսնում, իսկ հազարաւոր վերստիւր տասնեակ տարիներ հեռու ապրող և նրա երեսը չտեսնող «ժառանգները» գտնում էին նրան խելագար:

Կամ այդ ռը բժիշկն էր, որ նրան բժշկում էր ինչպէս խելագար, հետաքրքրական է իմանալ:

Երկրորդ խնդիրը ինքը յօդուածն է: Տեսնենք թէ ինչ խելագար միտք է պարունակում իր մէջ այդ գրուածքը, որ ժառանգներին իբրև խելագարի գործ է թուացել և այդ պատճառով էլ «սարսափ» ու կարգացել:

Շատ ցանկալի կլինէր, եթէ ես կարողանայի առաջ բերել այստեղ Մուրացանի ամբողջ դուրս կտրած յօդուածը «Ռուզանը և նրա քննադատները» վերնադրով ապացուցանելու համար, թէ ինչ լուրջ, խոհուն և տրամաբան դատողութիւններով է ներշնչուած այդ յօդուածը, բայց մենք այդ կանոնը մի ուրիշ անգամ, իսկ այժմ այնքանն էլ բաւական ենք համարում, որ միայն մի քանի կտորներ արտատպենք այնտեղից, որպէսզի ընթերցողը իմանայ, որ Մուրացանը այդ յօդուածը գրելիս կատարեալ խելքի է եղել հեռու խելագարութիւնից: Ահա նա.

«ՌՈՒՉԱՆԸ» ԵՒ ՆՐԱ ՔՆՆԱԴԱՏՆԵՐԸ

«Համեստութեան ու պատշաճի տեսակէտից դատելով՝ լաւ է որ սեփհական երկի մասին երբէք չըխօսէ հեղինակը, որովհետեւ որքան էլ անկեղծ լինի նա, դարձեալ կգտնուին մարդիկ, որոնք նրա խօսքին կը հակադրեն յայտնի առածը թէ՛ «Ո՛չ ոք իւր թանին թթու չի ասում»:

Բայց և համեստութեան այդ պահանջին հնարաւոր է, կարծում եմ, պատկառ մնալ այնպիսի երկրում, ուր նախ՝ կան ճշմարիտ քննադատներ, այսինքն մարդիկ, որոնք պատրաստութիւն և կոչումն ունին գրական երկերի անաչառ քննիչն ու դատաւորը լինելու, և երկրորդ՝ ընթերցողները մեծ մասը զարգացած է այնքան, որ կարող է իւր կարգացածի մասին զաղափար կազմել՝ ազատօրէն կարդալով անձամբ հեղինակի գրուածքը և ոչ թէ կուրօրէն ենթարկուել առաջին պատահած տգէտ, անբարեխիղճ գրողի կարծիքներին, և թէ, ի դէպ դրանք արտայայտուեն կըքով, որոշ դիտումներով:

Մեր մէջ, դժբախտաբար, հազուադիւտ են քննողատներ բառի իսկական նշանակութեամբ. դրանց փոխարէն կան, բազմաթիւ պօլիմիստներ, որոնք այս ու այն գրական երկի մասին յայտնում են իրենց հայեացքն ու կարծիքները որոշ դիտումներով ու նպատակներով՝ աչքի առաջ ունենալով աւելի գրողի անձը, քան գործը:

Այս երեւոյթն ունի իւր բնական պատճառը: Մեր երկրի հայ մամուլը իւր աշխատակիցներին ու ընթերցողներին, կամ ընդհանուր առմամբ, մտածող հայ հասարակութիւնը բաժանել է ականների և մկրտելով նրանց ազատամիտ ու պահպանողական, առաջադիւմ ու յետադիւմ անուններով՝ հասարակաց է դարձրել այն միտքը թէ՛ երկու հակառակ բանակի մարդիկ միեւնոյն ճշմարտութիւնը դաւանել չեն կարող, թէ մէկի գտած լաւը՝ միւսը վատ պիտի հռչակէ, կամ ցոյց տուած բարին պիտի ընդունէ չարի տեղ, այդ իսկ պատճառով ես կարծում եմ անհետացել են ասպարէզից ճշմարիտ քննադատներ և նրանց տեղն անցել զուտ պօլեմիստներ, կամ գրական մարտիկներ, որոնք կոչումն ունենալով այս կամ այն բանակի պատերազմը պատերազմելու, բնականաբար, անկարող պիտի լինեն հակառակորդի պաշտպան կամ փառաւորիչ հանդիսանալ՝ նոյն իսկ եթէ սա արժանի լինէր դրան, կամ դատել ու պարսաւել իրենց կուսակցին, եթէ նրա գործը պարսաւի լինէր արժան:

Քննադատը, սակայն ուրիշ է: Իմ կարծիքով, նրա համար չըկայ կուսակցութիւն, չըկան բանակներ, ազատամտի կամ պահպանողականի շահեր. նա ճանաչում է միայն ազատ ստեղծագործու-

Յիւնը և սրա արժանիքը: Նրան կարող է հետաքրքրել և խօսեցնել ամեն մի գործ, որ առնչութիւն ունի գեղարուեստի, նրա զարգացման և շահերի հետ: Եւ երբ հարկ լինի խօսել, կը խօսէ արդարութեամբ, առանց աչառելու, առանց բարեկամ և հակառակորդ ճանաչելու: Կը գովէ սիրով, ինչ որ արժանի է գովութեան և կը պարսաւէ աներկիւղ, ինչ որ պէտք է պարսաւել:

Յայտնի Բելինսկին իրաւամբ կրիտիկոսին անուանում է «գեղեցիկ դատաւոր» և կրիտիկայի նպատակը համարում այն՝ որ նրա շնորհիւ ստեղծագործութեան կամ գեղարուեստի հիմնական օրէնքները բացատրուին տեսականապէս, իսկ նրանց ճշմարտութիւնը հաստատուի գործնականօրէն:

Այս անել կարողանալու համար, հարկաւ, կրիտիկոսը ոչ միայն ծանօթ և հմուտ պիտի լինի ստեղծագործութեան հիմնական օրէնքներին, հապա ձիւրը էլ պիտի ունենայ այդ օրէնքները ըստ պատշաճին բացատրելու և դրանց հիման վրայ հեղինակի գործը քննելու, ըստ որում այդ օրէնքներից դուրս եղող ըմբռնումով քննութիւն կատարելը ոչ այլ ինչ է, եթէ ոչ կամայականութիւն, որ հարկաւ պօլեմիստին, բայց երբէք կրիտիկոսին վայել ունակութիւն է:»

...

«Այդ դրաման ես գրել եմ տասն և իննը տարի սրանից առաջ: Նա խաղացուել է Թիֆլիսում, առաջին անգամ 1882-ին, այսինքն հայոց Թատրոնի փառաւոր շրջանում և այնպիսի խմբի ձեռքով, որի աստղերն էին Ադամեան, Սնակեան, Հրաչեայ, Գարագաշ ևն: Պարզ է որ այդպիսի խմբի ձեռքով խաղացուած պիւէսի յաջողութիւնը կը լինէր կատարեալ և ազդեցութիւնը մեծ: Ինչ այնպիսի ոգևորուած ցոյցեր արին, որ քիչ էր մնում հաւատայի թէ՛ իրաւ, արժանի էի դրանց: Եւ ճշմարիտն պատժ, այդ մոլորութեան մէջ էլ մնացի օրերով: Նոյն դրութեան մէջ կը լինէր և ամեն մի սկսող, որի գրչի առաջին փորձը նման յաջողութեան էր հանդիպում: Բայց իմ անձը և գործերը խստիւ քննելու և նրանց իսկական արժէքը ճանաչելու բնաւորութիւնը օտար չէր ինձ: Այդ պատճառով էլ չնայելով որ իմ գործը հանդիպել էր յաջողութեան և շատերը ժամանակակիցներից խնդրեցին, թախանձեցին, նոյն իսկ տալագրութեան ծախքը առաջարկեցին, որպէսզի ես «Ռուզանը» լոյս հանեմ առանձին գրքուկով, այնու ամենայնիւ ես չհամոզուեցի, որովհետեւ իմ գործը բաւական մշակուած ու կատարեալ չէի համարում, ուստի թողեցի այն անտիպ: Բացի այդ որոշ ժամանակից յետոյ էլ արգելեցի պիեսը չըխաղալ ոչ մի տեղ:

Անցան 18 երկար տարիներ, որոնց ընթացքում և ոչ մի օր ձեռն չէի առել «Ռուզանը», նախ՝ այն պատճառով որ հայոց թատրոնը գրեթե մեռել էր, իսկ նրա թափառական թիմը չէր ողևորում ինձ, երկրորդ՝ ծառայութիւնից դուրս ունեցած սակաւաթիւ ժամերս գործ էի դնում վիպական աշխատութեանց վրայ:

«Գալով պ. Լէօի իմ լեզուի մասին արած դիտողութեանց, ես արդէն բաւական եմ համարում նրա այն վկայութիւնը թէ՛ իմ լեզուն «հարուստ է և ողորկ ինչպէս հայերէնի նմուշ»։ Իսկ մնացեալը թէ՛ ես գրաբարումս իմ, թէ՛ ես գործ եմ անում «դի», «կարի», «առ քեզ» և այլն (որոնք, 'ի դէպ ասած, ամբողջ 64 երեսի մէջ գործ են դրուած մի կամ երկու անգամ, այն էլ՝ բառերի համաչափութիւն կազմելու և խօսքը դիւրալուր դարձնելու համար), իսկ թէ՛ ես գտնում եմ Բէշիքթաշլիանի, Շէքիմեանի և Նարբէյի «խիստ» ազդեցութեան տակ, կարող եմ ասել, որ դրանց թատերական գրուածքներից մի ամբողջ երես կարդացած չեմ լինիլ իմ կեանքում, որովհետեւ կարդալու բաներ չեն: Այս բոլորի նկատմամբ ոչինչ չեմ գրում, նախ այն պատճառով յօդուածս արդէն երկարեց և երկրորդ՝ որ «Ռուզանի լեզուն ամենքի առաջն է, կարող են կարդալ և դատել: Ես միայն կը ցանկանայի, որ մեր գրողներից շատերը նոյնչափ բարեխղճաբար վարուէին հայ լեզուի հետ, որչափ ես եմ վարում: Այն ժամանակ, գուցէ պակասէին մեր միջից այնպիսի գրագէտներ, որոնք հայ բառերով գրում են ուսերէն և որոնք, դժբաղդաբար, մեծ թիւ են կազմում մեր մէջ»:

Մնացած կէտերի վերաբերմամբ աւելորդ եմ համարում խօսել, որովհետեւ դրանցից իւրաքանչիւրի հերքումը պարունակում է իւր մէջ»:

Խնդրում ենք ընթերցողին մատնանիչ անել, թէ լո՞ւն է գտնում նա այս հատուածների մէջ աննորմալ կամ լօգիկայի հակառակ դատողութիւն:

Ինչ վերաբերում է երրորդ հարցին, իրաւունք ունի՞մ արդեօք կողմնակի անձինք առանց հեղինակի կամքի արգելք դնել որեւէ անձի գրուածքի վրայ, այդ մասին կարող է երկու առարկութիւն լինել. նախ օրէնքի տեսակէտից և երկրորդ մարդկային առողջ դատողութեան և բարոյական կողմի: Ռուսաց օրէնքից մեզ յայտնի չէ այնպիսի մի յօդուած, որ իրաւունք տար ում և է մէկին, թէկուզ ամենամօտ բարեկամին, բռնանալ ուրիշի մտքի

վրայ և գրաքննչի դեր կատարել. ընդհակառակ ինքը տէրութիւնը վերացրեց գրականութեան վրայից պաշտօնական գրաքննութիւնը, ինչպէս ուրեմն թոյլ կտայ նա մէկին ճնշում և քսութիւն գործ դնել միւսի մտքի վրայ: Գալով բարոյական կողմին՝ հարկաւոր է արդեօք մանրամաս խօսել այստեղ առողջ մտածողութեան և բարոյական հասկացողութեան մասին. ամեն մի համբակ շատ լաւ գիտէ, որ անձի անձեռնմխելիութիւնից գերազանց է մտքի անձեռնմխելիութիւնը և քանի քանի մտքի մշակներ աւելի լաւ են համարել կախաղան բարձրանալ կամ իրանց կեանքը վերջացնել տաժանակիր աշխատանքների մէջ, քան մի ըոպէ թոյլ տալ, որ միտքը, գաղափարը կամ խօսքի ազատութիւնը վտանգի ենթարկուի:

Մուրացանի ժառանգները իբրեւ Եւրոպայում սնուած և մեծացածներ պէտք է շատ լաւ գիտենային այս բիւրեղացած ճշմարտութիւնը և այնպէս վարուէին իրանց տաս տարի չտեսած հօր յիշատակի հետ:

ՏՊԱԳՐՈՒԹԵԱՆ ՀԱՇԻՒԼ

Համաձայն իմ խոստման առաջ եմ բերում այստեղ տպագրութեան հաշիւը.

ՄՈՒՏՔ

Ստացել եմ պ. Եփ. Միրզոյեանից.	400 ռ.
„ Բժ. Բ. Նաւասարդեանից Մուրացանի բժշկութեան համար	5 ռ.
	405 ռ.

ԾԱԽՔ

25 մամուլ շարել ¹ և 1500 օր. տպելը	250 ռ.
Շապիկը տպելը	4—
Պատկերը տպել ² .	5—

1. Մուրացանին տուած հաշւում մամուլի շարել և տպելը որոշուած է 11 ռ. ուրեմն այժմ 25 ռուբլի զեղջ ենք արել:

25 Մամուլի սրբագրութիւնը արժէ առնուազն 50 ռուբլի, որ մենք չենք պահանջում:

2. Կլիշէն Մոսկուայում պատրաստելու ծախքը վերցրինք մեզ վրայ:

Թուղթ Դիտ. ընկ.—ից 41 օգոստ	266—
Պատկերի Թուղթ.	4—
Շապկի Թուղթ	5—65 կ.
Թղթակազմ	18—75

ԳԻՐՔԸ ԿԵՐՊԱՐԱՆԱՓՈԽԵԼՈՒ ԾԱԽՔԵՐ

Շապկի Թուղթ	5 — 65 —
» Տպելը	4
Սպիտակ Թուղթ	1 — 35 —
Սպիտակ երես տպելը	3 — 50 —
1500 գրքից մի մամուլ դուրս կտրել և նորից կըպ- ցնելը:	3 —
	570 ո. 90 կ.
սրանից հանելով մեր ստացած	405 ո.
	մնում է 165 — 90

Մենք ստանալիք ունենք այդ գրքից 165 րուբլի 90 կոպէկ. այս հաշուից պ. Տ. Նազարեանը վաճառելով 55 օրինակ Գուտտեմբերգ գրատաշն վրայ՝ 55 րուբլի վճարեց մեզ, ուրեմն մեզ այժմ հասնելու է 111 րուբլի 90 կոպէկ:

ԳՐՔԵՐԻ ՀԱՇԻՒԸ

Տպուած է 1500 օրինակ.	
սրանից տուել ենք Տ. Նազարեանցին 20 օր.	
(անդորր № 44)	
տուած է Գուտտեմբերգին	55 օր.
գրաքննական կոմիտէին	15 օր.
(անդորր. № 52)	

90 օր.

մեզ մօտ մնում է 1410 օրինակ, որ առաջարկում ենք ժառանգ-
ներին ստանալ մեզնից և վճարել տպարանին պարտք մնացած
111 րուբլի 90 կոպէկը:

Դիտ Աղանեանց ա. Բ.



ԱՐՇ. ՇԱՀՆԱԶԱՐԵԱՆ. «ԽԱԻԱՐ ԱՇԽԱՐՀՈՒՄ» (ՊԱՏՄԻԱԾԻ-
ՆԵՐ) ԵՐԵՒԱՆ, 1910

Պ. Շահնազհանը երիտասարդ գրող է և առաջին անգամ հանդէս է գալիս իր պատմութեան ժողովածուով, որոնք թուով ութ հատ են, բոլորն էլ գիւղական կեանքից վերցրած:

Երիտասարդ հեղինակը իր պատմութեան մէջ աչքի է ընկնում որպէս լաւ ծանօթ գիւղական միջավայրի կեանքին ու սովորութիւններին. սակայն նա հարազատօրէն չի վերարտադրում այն, ինչի որ մօտենում է. նրա նկարագրութիւնները անփայլ են, չունեն կենդանի գունեղ պատկերաւորութիւն և խոր դիտողականութիւն: Պ. Շահնազարեանն իր գրութեան մէջ աւելի շուտ քննադատ է քան նկարագրող, դատաւոր՝ քան փաստերով զինուած փաստաբան: Նա հերոսի մէկին ուզում է դուրս բերել իբրեւ «խեղճ» մարդ, իսկ միւսին իբրեւ «անօրէն վաշխառու». բայց փաստեր չի տալիս դրանց համար, գեղարուեստօրէն նկարագրելով չի ապացուցանում առաջինի խելճութիւնը և երկրորդին անօրէնութիւնը, այլ միայն բաւականանում է չոր ու ցամաք պատմելով, որ այս ինչը խեղճ մարդ է, այն ինչը անօրէն և այլն: Առանց փաստերի, առանց ընթերցողներին ծանօթացնելու իր հերոսների բնորոշ յատկութիւնների հետ, պ. Շահնազարեանը հարկիներ է կպցնում Սիրոբի, Աւօի, Մանուկ աղայի և միւսների ճակատին:

Պ. Շահնազարեանը լաւ կանէր, եթէ միայն բաւականանար գեղարուեստօրէն նկարագրելով և փաստեր արձանագրելով, առանց դատաւճիռներ ու ցաւակցական ներբողներ կարդալու: Նրա պատմութեան մէջ զուգընթացաբար միշտ երևում են պատմիչը և դատաւորը, իսկ դրանց լայն ստուերի տակ միշտ ծածկուած է մնում գունատ նկարագիրը: Պ. Շահնազարեանը գլխաւորապէս գրում է արարատեան բարբառով, և միայն տեղ-տեղ գրական խառնելով, որը ծանրացնում է աւելի, առանց այն էլ ծանր ոճը:

«Սերոբնեց ամերը» պատմութեան տպաւորիչ է, բայց տեղ տեղ գեղարուեստական չափը ընկնում է: Լաւ է «Մարանի դիղապետը», թէև դարձեալ գեղարուեստական ամբողջութիւնը չի պահպանուած: «Մացակի լոշը» սիւժետը լաւ է, բայց լաւ չէ մշակած: Կենդանի պատկեր է «Կարմիր ճիպտը»: Լաւ է նաև «Քրիստոսի սիրուն» աւանդութիւնը:

Ընդհանուր տպաւորութիւնը այն է, որ պ. Շահնազարեանը սիրում է թշուառների կեանքը նկարագրել (և շատ էլ լաւ է անում):

երևում է, որ պարոնը շնորհք ունի. մնում է, որ նա կեանքի փորձերով և խոր գիտողականութեամբ ուսումնասիրէ կեանքը և դրանով զարգացնի իր փոքրիկ տաղանդը:

Սորհունդ կտայինք պ. Շահնազարեանին ուսումնասիրել Գլխի Ուսպենսկուն, իբրև նարոզնիկ գրողի:

Ֆ.-Մ.

ՄՏԱՅՈՒԱԾ ԳՐԻՔԵՐ

Գ. Մելիք—Կարաբեօղեան. Մարդու կազմուածքը, կազմալուծուող և այլ պատկերներով. Թիֆլիս 1905.

М. Алавердянцъ. Тестъ А. С. Грибоѣдова, кн. Ал. Чавчавадзе. С. П. Б. 1910.

Malachia Ormanian. L'edjise Arménienne. Paris 1910.

Փամանակաւոր կանոններ Հայոց թիմ. Հոգևոր Դպրանոցների մասին. 1910 Թիֆլիս

Avetis Aharonian, Bilder aus Türkisch—Armenien, Übersetzt von Artak v. Smbatianz. Etschmiadisch 1910

Եղիա տէր Հայրապետեան. Զանգէզուր. լեզենդական պօէմա, Գորիս, 1910

Տեղեկագիր Թիֆլիսի Հայ-գիւղատնտեսական և տնայնագործական ընկերութեան 1909.—10 Թիֆլիս 1910:

Վ. Ա. Բառգիրք լատին և օսարազգի դարձուպծների Թիֆլիս 1911 զ. 75 կ.

ԱՄՍՈՒԱՅ ՏԵՍՈՒԹԻՒՆ

Հոյս տեսաւ տկանաւոր հայ զրազէս Կ. Կոստանեանցի «Հայագիտութիւնը արեւմտեան Եւրոպայում» նոր աշխատութիւնը: Հին սերունդի նշանաւոր գործիչներից մէկի այս գրքի մասին մենք առանձնապէս պիտի գրենք, իսկ այժմ այս գրքի մէջ բերած Տուրնըֆօրի կարծիքը հայերի մասին կարելի էր կապել ներկայ կեանքի հետ: Տուրնըֆօրը ասում է les Armeniennes les meilleurs dens du monde այսինքն՝ «հայերն աշխարհիս լաւագոյն մարդիկն են»:

Հայերը ի հարկէ աշխարհիս երեսին ամենալաւ մարդիկը չեն. բայց որ հայ ժողովուրդը բոլոր միւս ազգերից ամենից հաւածուած ժողովուրդն է, որը չէ կորցրել տակաւին մարդկային շատ իղէալական յատկութիւնները, այս անկասկածելի է: Քրիստոնէութիւնը ընդունելուց յետոյ հայերը մի գորեզ ձգտում են ունեցել դէպի Եւրոպա և Եւրոպական քաղաքակրթութիւնը: Շատ թանգ է արժեցել հայերին այս ձգտումը, բայց նրանք մինչև այսօր չամառ կերպով սպասում են Եւրոպայից դալիք հայկական մեսսիային: Կիլիկիայի Ռուբինեանց կարճատե թագաւորութիւնը ոչ միայն Եւրոպական Ֆէօդալիզմի կարգն ու կանոնը ընդունեց, այլ նոյն իսկ պատրաստ էր կաթալիկ կրօնը ընդունելու: Երբ որ ընդմիշտ մեռաւ հայի լոյսը վերաստեղծելու իր քաղաքական անկախութիւնը, հայը շարունակեց իրրեւ անհատ պահպանելու իր ազգային գոյութիւնը և չ'մեռաւ նրա մէջ հասարակօգուտ հիմնարկութիւններ հաստատելու ձգտումները: Թիւրքիայի ազգային սահմանադրութիւնը, Պոլսի ազ-

դային հիւանդանոց, Լազարեան ճեմարան և նոյնիսկ վերջին յեղափոխական շարժումները, որ սակայն անմիտ տառապանքով էին ղեկավարուում, հայի հոգու իրէտրական առանձնայատկութիւնների արդասիքներ են:

Հայ ժողովուրդը իւր բոլոր շրջապատող շրջաններից միշտ աւելի առատածնուն է եղել հասարակական հիմնարկութիւնների օգտին զոհաբերելու: Այս օրերս մեռաւ մի հասարակ դարաւորի վաճառական՝ Իսահակ Թադէոսեան, որ կենդանութեան ժամանակ շատ քիչ էր յայտնի բայց բանից դուրս է գալիս, որ նա ոչ միայն մի քանի տասնեակ հազար մանէթ է նուիրել Լարաբաղի թեմական դպրոցին՝ այլ որ ունի աւելի արժէքաւոր կտակ: Ել չենք խօսում յայտնի բարեգործ Մանթաշեանի բազմաթիւ զոհաբերութիւնների մասին: Բայց ո՞վքեր են Հայ ժողովրդի և Հայ ազգի վատադոյն յատկութիւններով օժտուածները, օտարների առաջ հային վարկաբեկ անողները: Փառամոլութեան և շահասիրութեան համար կուսակրօնի զղեստը հաղնող մարդիկ և բիւրոկրատիական հակումներով համակուած հայ ինտելիգենցիան:

Ինտելիգենցիային են պատկանում «Իրօշակ»-ի խմբադրութեան անդամներն ու Ս. Սպանդարեանցը, որոնցից մէկը մեղադրուած է զրպարտութեան, իսկ միւսը մատնութեան մէջ:

Եւրոպայում հրատարակուող «Իրօշակ» լրագրի մէջ, որ Դաշնակցական կուսակցութեան կենտրոնական թերթն է, տպուած է եղել մի խիստ յօդուած, որով ամբաստանում են «Նոր-Դար» լրագրի խմբագիր Ս. Սպանդարեանցին, իբր թէ նա 6 տարուց ի վեր գաղտնի լրտեսի պաշտօն է վարել, յայտնի վարձատրութեամբ, ոուս կառավարութեան որոշ հիմնարկութեան մէջ: Մենք այդ յօդուածը չտեսանք, բայց կարդացինք հայ և ոուս բոլոր թերթերում թերևս դէմ բազմաթիւ յօդուածներ այդ մասին: Ինքը Սպանդարեանցը հանդէս եկաւ մամուլի մէջ և բողոքեց, որ այդ ամենը զրպարտութիւն է և գնաց Եւրոպա Դաշնակցութիւնը մեղադրելու զրպարտութեան մէջ ընկերական և պետական դատարանների միջոցով: Հասարակական կարծիքը և մենք դրա հետ հակուած էինք իրօք զրպարտութիւն համարել այդ ծանր մեղադրանքը, երբ մամուլի մէջ հանդէս եկաւ Մենշիկովը, որ նախկին

ծառայող էր պետական գաղտնի ոստիկանութեան մէջ և կրկնեց «Դրօշակ»-ի ասածները: Լեւեպնեցիով, որ ինքը անհերքելի փաստեր ունի այդ մասին: Այժմ ամենքը սպասում են անհամբեր, թէ ինչ ցոյց կտայ պ. Սպանդարեանցի յարուցած դատը և, իր ասելով, ձեռքին ունեցած մեղադրանքը ոչնչացնող փաստերը և ինչ՝ Մինչիկովի սպառնացող գրութիւնը: Բայց մինչև խնդիրը կպարզուի, տեսնում էք, որ մեր ինտելիգենցիայի շնորհիւ հանդէս են հանւում հայի վատ հակումները, լինի այն մէկ կողմի գրպարտութիւնը թէ միւս կողմի լրտեսութիւնը:

Ռոստովի մօտ Միհրանի սպանութեան վրայ մանրամասնութիւններ է տալիս Ալատամարտը: «Սեպտ. 4-ին եկած էր Ռոստով, ամբողջ օրը մնաց ծածուկ և զգուշաւոր, Սեպտ. 6-ին, իրիկուան 9-ի կառախումբով կ'վերադառնար իր բնակատեղին, Ռոստովի մօտ ոռոսական գիւղ մը, ուր պիտի սպասէր մինչև Դաշնակցութեան դատավարութեան սկսիլը: Կառախումբին նոյն վակոնին մէջ կ'նստի Դաշնակցական թէրօրիստը, կիմնագիսթի տարազով: Դեռ առաջին կայարանը չհասած, տէրօրիստը կը մօտենայ Միհրանին և «Միհրան, պաշտպան է ինքզինքդ, պիտի սպաննեմ քեզ», կ'ըսէ. քանի մը վայրկեան վիճաբանելէ ետք, որու միջոցին Միհրան մէկ ձեռքով զէնք հանել կ'պատրաստուի ու միւսով տէրօրիստին ձեռքը բռնել, այս վերջինը հրագէնը կ'պարպէ Միհրանի կուրծքին վրայ, հարցնելով. «Միհրան, կ'զղջաս ըրածներուդ վրայ»: Կառախումբը կանգ կ'առնէ, իրարանցում կ'սկսի. տէրօրիստը օգտուելով այս խուճապէն, կ'անհետանայ մութին մէջ: Միհրան ժամանակին եղած էր Դաշնակցական զինուոր, 1906—1907-ին կսզմեց դաւադրական խումբ մը, «Զինուորական խորհուրդ» անունով, նպատակ ունենալով սպանել Դաշնակցական բոլոր ղեկավար անհատները Կովկասի մէջ, վերցնել գոյութիւն ունեցող Մարմիններն և անոնց տեղ հաստատել իր թիկտատորութիւնը: Այս նպատակն իրագործելու համար կատարեց կարգ մը ոճիրներ: Դաշնակցութեան 1907-ի ընդհ. ժողովը արտաքսեց զինք Դաշնակցութեան շարքերէն: Ալատամարտէ Լեւեպնէ որ Միհրան միակ վկան է, այսինքն անորակելի մատնիչն է այն քանի մը հարիւր Հայերուն որք իբրև Դաշնակցական ամբաստանուած՝ բանտարկուած են և երկու տարիէ ի վեր կ'տառապին Նովոչէրքասքի բանտի մէջ: Երեք մահափորձ եղաւ իրեն դէմ: Անգամ մը Արմաիւրի մէջ, ուր թէև ծանրապէս վիրաւորուեցաւ, բայց հիւանդանոց փոխադրուելով դարմանուեցաւ: Երկրորդ մահափորձը կատարուեցաւ Տփղիսի մէջ, անցեալ դիկտեմբերին, որի միջոցին դարձեալ երկու վէրք ստացաւ, իսկ երկու տէրօրիստները շրջապատուելով զազաքներէն կոռեցան և յետոյ անձնասպան եղան: Երրորդ մահափորձը եղաւ այս վերջինը»:

Լ Ո Ւ Ր Ե Ր

Պարիզից վերադարձաւ Թիֆլիս մեր վաղեմի աշխատակից պ. Շիրվանզադէն և այսուհետև նորից կաշխատակցէ և, մեր թերթին: Առաջիկայ համարից «Լումայ»-ում կսկսենք տպել նրա «Աւերակների վրայ» գրաման, որ դեռ հրատարակուած չէ ոչ մի տեղ:

Էջմիածնում կատարուեց եպիսկոպոսական ձեռնադրութիւն. ձեռնադրուեցաւ Գաղատիայի առաջնորդ Բաբգէն, Պանտորմայի առաջնորդ Կարապետ, Կարինի առաջնորդ Սմբատ, Եգիպտոսի առաջնորդ Մկրտիչ, Կտուց անապատի վանահայր Ստեփան, Երուսաղէմի պատր. փոխանորդ Դանիէլ վարդապետները, իսկ ռուսահայ վարդապետներից՝ Երևանի փոխանորդ Խորէն և Թիֆլիզի կոնսիստորի անդամ Եփրեմ վարդապետները:

Բաբգէն սրբազանը Արմաշու սան և ապա նոյն Դպրեվանքի տեսուչ, աշխատակցում էր «Լումայ»-ին, յայտնի է իւր գրաւոր վաստակներով, որոնցից առանձին գրքով բացի ուրիշներից տըպուած է նրա մի ընդարձակ գործը՝ Եղիշէի ուսումնասիրութիւնը:

Թիֆլիսում կայացաւ «Թեմական խորհրդի» ժողովը, ուր ընտրուեցան ներսիսեան դպրոցի համար լրացուցիչ հոգաբարձական ընտրութիւններ:

Ն. Նախիջևանում կատարուել է Գր. Չալխուշեանի փաստորանական գործունէութեան քսանհինգամեակը:

ԽԱՌՆ ԼՈՒՐԵՐ

ԹՈՔԱԽՏԻ ՆՈՐ ԴԵՂ

Շվեդական բժիշկ, դօքտօր Պֆաունէնշտիլը փորձեր է կատարում իր գտած նոր դեղով կոկորդի և թութերի հիւանդութեան դէմ: Առաջին փորձերը խիստ յաջող են անցել և շվեդական բժիշկները յոյս ունեն, որ նրանց պաշտօնակցի յայտնագործութիւնը մարդկութեան ձեռքին մի հզօր միջոց կտայ պատերազմելու թոքախտի՝

երկրիս ժամանակակից բնակիչների այդ ամենաչարթըշ-
նամու գէմ:

Դօքտօր Պֆաուենէնշտիլի դեղը էրլիխի դեղինման մի
քիմիական միաւորութիւն է, որ սակայն գործ է դրւում
հիւանդի վրայ ոչ թէ ներարկումով, այլ ներսից ընդու-
նելով և ներշնչումով միաժամանակ: Պֆաուենէնշտիլը հի-
ւանդին տալիս է երկու համեմատաբար չեզոք դեղեր,
որոնք միաւորուելով նրա արիւնի մէջ՝ առաջ են բերում
մի տեսակ քիմիական միաւորութիւն, որ ուժեղ կերպով
սպանում է թոքախտի բացիւնները:

Դօքտօր Պֆաուենէնշտիլը հիւանդներին տալիս է ման-
շային նատրի (iodist. natrium) լուծուածք կամ փոշի, իսկ
այնուհետեւ, փոքր ժամանակ անցնելու յետոյ, ներշնչել
է տալիս օզօնացած օդ կամ թթուածին: Օզօնի ներգոր-
ծութիւնից մանշային նատրի վրայ հիւանդի յօրինուածքի
մէջ գոյանում է ազատ մանիշ, որ ընկնելով թոքերի
կամ կոկորդի հիւսուածներից մէջ, կատարելապէս ոչն-
չացնում է բացիւնները:

Շվեդական բժիշկների փորձերն ապացուցել են, որ
այս եղանակով առանձնապէս յաջող է բժշկւում կոկորդի
թոքախտը, ուր աւելի հեշտ է ներս թափանցում շնչած
օզօնը:

Թոքերի թոքախտը, եթէ միայն թոքերի կատարներն
է հիւանդացել, բժշկւում է, բայց ինչքան որ հիւանդու-
թիւնը տարածւում է ներքեւ, այնքան Պֆաուենէնշտիլի
դեղը թուլանում է, որովհետեւ օզօնը միշտ չի կարողա-
նում թափանցել թոքերի խորքերը:



ԱՄԵՐԻԿԱԿԱՆ ԳԻՒՏ

Մի ճարպիկ ամերիկացի, շահագործելով հասարակութեան սէրը զէպի արկածալից վէպերի ընթերցանութիւնը, տղամարդու մի նոր տեսակ շապիկ հնարեց, որ մի օձիքը բաղկացած է եօթ առանձին թղթէ թերթերից: Այս թերթի հտեի երեսին վէպ է տպած, իսկ առջևի կողմը ծառայում է ինչպէս շապիքի օձիք: Շապիկները թուահամարած են, այնպէս որ իւրաքանչիւր ընթերցող գիտէ, թէ ինչպէս պէտք է գտնի իրան հարկաւոր վէպի շարունակութիւնը: Բացի սրանից, հնարողը իր տպած նիւթերը այնպէս է դասաւորել, որ ամեն մարդ, ով երկու շապիկ է գնում, ունենում է արդէն մի ամբողջ վէպ: Այս գիւտի օգուտը կայանում է նրանում, որ այգպիսի շապիկ ունեցողը կարող է ունենալ մաքուր օձիք եօթն օր շարունակ և ամեն օր մի մի թերթ քաց անելով և՛ իր տրամադրութեան տակ գրաւիչ ընթերցանութիւն մի ամբողջ շաբաթ, որովհետև այս շապիկի հնարողը գրաւել է իր օձիքների համար այս կողմից քիչ շատ տաղանդաւոր գրողներին ու գրագէտներին և վճարում է նրանց ամենաբարձր վարձատրութիւն, միայն թէ վէպերը կարգացուին յափշտակիչ ոգևորութեամբ: Այս շապիկի հնարողը հաշուում է ի հարկէ այն, որ շատերը, ընթերցանութեամբ յափշտակուած օրը մի քանի թերթ կալով են իրանց օձիքից և շապիկը շուտ շուտ կփոխեն, ցանկանալով շուտ կարգալ հետաքրքրական վէպը: Այսպիսով, հետաքրքրական վէպերը բազմաթիւ բանուորներին միևնոյն ժամանակ կսովորցնեն մաքրութիւն և սպիտակեղէնի շուտ շուտ փոխելուն:

Մամուլի տակ է եւ շուտով լոյս կտեսնի

ԵՂԻՇԵԻ ՎԱՐԴԱՆԱՆՑ ՊԱՏՄՈՒԹԻՒՆԸ

Աշխարհաբար նոր թարգմանութիւն

ԳԻՒՏ ԱՂԱՆԵԱՆՅ Ա. Դ.

15-ր Տ Ա Ր Ի

1910

Լ Ո Ւ Մ Ա Յ

ԳՐԱԿԱՆ-ՊԱՏՄԱԿԱՆ ԵՒ ՔԱՂԱՔԱԿԱՆ ԱՄՍԱԳԻՐ

1910 թուին Լուսման լոյս է տեսնում իւր այժմեան
գիրքով, բաղկացած 64—80 երեսներից, մեր մշտական
աշխատակիցների գործակցութեամբ: Ինչպէս միշտ, հար-
կաւոր դէպքերում, կտրուեն պատկերներ հասարակական
երևոյթիւնների առթիւ:

1910 թուի «ԼՈՒՄԱՅ»ի ԿԱՆԽԻԿ ՎՃԱՐՈՂ բա-
ժանորդները կստանան իբրև Պ Ր Է Մ Ի Ա

Ե Ղ Ի Հ Է Ի

ՎԱՐԴԱՆԱՆՑ ՊԱՏՄՈՒԹԵԱՆ

աշխարհաբար նոր թարգմանութիւնը:

ԲԱԺՆԷԳԻՆՆ Է տարեկան	6 ռ.,	կէս տ.	4 ռ.
Արտասահման	8	»	5

ՈՒՍՈՒՑԻՉՆԵՐԻ, ԱՇԱԿԵՐՏՆԵՐԻ, ՔԱՀԱՆԱՆԵՐԻ
ԵՒ ԳՈՐԾԱԿԱՏԱՐՆԵՐԻ ՀԱՄԱՐ «ԼՈՒՄԱՅ»-Ի
ՏԱՐԵԿԱՆ ԲԱԺՆԷԳԻՆՆ Է 4 ՌՈՒԲԼԻ

ԱՊԱՌԻԿ ՈՉՈՔԻ ՉԻ ՈՒՂԱՐԿՈՒԻ

Հասցէն Թիֆլիս Պօլիցէյսկայա 7. Tiflis Polizeiskaja, 7.